



240310

ВИ.

I

Mag. St. Dr.

Знаменитый

Шкафъ

25

Полка

Мѣсто

238.

8 XXIII  
238


9  
21




240310


I
















































Q

Q XIV 8  
19

E. n. not. H. H. H. H. H.

# COLLECTANEA

E PROBATIS

LATINÆ LINGVÆ

SCRIPTORIBVS

AD VSVM

SCHOLASTICÆ IUVENTVTIS.



PARS SECVNDA.  
PRO SVPREMA CLASSE  
GRAMMATICES.

---

VILNÆ,

Ex Typographia S. R. Maj. & Reipublicæ  
Scholarum Piarum. A. D. 1761.



Præceptores latinitatis nihil magis laborant, quam ut augeant docendo difficultates, quas in latinam linguam invexerunt multitudine atque involacris regularum, quibus addiscendis absuntur tempus longe utilius atque jucundius in vocabulorum explicatione. ac bonorum Auctorum interpretatione traducendum..... Postquam autem peritior aliquando quis explicandis Auctoribus evaserit, opus certis habebit, quibus ducatur, legibus, ut si quando imprudenter ab Auctorum consuetudine aberraverit, memoria præceptorum revocetur-

GRAVINA Orat. I.





# VITÆ CLARORUM VIRORUM

EX T. LIVIO. (1)

## ROMULUS.

**R**omulum & Remum Martis ac Rheæ Sylvie (2) filios, uno partu editos in lucem, antiquitas credidit. Eos cum adhuc in cunis vagirent, à Numitore, materni Patris fratre, ad ripam Tiberis (ut aquis suffocarentur, vel necarentur inedia) expositos, lupam ubere lactasse, magister regii pecoris invenit. Faustulo fuisse nomen ferunt; ab eo ad stabula Laurentiæ uxori educandos datos. Quum primum adolevit ætas, nec in stabulis, nec ad pecora segnes, venando peragrarè saltus: hinc robore corporibus animisque sumpto, iam non feras tantum subsistere, sed in latrones præda onustos impetum facere, pastoribusq; rapta dividere: & cum his, crescente in dies iuvenum grege, seria ac

*ex Libris Cl. Augustini O. J. B. 21*

(1) Titus Livius Latinorum Historicorum facile Princeps, Patavii quinquaginta octo annis ante æram CHRISTI ortum habuit.

(2) Troiana in Asia Urbe à Græcis expugnata, Aeneas ad littora Italiæ appulit. Posteritas eius primum Lavinii, postea Albæ longæ imperabat, usque dum ventum esset ad Amulium Sylvie Patrem, quem Numitor, cum ætate minor esset, per iniuriam Regno spoliaverat, atque ne ipse deinceps spoliaretur, Sylvie filios necari præceperat.

jocos celebrare. A Faustulo genus suum edocti, Numitorem obtruncant, Amulium Matris Patrem avito restitunt folio. Sed ne ipsi absque imperio forent, in iis locis ubi expositi, ubi educati fuerant, urbem condere instituunt. Vulgatio fama est: ludibrio fratris Remum novos transiisse muros; inde ab irato interfectum. Ita solus potitus imperio; condita urbs conditoris nomine *Roma* appellata (3) quam, ne vacua incolis esset, asilum cuius scelesti esse iussit.

Cupidus immortalitatis, quæ sola virtute paratur, rebus divinis rite perpetratis, vocataque ad concilium multitudine, jura dedit, quæ ita sancta generi hominum agresti fore ratus, si se ipsum venerabilem insignibus fecisset imperii. Quum cætero habitu se augustiorem, tum maxime lictoribus (4) duodecim sumptis fecit.

Jamque res Romana adeo erat valida, ut cuilibet finitimarum civitatum bello par esset, sed penuria mulierum hominis ætatem duratura magnitudo

(3) Anno ante CHRISTUM 751 a Mundo, conditio 3252.

(4) Lictores erant servi publici, qui magistratum, fasciculum virgarum cum inserta secure manu gestantes, præcedebant. Postquam autem bello secundo Punico, quod cœperat Anno ab Urbe condita 514. Calabria Regni Neapolitani Provincia in partes Annibalis deservisset, Senatus Consulto cautum erat, ne munus Lictorum aliis præter Calabros obire liceret. Cardinalis Bellarminus, & eum sequutus Sandinius probant legem hanc extra Italiam non obtinuisse, ac proinde Calabros in CHRISTI Domini passione non fuisse tortores,

gnitudo videbatur, quippe quibus nec domi spes prolis, nec cum finitimis connubia essent. Nusquam benigne cum audiretur Romulus, ludos ex industria parat, Neptuno equestri solennes, *Consualia* vocat. Huc Sabinorum omnis multitudo cum liberis ac coniugibus venit. Signo dato, iuventus Romana ad rapiendas virgines discurret. Ipse Romulus circuit, atque eas, ut mollirent modo iras, & quibus fors corpora dedisset, darent animos, adhortatur. Sabini indignantes non prius bellum indicunt, quam inferunt, qui tamen funduntur, & mulierum precibus adducti pacis condiciones accipiunt; eorumque Rex Tatius in consortium imperii admittitur: at non multo post vita excedit. Brevi & Fidenates, & Veientes, & Ceninenses, & Antennates, & Crustumini vincuntur.

Omnem populum in tres divisit *Tribus*, tribum vero quamlibet in decem *Curias*. Ex his centum elegit seniores prudentioresque, quorum iudicio & consilio singula peragerentur. Hi ob ætatem *Patres*, *Patricii* & *Senatores* dicti. Legit quoque tres militum centurias, quarum nomina sunt: *Ramensis*, *Tatienfis*, & *Lucerensis*, iuxta nomina Tribuum quos perpetuos sui custodes corporis esse iussit. Hi in universum *Celeres* appellabantur, seu a Fabio Celere, qui iis primus præerat, seu quod celeriter iussa Regis exequi deberent.

His editis operibus, cum ad *Capræ paludem* concionem haberet, subito coorta tempesta cum magno fragore tonitribusque tam denso eum operuit nimbo, ut a conspectu concionis abstulerit, nec deinde in terris fuit, sed diuinos sub nomine Quirini sortitus est honores. Neque tamen abstuerunt, qui eum Patrum manibus discer-



ptum fuisse crediderint. Vixit 55. annis, e quibus 37. regno impendit administrando.

## NUMA POMPILIUS.

**I**nclita instituta religioque Romulo mortuo Numæ Pompilii erat. Curibus Sabinis habitabat consultissimus vir, ut in illa quisquam ætate esse poterat, omnis divini atque humani juris. Auctorem doctrinæ eius, quia non exstat alius, falso Samium (1) Pythagoram edunt: quem Servio Tullio regnante Romæ, centum amplius post annos, in ultima Italiæ ora circa Metapontum Heracleamque & Crotonem iuvenum æmulantium studia coetus habuisse constat. Suapte igitur ingenio temperatum animum virtutibus fuisse opinor magis; instructumque non tam peregrinis artibus, quam disciplina tetrica ac tristi veterum Sabinorum: quo genere nullum quondam incorruptius fuit. Audito nomine Numæ Patres Romani, quanquam inclinari opes ad Sabinos, Rege inde sumpto, videbantur: tamen neque se quisquam, nec factionis suæ alium, nec denique Patrum aut civium quenquam præferre illi viro ausi, ad unum omnes Numæ Pompilio regnum deferendum decernunt. De se Numa deos consuli iussit: inde eum aigitur in arcem deduxit, & regiones (2) ab oriente ad occasum determinavit: dextra in capite Numæ imposita, precatus est ita: *Jupiter Pater, si est fas hunc Numam Pompilium, cuius ego caput teneo, Regem Romæ esse, ut tua signa nobis certa ac clara sint*  
inter

(1) *Insula Samos in mari Aegeo quod nunc Archipelagus dicitur, sita est.*

(2) *Ab auguribus partes coeli determinabantur, in quibus signa ostendi volebant.*

*inter eos fines, quos feci.* Tum peregit auspicia quibus missis, declaratus rex Numa de templo descendit. Qui regno ita potitus, urbem novam conditam vi & armis, iure ac moribus de integro condere parat. Quibus quum inter bella adfuescere videret non posse (quippe efferatis militia animis) mitigandum ferocem populum armorum desuetudine ratus, Janum (3) ad insimum Argiletum indicem pacis, bellique fecit: apertus, ut in armis esse civitatem: clausus, pacatos circa omnes populos significaret. Ne autem luxuriarentur otio animi, quos metus hostium, disciplinaeque militaris continuerat; omnium primum rem, ad multitudinem imperitam, & illis seculis rudem, efficacissimam, Deorum metum injiciendum ratus est, qui cum descendere ad animos sine aliquo commento miraculi non posset; simulat sibi cum Dea Aegeria congressus nocturnos esse: eius se monitu, quæ acceptissima diis essent, sacra instituere: sacerdotes suos cuique deorum præficere. Atque omnium primum ad cursum lunæ in duodecim menses describit annum. Item nefastos dies fastosque fecit; quia aliquan-

A 3

do

(3) Templum Jani cum simulacro hicipiti, quod. ci tergo os oculosque haberet, ad denotandam diligentiam & perspicacitatem in bello necessariam. Tanto temporis intervallo ter non nisi templum hoc clausum fuerat: primum toto Numa regimine, alterum T. Manlio Torquato & C. Attilio [Balbo Consulibus] finito primo bello Punico Anno Urbis conditæ 517. ante CHRISTUM natum 236. tertium sub Augusto Imperatore post pugnam Actiacam, nascente CHRISTO servatore nostro.

do nihil cum populo agi utile futurum erat. Tum sacerdotibus creandis animum adiecit: quanquam ipse plurima sacra obibat, ea maxime quæ nunc ad Dialem (4) flaminem pertinent; flaminem Jovi assiduum sacerdotem creavit; insignique eum veste & curuli regia sella adornavit: huic duos flamines adiecit, Marti unum, alterum Quirino, virginesque Vestæ legit. Pontificem deinde Nymam Marcium Marci filium ex patribus legit, eique sacra omnia exscripta exsignataque attribuit; quibus hostiis, quibus diebus, ad quæ templa sacra fierent, atque unde in eos sumptus pecunia erogaretur. Multa sacrificia, locaque sacris faciendis, quæ Argeos Pontifices vocant, dedicavit. Omnium tamen maximum eius operum fuit, tutela per omne regni tempus haud minor pacis, quam regni. Ita duo deinceps Reges, alius alia via, ille bello, hic pace civitatem auxerunt. Regnavit annos tres & quadraginta.

### TVLLVS HOSTILIUS.

**N**umæ morte ad interregnum res rediit. Inde Tullum Hostilium nepotem Hostilii, cuius in infima arce clara pugna adversus Sabinos fuerat, Regem populus iussit: Patres auctores facti. Hic non solum proximo Regi dissimilis, sed ferocior etiam Romulo fuit: tum ætas viresque; tum avita quoque gloria animum stimulabat. Senescere igitur civitatem otio ratus, undique mate-

(4) Flamines dicti quasi flamines: nam cum per æstatem pileos gestare incommodum esset, quos ob auctoritatem sacerdoti deponere nunquam licebat, filo caput cingebant. Est autem Flamen Dialis idem qui & Iovis, Dis enim Græcis Jovem significat.



materiam excitandi belli quærebat. Forte evenit, ut agrestes Romani ex Albano agro, Albani ex Romano prædas invicem agerent. Legatis Albanorum Tullus dicendi potestatem, qui petentes venerunt, facit; illi omnium ignari primum purgando terunt tempus: *se invitos quicquam, quod minus placeat Tullo, dicturos, sed imperio subigi: res repetitum se venisse: ni reddantur, bellum indicere iussos.* Ad hæc Tullus: *Nuniate, inquit, Regi vestro: Regem Romanum Deos facere testes, uter prius populus res repetentes legatos aspernatus dimiserit, ut in eum omnes expetant huiusce clades belli.* Hæc nuntiant domui Regis Albani. Et bellum utrinque summa opera parabatur, civili simillimum bello, prope inter parentes (1) natosque. Albani cum parum bello proficerent, (2) Tullus in eorum concione ita infit: *Quod bonum, faustum, felixque sit populo Romano, ac mihi vobisque Albani, populum omnem Albanum Romani traducere in animo est: civitatem (3) dare plebi, primores in Patres legere; unam urbem, unam Remp. facere; ut ex uno quondam in duos populos divisa Albana res est, sic nunc in unum redeat.* Ad hæc Albana pubes inermis, ab armatis septa in variis voluntatibus, communi tamen metu cogente, silentium tenet. Inter hæc iam præmissi Albani erant equites, qui multitudinem traducerent Romam: legiones deinde ductæ ad diruendam urbem, quæ ubi intravere portas; non qui-

A 4

dem

- (1) Quia Romani ab Albanis originem traxerant, ut in vita Romuli videmus.  
 (2) Cum prælio superati essent.  
 (3) Plebi Albana ius civitatis Romanæ concedere.

dem fuit tumultus ille, nec pavor, qualis captarum esse urbium solet; sed silentium triste, actacita mæstitia ita defixit omnium animos, ut præ metu obliti quid relinquerent, quid secum ferrent, desiciente consilio, rogitanterque alii alios, nunc in limitibus starent, nunc errabundi domos suas, ultimum illas visuri, pervagarentur. Vt vero iam equitum clamor exire iubentium instabat; iam fragor tectorum, quæ diruebantur, ultimis urbis partibus audiebatur, pulvisque ex distantibus locis ortus, velut nube inducta omnia impleverat: raptim quibus quisque poterat elatis, quum larem ac penates, tecta que, in quibus natus quisque educatusque esset, relinquentes exirent: iam continens agmen migrantium impleverunt vias: & conspectus aliorum mutua miseratione ciebat lacrymas: vocesque etiam miserabiles exaudiebantur, mulierum præcipue, quum obsessæ ab armatis templa angusta præterirent, ac velut captos relinquerent deos. Egressis urbem Albanis, Romanus publica privataque omnia tecta adæquat solo, unaque hora quadringentorum annorum opus, quibus Alba steterat, excidio ac ruinis dedit, templis tamen deum, (ita enim edictum ab Rege fuerat) pepercit. Roma interim crescit Albæ ruinis: duplicatur civium numerus, Coelius additur urbi mons, & quo frequentius habitaretur, eam sedem Tullus regis capit, ibique deinde habitavit. Haud ita multo post cum in monte Albano lapidibus pluisset, pestilentia laboratum est: unde cum pigritia militandi oriretur: nulla tamen ab armis quies dabatur ab bellicoso Rege; salubriora etiam credente militis quam domi iuvenum corpora esse, donec ipse quoque longinquo morbo est implicitus: tunc adeo fracti simul cum corpore sunt spi-

spiritus illi feroces, ut qui nihil ante ratus esset minus regium, quam sacris dedere animum, repente omnibus magnis, parvisque superstitionibus obnoxius degeret, religionibusque etiam populum impleret. Ipsum Regem tradunt, volentem commentarios Numæ, quum ibi quædam occulta solennia sacrificia Jovi Elicio facta invenisset, operatum his sacris se abdidisse: sed non rite initum, aut curatum id sacrum esse; nec solum nullam ei oblatam cœlestium speciem, sed ira Jovis sollicitati prava religione fulmine ictum cum domo conflagrasse, Tullus magna gloria belli regnavit annos duos & triginta.

### ANCVS MARTIVS.

**N**umæ Pompilii Regis nepos, filia ortus Ancus Martius erat: qui ut regnare cœpit, & civibus otii cupidus, & finitimis civitatibus facta spes, in avi mores atque instituta eum abiturum. Igitur Latini, cum quibus, Tullo regnante, ictum fœdus erat, sustulerant animos: & quum incursionem in agrum Romanum fecissent, repetentibus res Romanis superbe responsum reddunt: desidem Romanum Regem inter facella, & aras acturum esse regnum rati. Ancus demandata cura sacrorum flaminibus, sacerdotibusque aliis, exercitu novo conscripto, profectus Politorium urbem Latinorum vi cepit: secutusque morem Regum priorum, qui rem Romanam auxerant hostibus in civitatem acceptis, multitudinem omnem Romam traduxit: & quum Palatinum veteres Romani, Sabini Capitolium atque arcem, Coelium montem Albani impleissent; Aventinum novæ multitudini datum. Janiculum quoque adiectum, non inopia loci, sed nequando ea arx hostium esset. Id non muro solum, sed etiam,



ob commoditatem itineris ponte, tum primum in Tiberi facto, coniungi urbi placuit. Ingenti incremento rebus auctis, quum in tanta multitudine hominum, facinora clandestina fierent, carcer ad terrorem increscentis audaciæ media urbe, imminens foro, ædificatur. Regnavit Ancus annos quatuor & viginti, cuilibet superiorum Regum belli pacisque & artibus & gloria par.

### TARQUINIUS PRISCUS.

**A**nco regnante, Lucumo vir impiger, ac divitiis potens Romam commigravit, cupidine maxime ac spe magni honoris, cuius adipiscendi Terquinius (nam ibi quoque peregrina stirpe oriundus erat) facultas non fuerat. Damarati (1) Corinthii filius erat. Ducta in matrimonium Tanaquil, Romam proficiscitur. Ad Janiculum forte ventum erat: ibi ei carpento sedenti cum uxore, aquila suspensis demissa leniter alis, pileum aufert: superque carpentum cum magno clangore volitans, rursus velut ministerio divinitus missa, capiti apte reponit: inde sublimis abiit. Accepisse id augurium læta dicitur Tanaquil, perita, ut vulgo Etrusci, coelestium prodigiorum mulier: excelsa & alta sperare complexa virum iubet: *eam alitem ea regione cali* & *eius Dei nuntiam venisse, circa summum culmen hominis auspicium fecisse, levasse humano superpositum capiti decus, ut divinitus eidem redderet.* Has spes cogitationesque secum portantes, urbem ingressi sunt, domicilioque ibi compararo, L. Tarquinius Priscum edidere. Mortuo Anco

(1) Corinthus Urbs Græciæ in isthmo sita, qui Peloponesum iungit cum Boeotia.

Anco, filiorum, qui prope puberem ætatem erant, tutor Tarquinius Regis testamento institutus, instare, ut quam primum comitia Regi creando fierent; quibus indictis sub tempus pueros venatum ablegavit: isque primus & petisse ambiciose regnum, & orationem dicitur habuisse ad plebis conciliandos animos compositam. Scientiam iuris, obsequium in Regem, & benignitatem suam commemorantem ingenti consensu populus Romanus regnare iussit. Ergo virum cetera egregium, secuta, quam in petendo habuerat, etiam regnantem ambitio est: nec minus regni sui firmandi, quam augendæ Reip. memor, centum in Patres legit, qui deinde *minorum gentium* sunt appellati: factio haud dubia Regis, cuius beneficio in curiam venerant. Bellum primum cum Latinis gessit, & oppidum ibi Appiolas vi cepit: Prædaque inde maiore, quam quanta belli fama fuerat, reventa, ludos opulenter instructiusque, quam priores Reges, fecit. Deinde cum Romani adversus Sabinos bellum pararent, Tarquinius equitem maxime suis deesse viribus ratus, ad Ramnenses, Titenses, Luceres, quas centurias Romulus scripserat, addere alias constituit, suoque insignes relinquere nomine: Id quia augurato Romulus fecerat, negare Accius Navius inclytus ea tempestate augur, neque mutari, neque novum constitui, nisi aves addixissent, posse: ex eo ira Regi mota, eludensque artem (ut ferunt) *Agedum*, inquit, *divine tu, augura, fierine possit, quod nunc ego mente concipio*. Quum ille in augurio rem expertus, profecto futuram dixisset; *Atqui hæc animo agitavi*, inquit, *te novacula cotem discissurum, cape hæc & perage, quod aves tuæ fieri posse portentunt*: tum illum haud cunctanter discidisse cotem

tem ferunt. Quo facto auguriis certe sacerdotioque augurum tantus honos accessit, ut nihil belli domique postea, nisi auspicato gereretur. Duo de quadragesimo (2) ferme anno, ex quo regnare coeperat Tarquinius, ab Anci filiis duobus ei insidiæ parantur. Ex pastoribus duo ferocissimi delecti ad facinus, quibus consueti erant uterque agrestibus ferramentis, in vestibulo regis quam potuere tumultuosissime, specie rixæ in se omnes apparitores regios convertunt, inde quum ambo Regem appellarent, clamorque eorum penitus in regiam pervenisset, vocati ad Regem pergunt: primo uterque vociferari, & certatim alter alteri obstrepere; Coerciti ab lictore, & iussi invicem dicere: tandem obloqui desistunt: unus rem ex composito orditur: dum intentus in eum se Rex totus averteret, alter clatam securim in caput deiecit; relictoque in vulnere telo, ambo se foras ejiciunt. Tarquinium moribundum quum, qui circa erant, exceperent, illos fugientes lictores comprehendunt; Rex autem paullo post expirat.

### SERVIVS TVLLIVS.

Tarquinii ætate in regia prodigium visu eventumque mirabile fuit: puero dormienti, cui Servio Tullio nomen fuit, caput arsisse ferunt multorum in conspectu: plurimo igitur clamore inde ad tantæ rei miraculum orto, excitum Regem: & quum quidam familiarium aquam ad restinguendum ferret, ab Regina retentum: sedatoque iam tumultu, moveri vetuisse puerum, donec

(2) Trigesimo octavo: sic duodeviginti idem quod octodecem, undeviginti idem quod novemdecem.

nec sua sponte experrectus esset: mox cum somno & flamam abiisse. Tum abducto in secretum viro Tanaquil: *videsne tu puerum hunc*, inquit, *quem tam humili cultu educamus? scire licet, hunc lumen quondam rebus nostris dubiis futurum, praesidiumque regiae afflictæ, proinde materiem ingentis publice privatimque decoris omni indulgentia nostra nutriamus.* Inde puerum filii loco coeptum haberi, erudiri que artibus, quibus ingenia ad magnæ fortunæ cultum excitantur. Evenit facile, quod dis cordi esset: iuvenis evasit vere indolis regiae: nec quum quæreretur gener Tarquinio, quisquam Romanæ iuventutis ulla arte conferri potuit, filiamque ei suam Rex despondit. Postero tempore Servius per aliquot dies, quum iam exspirasset Tarquinius, celata morte suas opes firmavit: tum demum palam facta ex comploratione in regia orta, Servius praesidio firmo munitus, primus iniussu populi, voluntate Patrum regnavit. Peropportune ad praesentis quietem status bellum cum Veientibus (iam enim induciæ exierant) aliisque Etruscis sumptum. In eo bello & virtus & fortuna enituit Tullii: fusoque ingenti hostium exercitu, haud dubius Rex, seu Patrum, seu plebis animos periclitaretur, Romam rediit, aggrediturque inde pacis longe maximum opus: ut quemadmodum Numa divini auctor iuris fuisset, ita Servium conditorem omnis in civitate discriminis, ordinaumque, quibus inter gradus dignitatis fortunæque aliquid interlucet, posteris fama ferret. Censum enim instituit, (1) rem saluberrimam tanto futuro imperio. Servius, quanquam iam usu

(1) *Iam tunc octoginta milia virorum in Urbe fuerant, qui arma portarent.*



usu haud dubie regnum possederat, tamen quia interdum iactari voces a iuvene Tarquinio audiebat, *se iniussu populi regnare*, conciliata prius voluntate plebis agro capto ex hostibus viritim diviso, ausus est ferre ad populum; *vellent, iuberentne se regnare,*? tantoque consensu, quanto haud quisquam alius ante, Rex est declaratus. Neque ea res Tarquinio spem affectandi regni minuit: immo eo impensius quia de agro plebis adversum Patrum voluntatem senserat agi, criminandi Servii apud Patres, crescendique in curia sibi occasionem datam ratus est. Tandem moræ impatiens Regem se proclamavit: & cum multo & ætate & viribus validior esset, medium arripuit Servium, elatumque e curia deorsum per gradus deiecit. Fit fuga Regis apparitorum, ipseque Servius semianimis domum revertens, cum ad vicum Cyprium pervenisset, interficitur. Tarquinii uxor Tullia, quæ Servii filia fuerat, postquam maritum Regem salutasset, per summam impietatem paternum carpento conculcavit cadaver. Inde nomen vico *scelerato* inditum. Servius Tullius regnavit annos, quatuor & quadraginta, tantoque maius sui reliquit desiderium, quanto nequiores habuit successores.

### LVCIVS TARQVINIVS.

**L**ucius Tarquinius, Prisci Tarquinii Regis filius neposve fuerit, parum liquet: Servio interfecto regnare occæpit, cui (1) *Superbo* cognomen facta indiderunt, quia socerum à se occisum gener sepultura prohibuit, *Romulum quoque inssepultum perisse* dictitans: primoresque Patrum, quos

(1) Superbus apud antiquos non elatum & arrogantem, sed impium & scelestum significabat.

quos Servii rebus favisse credebat, interfecit: conscius deinde male quærendi regni ab se ipso adversus se exemplum capi posse, armatis corpus circumsepsit: neque enim ad ius regni quidquam præter vim habebat: ut qui neque populi iussu, neque auctoribus Patribus regnaret: eo accedebat, ut in caritate civium nihil spei reponenti metu tutandum esset: quem ut pluribus incuteret, cognitiones capitalium rerum sine consiliis per se solus exercebat: perque eam causam occidere, in exilium agere, bonis multare poterat; non suspectos modo aut invisos, sed unde nihil aliud quam prædam sperare posset. Ita Patrum præcipue numero imminuto, statuit nullos in Patres legere, quo contemptior paucitate ipsa ordo esset, minusque per se nihil agi, indignarentur. Hic enim Regum primus traditum a prioribus morem de omnibus Senatui consulendi solvit: domesticis consiliis Remp. administravit: bellum, pacem, fœdera, societates per se ipse cum quibus voluit, iniussu populi ac Senatus fecit, diremitque. Latinorum sibi maxime gentem conciliabat, ut peregrinis quoque opibus tutior inter cives esset: neque hospitia modo cum primoribus eorum, sed affinitates quoque iungebat. Octavio Mamilio Tusculano filiam nuptum dat, perque eas nuptias multos sibi cognatos amicosque eius conciliat. Filius eius Sextus Tarquinius cum Lucretiæ contumeliam intulisset, Romæ factus est tumultus, & Tarquinio patri Romam ad comprimendos motus venienti clausæ portæ, exiliumque indictum; exacti ex castris liberi Regis; duo patrem secuti sunt, qui exulatum Cære in Etruscos ierunt. Hic L. Tarquinius Superbus regnavit annos quinque & viginti.

## JUNIUS BRUTVS Conf.

**A**Tarquinio superbo duo filii Titus & Aruns Delphos ad maxime inclytum in terris oraculum sunt missi: comes his additus L. Junius Brutus Tarquinia forore Regis natus, iuvenis longe alius ingenio, quam cuius simulationem induerat. Is cum primores civitatis (in quibus fratrem suum) ab avunculo interfectos audisset; neque in animo suo quidquam Regi timendum, neque in fortuna concupiscendum relinquere statuit: contemptu tutus esse, ubi in iure parum præsidii esset. Ergo ex industria factus ad imitationem stultitiæ, quum se suaque prædæ esse Regi sineret, Bruti quoque haud abnuitt cognomen: ut sub eius obtentu cognominis, liberator ille populi Romani, animus latens aperiretur tempore suo. Is tum ab Tarquiniiis ductus Delphos, ludibrium veriùs, quam comes, aureum baculum inclusum corneo cavato ad id baculo tulisse donum Apollini dicitur, per ambages effigiem ingenii sui. Quo postquam ventum est, perfectis Patris mandatis, cupido incessit animos iuvenum sciscitandi *ad quem eorum regnum Romanum esset perventurum*: ex infimo specu vocem redditam ferunt: *Imperium summum Romæ habebit, qui vestrum primus, o iuvenes, osculum matri tulerit*. Tarquinii, ut Sextus, qui Romæ relictus fuerat, ignarus responsi, expersque imperii esset, rem summa ope taceri iubent; ipsi inter se, uter prior, quum Romam redisset, matri osculum daret, sorti permittunt. Brutus alio ratus spectare Pythicam vocem, velut si prolapsus cecidisset, terram osculo contingit; scilicet quod ea communis mater omnium mortalium esset. Postea cum Lucretia, cultro  
finii-

finisset vitam, Brutus, patre illius & viro, propinquisque luctu occupatis, cultrum ex vulnere extractum, manantem cruore præ se tenens: *Per hunc inquit, castissimum, ante regiam triuriam, sanguinem iuro, vosque Dii testes facio, me L. Tarquinium superbum cum scelerata coniuge, & omni liberorum stirpe, ferro, igni, quacunque dehinc vi possim, executurum: nec illos, nec alium quemquam regnare passurum.* Cultrum deinde Collatino tradit inde Lucretio ac Valerio, stupentibus miraculo rei unde novum in Bruti pectore ingenium, omnes ut præceptum erat, iurant: totique ab luctu versi in iram, Brutum iam inde ad expugnandum Regnum vocantem sequuntur ducem. Tarquinius superbus cum uxore & liberis exulatum ire iubetur. Regnatum Romæ ab condita urbe ad liberatam annos CCXLIV. Duo Consules inde comitiis centuriatis (1) a præfecto urbis ex commentariis Servii Tulli creati sunt, L. Junius Brutus, & L. Tarquinius Collatinus. Brutus ex Senatus consulto cum Tarquiniorum etiam nomen invisum civitati esset, ad populum tulit, ut omnes Tarquiniae gentis exules essent. Collegam sibi comitiis centuriatis creavit P. Valerium, quo adiutore Reges reiecerat. Tarquinius superbus interim conspirat cum nobilissimis Romæ iuvenibus (in quibus duo filii Bruti fuerant, quos ob id Pater mortis damnavit supplicio, quamvis à populo absolverentur) & postea bellum aperte molitur sollicitans Etruscos, Veientes,

B Tar-

(1) *Servius Tullius omnem populum in 193. centurias partitus est. Centuriata itaque erant comitia, si quælibet centuria suum dedisset suffragium.*



Tarquiniensesque. Postquam in agrum Romanum ventum est, obviam hosti Consules eunt. Valerius quadrato agmine peditem ducit: Brutus ad explorandum cum equitatu antecessit. Eodem modo primus eques hostium agminis fuit: præerat Aruns Tarquinius filius Regis: Rex ipse cum legionibus sequebatur. Aruns ubi ex lictoribus procul Consulem esse: deinde jam propius, ac certius facie quoque Brutum cognovit, inflammatus ira: *ille est vir*, inquit, *qui nos extorres expulit patria: ipse en ille nostris decoratus insignibus, magnifice incedit. Dii Regum ultores adeste. Concitat calcaribus equum* atque in ipsum infestus Consulem dirigit: sensit in se iri Brutus: decorum erat tum ipsis capeffere pugnam ducibus; avide itaque se certamini offert: adeoque infestis animis concurrunt; neuter dum hostem vulneraret, sui protegendendi corporis memor, ut contrario ictu per parmam uterque transfixus, duabus hærentes hastis moribundi ex equis lapsi sint: simul & cætera equestris pugna coepit, neque ita multo post & pedites superveniunt. Inde abiire Romani ut victores, Etrusci pro victis. Nam postquam illuxit, nec quisquam hostium in conspectu erat. P. Valerius Consul spolia legit, triumphansque inde Roman rediit: collegæ funus, quanto tum potuit apparatu fecit: sed multo maius morti decus publica fuit mœstitia, eo ante omnia insignis, quia matronæ annum, ut parentem eum luxerunt, quod tam acer ultor violatæ pudicitiae fuisset.

### MENENIVS AGRIPPA.

Romæ cum a Patribus plebs secessisset, nec revocari posset, placuit Oratorem ad eam mitti

Me-

Menenium Agrippam, facundum virum, & quod inde oriundus (1) erat, plebi carum: is intro-  
missus in castra, prisco illo dicendi & inculto  
modo nihil aliud quam hoc narrasse fertur: *Tem-  
pore quo in homine non ut nunc omnia in unum  
consentiebant sed singulis membris suum cuique  
consilium, suus sermo fuerat, indignatas reliquas  
partes, sua cura, suo labore ac ministerio ventri  
omnia quæri: ventrem in medio quietum nihil  
aliud, quam datis voluptatibus frui: conspirasse  
inde, ne manus ad os cibum ferrent, nec os acci-  
peret datum, nec dentes conficerent: hac ira dum  
ventrem fame domare vellent, ipsa una membra,  
totumque corpus ad extremam tabem venisse: inde  
apparuisse, ventris quoque hâud segne ministe-  
rium esse: nec magis ali, quam alere eum, red-  
dentem in omnes corporis partes hunc, quo vi-  
vimus vigemusque, divisum pariter in venas ma-  
turum confecto cibo sanguinem.* Comparando  
hinc, quam intestina corporis feditio similis esset  
iræ plebis in Patres, flexisse mentes hominum.  
Agi deinde de concordia cœptum, concessumque  
in conditiones, ut plebi sui magistratus essent sa-  
crofanti, quibus auxilii latio adversus Consules  
esset: neve cui Patrum capere eum magistratum  
liceret: ita Tribuni plebei (2) creati duo, C.  
Licinius, & L. Albinus. Postea eodem anno,  
quo Volsci a Romanis fusi erant, Agrippa Me-  
nenius moritur, vir omni vita pariter Patribus  
ac plebi carus, post secessionem carior plebi fa-  
ctus.

B 2

ctus.

(1) Ex plebe non ex Patritiis.

(2) Anno ab urbe condita 261. Tribunorum  
maxima potestas erat, nam unico verbo Veto  
vel prolato vel ad fores curiæ affixo, impe-  
dire poterat quidquid a Senatu decerneretur.

Etus. Huic interpreti arbitroque concordiae civium, legato Patrum ad plebem, reductori plebis Romanae in urbem, sumptus funeri defuit: extulit eum plebs sextantibus (3) collatis in capita,

### C. MARCIUS CORIOLANUS.

Romanis cum Volscis bellum gerentibus in castris inter primores iuvenum C. Marcius adolescens & consilio & manu promptus, cui cognomen postea Coriolanus fuit. Eius opera Corioli oppidum Volscorum captum. Postea cum & foris quieta omnia essent, & domi sanata discordia, aliud multo gravius malum civitatem invasit, caritas primum annonae ex incultis per secessionem plebis agris: fames deinde qualis clausis (1) solet: ventumque ad interitum servitiorum utique & plebis esset, ni Consules providissent, dimissis passim ad frumentum coeundum. M. Minutius deinde & A. Sempronius Consulibus, magna vis frumenti ex Sicilia advecta: agitatumque in Senatu. *quanti plebi daretur.* Multi venisse tempus praemendae plebis putabant, recuperandique iura, quae extorta secessionem ac vi Patribus essent. Inprimis Marcius Coriolanus hostis Tribunitiae potestatis. *Si annonam, inquit, veterem volunt, ius pristinum reddant Patribus: utantur annona, quam furore suo fecere.* Senatui nimis atrox visa sententia est, & ira plebem prope armavit. Coriolanus damnatus in Volscos exulatum abiit, minitans Patriae, hostilesque iam tum spiritus gerens.

VOL-

- (3) Sextans est sexta pars rei cuiuspiam; hic vero sextam partem assis significat.  
 (1) Volsci enim diu urbem obsederant.

Volscorum auxilio multa Romanis oppida adimit, populatur agrum Romanum, custodibus inter populatores missis, qui Patritiorum agros intactos servarent: live infensus plebi magis, five ut discordia inde inter Patres plebemque oriretur. Postquam apparuit labare plebis animos, missique de pace ad Marcium Oratores, atrox responsum retulerunt: *Si Volsceis ager redderetur, posse agi de pace; si præda belli per otium frui velint, memorem se & civium iniuriae & hospitum beneficii, annisurum, ut appareat exilio sibi irritatos, non fractos animos esse.* Iterum deinde iidem missi, non recipiuntur in castra: sacerdotes quoque suis insignibus velatos isse supplices ad castra hostium traditum est, nihilo magis quam legatos flexisse animum. Tum matronæ ad Veturiam matrem Coriolani, Volumniamque uxorem frequentes cœunt: ut & Veturia & Volumnia duos parvos ex Marcio ferens filios secum in castra hostium irent: & quam armis viri defendere urbem non possent, mulieres precibus lacrymisque defenderent. Vbi ad castra ventum est, nuntiatumque Coriolano, *adesse ingens mulierum agmen:* primo, ut qui nec publica maiestate in legatis, nec in sacerdotibus tanta obfusa oculis animoque religione motus esset: multo obstinatio adversus lacrymas muliebres erat, deinde familiarium quidam, qui insignem mœstitia inter cæteras cognoverat Veturiam, inter nurum nepotesque stantem: *Nisi me frustantur, inquit, oculi, mater tibi coniunxque & liberi adsunt.* Coriolanus prope ut amens, consternatusque ab sede sua, quum ferret matri obviæ complexum: mulier in iram ex precibus versa: *Sine, priusquam complexum accipio, sciam, inquit, ad hostem, an ad filium ve-*



nerim: captiva, materve in castris tuis sum; in hoc me longa vita Et infelix senectū traxit, ut exulem te, deinde hostem viderem? potuisti populari hanc terram, quæ te genuit atque aluit? non tibi quamvis infesto animo Et minaci perveneras, ingredienti fines ira cecidit? non quum in conspectu Roma fuit, succurrit: intra illa mœnia domus ac pœnates mei sunt? mater, coniunx, liberique? Ergo ego nisi peperissem, Roma non oppugnaretur? nisi filium haberem, libera in libera Patria mortua essem? Sed ego nihil iam pati nec tibi turpius, nec mihi miserius possum: nec ut sim miserrima, diu futura sum; de his (2) videris: quos, si pergis (3) aut immatura mors, aut longa servitus manet. Vxor deinde ac liberi amplexi fletusque ab omni turba mulierum ortus, & comploratio sui patriæque, fregere tandem virum: complexus inde suos, dimittit: ipse retro ab urbe castra movit. Abductis deinde legionibus ex agro Romano, invidia rei (4) oppressum perisse tradunt, alii alio leto. Non inviderunt laudes suas mulieribus viri Romani, adeo sine obrectatione gloriæ alienæ vivebatur: monumento (5) quoque quod esset, templum Fortunæ muliebri ædificatum dedicatumque est.

NAR-

(2) De filiis, quos Volumnia ulnis gestarat.

(3) Si non cessas oppugnare Romam.

(4) A Volscis opprimendæ Romæ opportunitate frustratis.

(5) Ordo est: templum quoque fortunæ muliebri ædificatum est, quod esset monumento eius facti.

# NARRATIO

*De rebus gestis Polonorum*

PIO V. PONTIF. MAXIMO



PER M. ANTONIVM MVRETVM

*Facta Anno CHRISTI 1567. regnante*

*Sigismundo Augusto.*

Polonorum gens semper in præclaris rebus gerendis, quam in iis, quæ gessisset, memoriz prodendis, occupatior fuit; semperque maiorum suorum virtutem imitari, quam celebrare, gloriosius duxit. Atque ut exordiar, & Poloniæ Rex quam longe lateque dominetur, expediam: tota illa Germaniæ pars orienti sibi propior, quæ est inter fluvios Guttalum, quem hodie Oderam vocant, & Vistulam, qui antiquis temporibus Germaniam a Sarmatia dividebat, & Sarmatiæ quantum est a Vistula ad Borysthenem & à ponto Euxino usque ad sinum Venedicum, inter quos plus mille Italica passuum millia interiecta sunt, illius imperio continetur. Regio prope tota æqua, & plana, multis magnisque fluminibus & ad fertilitatem & ad mercaturas commodissimis irrigua, rebus ad vitam necessariis usque ad abundantiam dives. Habitatorum autem ea multitudo, ut, cum equitatus regius ex solis nobilibus constet, centum quadraginta equitum millia armare, & in aciem secum, si res ferat, educere Rex Poloniæ possit. Homines natura fortes & animosi, quique non facile aut voluptatibus molliantur, aut periculis terreantur. Mortem per decus obitam, immortalitatis instar; vitam per dedecus retentam, quavis morte peioram

rem putant. Ignominiam ut fugiant, nihil non fecerint; ut mortem, nihil. Hæc hominum, hæc locorum ingenia. Cinguntur autem omni propemodum ex parte ferocissimis gentibus, & partim ab Ecclesiæ communione dissociatis ac diremptis. partim apertis & capitalibus Christiani nominis hostibus, ut in illo confinio, tanquam in communi quadam arce ac propugnaculo, fortissimi viri ad sustinendam & propulsandam barbarorum immanitatem, & ad agendas perpetuas pro Christianis omnibus excubias, divino consilio constituti ac collocati esse videantur: quo essent cæteri Polonorum virtute testis, Polonorum laboribus quieti, Polonorum periculis tuti. Neque mihi videor quidquam a suscepto munere facturus alienum, si breviter exposuero, quemadmodum illos Deus, ante sexcentos abhinc annos, discussis errorum, quibus involuti erant, tenebris, ad Evangelii lucem perduxerit. Omnes fere magnæ & memorabiles in rebus humanis mutationes aliquanto antea aut uno, aut pluribus illustribus ac notabilibus signis divinitus portendi ac præsignificari solent. Cum igitur tempus illud appropinquaret, quo se Deus Polonis patefacere, eosque impia superstitione purgatos cœlesti doctrina imbuere statuerat: adventantis iam, & instantis salutaris illius mutationis hanc, quam mox audietis, significationem dedit. Imperabat Polonis Ziemomislus Lesci filius, Princeps (quatenus hæc convenire in hominem non Christianum queunt) & iustitiæ & clementiæ, & beneficentiæ, & aliarum virtutum laude cumulatus: & in quo nihil præter Christicognitionem desiderares. Huic, cum multos annos sine liberis esset, graviterque ea re angeretur, tandem natus est filius, sed oculis captus; ita ut





falsorum numinum cultu, Christum verum Deum agnoscere. & traditam ab eo doctrinam suscipere vellet. Ipse quoque Divini spiritus repentino tactus afflatu, promptum se ac facilem salutaribus illorum monitis prebuit. Neque longius res ducta est, quam dum prima ac præcipua religionis nostræ capita edoceret. Quæ ut percepit, magna pompa ac celebritate publice baptizatur, brevi tempore totam Poloniam ad Christianam pietatem & exemplo suo incitavit, & cohortationibus ac præmiis allexit, & minis ac suppliciis adversus pertinaces propositis perpulit. Tum demum cognitum est, quod Miecislaus totos septem annos cæcus fuisset, significatam esse hoc modo diurnam Polonæ gentis cæcitatem: quod, omnibus humanis auxiliis frustra tentatis, tandem divino beneficio lucem aspexisset, fore ut populi quoque cæcitas nulla humana ope sanabilis divinitus depelleretur. Neque vana fuit hariolorum prædictio: Eo enim rerum potente, Polonia splendore divini luminis illustrata est. Notum est autem, interdum fieri, ut etiam superstitiosi & impii homines, Deo permittente, vera vaticinentur. Neque temere inditum nomen. Gladio enim sibi & suis gloriam peperit, non quidem ferreo, aut ulla ex alia materia confecto, sed gladio illo, utrinque acuto, gladio spiritus, quod, ut ait Paulus, est verbum Dei. Ut autem ab ea Ecclesia, quæ cæterarum omnium mater ac magistra est, christiane vivendi leges acciperent, & ex eo fonte haurirent, unde nihil non purum & incorruptum hauriri potest, legatos miserunt ad Joannem Pontificem eius nominis tertium decimum, per quos & eum, ut communem totius Ecclesiæ pastorem, venerarentur, & ab eo sibi peterent Episcopos mitti,

a quibus regi, & quæ sibi credenda, quæque facienda essent, cognoscere accuratius possent. Misit ille Itatorum hominum spectatæ probitatis & eruditionis idoneum numerum; qui primi novellas illas ac teneras nuper in horto Christi depactas ac consitas plantas, copiosis sanctorum præceptorum imbribus irrigarunt, Hujus Miecislai soror Adleida, cum Geisæ Ungarorum Principi nupta esset, cohortationibus suis perfecit, ut ipse quoque cum tota Ungaria Christi Sacramento adigeretur. Neque vero ejus filius Boleslaus primus Poloniæ Rex, aut majoribus suis laude bellica, aut patri propagandæ religionis studio cessit. Qui suscepto adversus Saxones bello, & ea, quæ illi dudum Polonis ademerant, recuperavit, & cum universam illam oram ad Albim & Salam fluvios, & Chersonesum Cimbricam, quæ hodie Dania vocatur, sub imperium suum subjunxisset, ut ostenderet, eam se victoriam Christo quæsisse, non sibi, nihil in victos acerbe, aut crudeliter statuit: sed cum eos ad accipiendam Christi doctrinam compulisset, fixis memoriæ caussa in Salæ ripa tribus ferreis columnis, in Poloniam se recepit. Numquid igitur ea laude contentus, otio se postea tradidit? Imo vero declaravit, nunquam desidem atque ignavam esse virtutem, nullas ei esse a præclaris actionibus ferias; fortes & constantes viros honestorum laborum ac munerum perfensione, non ad quietem invitari, sed ad alia ex aliis assidue suscipienda incitari. Nam cum Prussi aliquot ante annis divum Adalbertum interfecissent, ejusque corpus quidem ipse æquo auri pondere a barbaris redemisset, (mirum hoc quoque pietatis argumentum: sed in tanta temporis angustia multa necessario prætermittenda sunt) cædis autem ultionem in aliud tempus distulisset: tunc demum ra-

tus advenisse tempus illud, cum & punienda eorum audacia, & armis frangenda pertinacia esset, bellum eis intulit, neque magno negotio victor non aliam eis poenam imposuit, quam ut erroribus suis depositis Christo initiarentur. Hic mihi venit in mentem, quod olim a quodam Greco (1) Imperatore dictum est, qui a suis in exilium pulsus, cum apud hostes, ad quos confugerat, multo lautius ac magnificentius haberetur, quam apud suos: Perieramus, inquit, nisi perissemus. Ita enim, & qui ab illo principe vincebantur, dicere poterant, se, nisi ab eo victi essent, perituros fuisse.

Quid ego jam, ut Pomerani a Boleslao, Prussi a Boleslao quarto ad Christum, a quo defecerant, revocati sint, persequar? Rerum me copia inopem consilii reddit. Ideoque ne de bello quidem, quod Boleslaus Quintus cognomento Pudicus adversus Jazygas, qui hodie partim Valachi, partim Ungari sunt, gessit, copiosius dicam: tantum quali præteriens admonebo, eum, cum gentem illam ferocissimam devicisset, illos omnes, quorum virtuti, ut ait vetus poetæ, fortuna belli pepercerat, quasi opima quædam spolia Christo consecrasset, neque aliud eis, quam ut Christiani fierent, imperasse. Ad Jagellonem enim Sigismundi Augusti proavum festinat animus, cujus admirabili inusitatæque virtuti utinam par à me adferri posset orationis genus! Sed ita prorsus existimo: omnes, qui ubique sunt, eloquen-

(1) Themistocle. Atheniensis, qui postquam Persas multa clade affecisset a suis Patria injuste pulsus, apud hostes refugium querere coactus est. Vide Cornel. Nep. in vita Themist.

quentissimos homines, si communi studio ad eum celebrandum quidquid habent in dicendo virium conferant, omnia tamen illius dignitate inferiora dicturos. Id ita se habere, eos, qui me attente audire non gravabuntur, facile cognituros esse confido.

Lituania amplissima, & fortium virorum feracissima regio, cæteris finitimis populis ad religionem Christianam adductis, in veteri superstitione perstabat. Colebant autem ejus provinciæ homines ignem pro Deo, ei aras, ei templa ponebant, eum summa diligentia in celeberrimis quibusque oppidis perpetuum asservabant. Fulmini quoque divinitatem quandam inesse credebant, idque sua lingua deum Percunum nominabant. Sed & lucos & selectas quasdam in sylvis eximix proceritatis arbores venerabantur ut deos. Viperis quoque & aliis serpentibus eundem tribuebant honorem. Qui quid horum violasset, inexpiabile ab eo scelus conceptum putabant. Cum hoc per se mirabile erat, talem tantamque provinciam tanto tempore in tanta errorum fecunditate versari, cum illud accedebat incommodi, quod gens bellicosa & ferox finitimos sibi Christianos quotidianis incursionibus læssens, nunquam quiescere patiebatur. Ei genti annos abhinc amplius ducentos viginti imperabat Jagello, idemque præterea & Samogitiam & magnam Russiæ partem obtinebat fortis & strenuus Princeps, & quanquam religionis nostræ mysteriis nondum initiatus, tamen, ut qui Christiana matre genitus esset, animo ab ea non prorsus alieno. Cum igitur per id tempus mortuo Ludovico Ungariæ & Poloniæ Rege, regni proceres de Hedvigi ejus filia, ad quam regnum delatum erat, in matrimonium collocanda deliberarent, ecce ab

Ja-



Jagellone legati, qui renunciarent, eum cum omnibus suis velle Christianum fieri, petere, ut sibi Hedwigis uxor daretur: hoc si fieret, paratum esse omnes ditionis suæ provincias cum Poloniæ regno ea lege conjungere, ut nunquam divellerentur.

Quam lubentibus animis Poloniæ Procères eam legationem audierint, nihil opus est dicere. Sustulerunt manus ad cælum, & gratias egerunt omnium bonorum auctori DEO, qui tandem illorum populorum misertus, eam mentem immisisset Jagelloni. Ipsa tamen Hedwigis, in qua eximiam formæ pulchritudinem singularis modestia æquabat, nihil de matrimonio suo sine matris auctoritate statuere voluit, totamque rem ad illius voluntatem rejecit. Missi ad eam oratores in Ungariam, quo se mortuo viro contulerat, quibus illa responsum dedit pietatis & prudentiæ plenum. Longe a se abesse eam mentem, ut quidquam impedire vellet, quod & ad amplificandum regnum Poloniæ, & ad religionem latius spargendam pertineret. Cogitarent Poloni, & in commune consulerent, reque mature deliberata id facerent, quod & Deo acceptissimum, & regno utilissimum putarent fore. De procerum agitur sententia, constituto ad nuptias celebrandas die, Cracoviam magno septus comitatu venit Jagello: & quia fortassis a matre puer acceperat, sanctos illos Reges, quorum memoriam nuper Ecclesia recolebat, ad adorandum Christum recens natum non sine muneribus venisse, ne ipse quidem immunis ad Christum venire voluit, eique promunere non thus, non aurum, non myrrham, sed fratres suos, quos secum baptizari voluit, sed Lituaniam, sed Samogitiam, sed Russiam, sed omnes uno verbo, quos in potestate habebat, populos obtulit. Quam jucundum illud non homini-

bus modo, sed angelis ipsis fuisse spectaculum credimus, cum vir fortissimus ad sacros fontes increbibili alacritate properaret; cum se in vas ad eam rem præparatum cupidissime immergeret; cum magna & clara voce Deum & homines testaretur, ut in se aqua illa spargeretur, ita se pro Christo sanguinem suum, ubi res ferret, sparsurum esse! Baptizatus igitur & novo nomine Vladislaus Jagello dictus, postridie Idus Februarias; eodem die reginam in matrimonium duxit, neque multo post consecratus & inunctus, ac coronatus Rex Poloniæ, totum eum annum in pacando regno consumpsit.

Eo autem anno, qui proxime secutus est, cum ei nihil longius videretur, quam dum populos suos in Christianorum numerum aggregatos videret, comitatus uxore & multis principibus viris, multis item Episcopis ac sacerdotibus in Lituaniam profectus, quam multis, quam certis, quam inusitatis documentis pietatis suæ magnitudinem testatus est! Nam cum populum ægre ab inveterata superstitione avelli videret, ipse omnibus inspectantibus, manu sua illis, quas aliquando coluerat, arboribus magna vi secures impingens, easque ab radicibus, deturbans, tum ingentem vim aquæ profundens in illos tamdiu adoratos ignēs: *Non est, clamabat, non est Deus, quod excindi ac dejici, non, quod exstingui potest. O mirificos Deos, quorum alter alteri pro pabulo est, alter alterum absunit! In venenatis autem & mortiferis animalibus quæ potest esse divinitatis similitudo? Agnoscite, agnoscite miseri errorem vestrum, & resipiscite, & tandem aliquando mentis oculos ad Deum omnium rerum effectorem convertite: ne, dum æternum (ut falso putatis) ignem colitis, in alium ignem vere æternum*

*num incidatis.* Simul hæc, simul eis religionis nostræ principia, ut poterat, edifferebat: ut eodem tempore & vetus ille ignis pro Deo habitus, exstingueretur, & novus ignis divini amoris in eorum pectoribus accenderetur. Cumque neque sacerdotes, quos secum adduxerat, Lituanicam linguam, neque Lituani ullam aliam intelligerent, ipsemet eos summam fidei nostræ ab Apostolis traditam, quam symbolum vocamus, ipse formulam precandi a Christo JESU institutam, ipse cætera, quæ discere solent ii, quos Catechumenos vocamus, in Lituanicum sermonem convertens, neque ullum in ea re laborem subterfugiens, edocebat. O Regem rari, & singularis exempli! O ardorem animi commemorabilem! O pietatem omnibus sæculis prædicandam! Ita igitur inflammavit Lituanorum animos, ut ad danda Christo nomina, & ad sacrosanctam illam aquæ asperfusionem simul omnes facto agmine concurrerent, seque longiorem moram pati non posse clamarent. Ideoque solis nobilibus singulatim baptizatis, cætera multitudo idem sacramentum catervatim distributa suscepit.

Quid ego nunc exstructarum ab eo sacrarum ædium multitudinem, quid divitiarum Ecclesiastici ordinis hominibus attributarum magnitudinem exponam; Quid susceptos in Samogitia ad Christum traducenda labores; & obita eadem illa munera, quæ in Litvania obierat? Illud vero minime prætereundum est, quod ne regnandi quidem suavitas, maxima illecebra peccandi, quæ sæpenumero multos, adversus alia omnia satis firmos, abstulit, ullam vim habuit, ad Vladislai fidem ac constantiam labefactandam. Nam cum Bohemi, quorum animis paulo ante Joannes Hufs & Hieronymus, Pragensis pestiferum opinionum suarum virus afflave-

flaverant, mortuo Venceslao Rege suo, legatos, ad eum misissent, per quos ei regnum deferebant, multisque precibus obsecrabant, ut id aut ipse, aut Vitoldus frater ipsius patruelis susceperet: maximo uterque animo eorum procos repudiavit, addita illa nobili, & nunquam satis celebrata voce: Religionem sibi esse, hæreticis imperare

Non patitur temporis brevitās, ut aut plura de hoc dicam, aut de ejus filio Vladislao tertio Poloniæ & Ungariæ Rege, qui, ut Pontificis maximi auctoritati pareret, cum Turcis, quos diu vexaverat, multisque præliis fuderat, fregerat, affligerat, redintegrato adversus pactas cum eis inducias bello, tum quoque magna eorum edita strage, in ipsa tandem acie fortissime dimicans interfectus est. Eademque me causā cogit, tum alios aliquot Reges silentio involvere, tum in Sigismundo Primo, Sigismundi Augusti patre, laudando esse breviorē. Cujus pietatem quidem ac religionem magnificentissima templa partim instaurata, & resecta, partim ditata, partim etiam a fundamentis excitata, & perpetuum prohibendum a regno suo novarum opinionum studium; bellicam vero fortitudinem tam multæ, tanque memorabiles de Moschis, de Valachis, de Tartaris, de Turcis victoriæ, & ut cœtera taceam, octoginta Tartarorum millia uno ad Borysthenem prælio profligata testantur. Qui cum octoginta duos vixisset annos, carus suis, metuendis hostibus, utrisque venerandus, satur vitæ, satur gloriæ, moriens, Sigismundum Augustum non regni magis quam virtutum suarum hæredem reliquit.





# M. ANTONII MURETI EPISTOLÆ.

M. ANTONIUS MURETUS  
ALEXANDRO RIPARIO SUO

*S. P. D.*

**D**ulces litteræ tuæ, ut omnia, quæ a te proficiscuntur; etsi in eis multa peccaveras. Sed ut filioli balbutientes libenter audiuntur a patribus, suntque eorum etiam ipsi errores voluptati: sic mihi ista tua in litteris infantia jucundissima est. Eas ipsas ad te remitto mea manu emendatas. Scis enim ita inter nos convenisse. Tu, mi Alexander dulcissime ac suavissime, sequere magno animo eam viam, ad quam & tua te natura fert, & ego tibi hortator atque impulsor fui. Magnam de te spem meo testimonio apud parentes tuos concitavi: quæ ne & eos, & me fallat, omni tibi cura ac studio providendum est. Vale. Nonis Julii. Tibure M. D. LXX.

EIDEM RIPARIO.

**N**e priores litteræ tuæ ad te pervenirent, Caroli incuria factum erat, cujus tu quoque negligentiam nosti. Nunc una cum his meis utrasque tuas accipies: simulque hoc intelliges, (quod tibi gratuleris,) posteriores multo meliores esse prioribus: ut, si ad istum modum pergas, magnâ mihi spes sit te præclare responsurum expectationi meæ. Vide igitur, si me amas, quod & facis, & facere certe debes, ut omnibus aliis rebus neglectis, quantum quidem valetudinis ratio patietur, urgeas studia tua: multa legas, multa ediscas, multa audias, frequenter cum iis versere, quorum familiaritate ac consuetudi-

tudine melior ac doctior fieri potes. Fac cogites, gravissimam esse jacturam temporis: præcipue autem ista ætate, quia tu nunc es, hora nulla tibi perire sine magno dispendio potest. Saluta mihi præceptorem tuum, cui meas ad te litteras ostendas licet. Eas quidem, quas tu ad me missurus es, nemini prorsus ostendi volo: eas enim mihi gratiores faciunt ipsi errores tui. Vale mi dulcissime Alexander, VI. Id. Julii M. D. LXX. Tibure. Oblitus eram scribere hæri in mensa injectum esse sermonem de comoedia: quia occasione multa de te quoque dicta sunt. Valde tibi tunc aures tinnivisse (1) oportet. Omnino spero fore, ut huc tibi adveniendum sit.

## EIDEM RIPARIO.

Perge, ut facis, mi Alexander, amare litteras, eis te oblectare, in eis omnia & seria & joca tua collocare. Nam magnus labor magno tibi olimi honori futurus est. Ista via, quam tu nunc ingrederis, multi humili & obscuro loco orti ad amplissimas dignitates pervenerunt. Atque etiam si nulla ejusmodi præmia litteris proposita essent: ipsa tamen doctrina amanda est per se: neque quidquam in homine ingenuo turpius est ignorantie earum rerum, quarum scientia sine litteris comparari non potest. Voluptas, quæ ex turpibus capitur, celeriter transit; dolorem autem in animo diuturnum relinquit: at labor in rebus honestis collocatus, ipse quidem effugit; memoriam autem sui in animo relinquit plenam honestissimæ & solidissimæ voluptatis. Hæc cogita & vale. Postrid. Id. Jul. Tibure.

C 2

EI-

(1) Si cuiuspiam absentis fiat mentio, aures eius tinnire dicuntur in communi proverbio.

## EIDEM RIPARIO.

**E**t si nihil erat quod scriberem. ac præterea mirum me quoddam scribendi odium tenebat: nolui tamen 2 verberonem hunc meum sine meis ad te litteris istuc venire. Amo te quotidie magis, quod a te litterarum studia eodem modo amari confido. Sed velim ad me diligenter scribas, quo te nunc scriptore oblectes, Cicerone, an Terentio, an, quod malim, utroque? Dare etiam operam debes, ut in iis, quæ ad me scribes, iis loquendi generibus utare, quæ in illorum scriptis notaveris; ut ea ipsa res fidem mihi faciat diligentiae in eis legendis tuæ. Vale. Tibure. V. Kalend. August. M. D. LXX.

## EIDEM RIPARIO.

**N**emo est omnium, ad quem libentius, quam ad te scribam. Sum enim animo ac voluntate erga te plane paterna. Sed vix credas, quam fin in hoc secessu occupatus; quem tamen plerique omnes esse plenum otii putant. Et quotidie quinas aut senas ab amicis litteras accipio, ad quas si respondere omnes velim, nil aliud agendum sit. Gratum est mihi, quod applicuisti te ad consuetudinem P. Æmilii & Horatii Macarani. Eorum enim uterque te & doctrina & exemplo efficere meliorem potest. Tales sectare. Qui autem alio ingenio sunt, eorum consuetudinem quasi pestem aliquam vita. Ætati tuæ nihil diligentius providendum est, quam quibus sodalitatibus utare. Neque ego severum esse te ac tetricum, omnique generi voluptatum inimicum volo. Hoc tantum moneo, non eas amicitias quærendas,

(2) *Servum nequam, qui verberibus est urgens.*

das, quæ dulcissimæ videantur, sed inducendum  
 animus, ut quæ honestissimæ sunt, easdem etiam  
 duleissimas esse ac suavissimas putes. Mi Alexan-  
 der, etiam atque etiam vale. Tibure. V. Id.  
 August. M. D. LXX.

## EIDEM RIPARIO.

**V**ide quam te amem, cum a multis hodie litte-  
 ras acceperim. nihil mihi prius faciendum es-  
 se duxi, quam ut ad te potissimum rescriberem.  
 Cave putes. Alexander mi, ipsi te patri tuo cha-  
 rioresse quam mihi. Ac si quæras, quæ causâ  
 sit hujus erga te tanti amoris mei, ne vivam, si  
 aliam adferre possum, quam quod videor mihi ani-  
 madvertisse in te ingenium excellens, & si tu vo-  
 lueris, ad omnia summa natum. Sed tu hoc faci-  
 to tecum cogites: multas res esse suapte quidem  
 natura, bonas, sed quæ culpa eorum, qui illas pos-  
 sident, interdum pessimæ ac perniciosissimæ fiant.  
 Bonæ sunt opes, sed si quis non recte utatur, ma-  
 læ. Bonum forma, sed id bonum multis exitio  
 fuit. Ex eodem genere est ingenium. Si recte  
 utaris, nullum prope hominum generi dari potest  
 majus, aut præstabilius donum: sed si ad bonum  
 ingenium mala mens accesserit, itidem erit, ut gla-  
 dius in manu furiosi. Quo erit melior & acutior,  
 eo plus adferet malî. Ego autem te. Alexander,  
 amo nunc, quia ingenio bono es; amare desinam,  
 si tu bono ingenio male uti cœperis. Sed id spe-  
 ro non fore, teque bono ingenio bene usurum es-  
 se confido, vel tuapte sponte, vel quia videris mi-  
 hi valde amare amorem erga te meum: quem tue-  
 ri ac conservare alia ratione nulla potes. Vale, &  
 si me amas, virtutem ac litteras ama. Nulla in  
 humanis rebus majora bona sunt. Iterum vale.  
 Tibure. VIII. Kalend. Sept. M. D. LXX.



## EIDEM RIPARIO.

**A**ccepi ternas tuas litteras: in postremis autem quædam erant ita negligenter scripta, ut facile constaret, aliud egisse te, cum illa scriberes. Ostendam ea tibi, cum istuc venero, & auriculam pervellam tibi; ut postea in scribendo attentior sis, & scilicet eos solæcismos effugias, quos effugerent etiam pueruli, qui primis litteris imbuuntur. Noli tamen ex hac mea admonitione molestiam ullam capere. Non enim propterea volo quidquam de tua hilaritate detrahi, sed ad diligentiam addi. Vale. Tibure IX. Kalend. Octobr. M. D. L. XX.

## EIDEM RIPARIO.

**V**ersiculi, quos ad me misisti, ostendunt illi quidem, te, si ad Poeticam ingenium tuum contulisses, & bonos magistros nactus, in eo studio perstitisses, ad aliquam præstantiam pervenire potuisse. Nam & numerosi sunt, & sententias habent, neque inconcinnas, neque ineleganter collocatas; & ipsum dicendi genus non abhorret a recto. Planeque sperare posses, te aliquando bonum Poetam fore, si hoc agere velles. Sed majora tibi proposita sunt, quæ, quantum potes, urgeas, censeo; & subficiis horis veterum Poetarum scripta manibus teras, non tam ut imiteris, quam ut eis te oblectes; simulque aliquid ex eis assidue, quod tibi usui sit, colligas. In scribendis versibus tempus a te collocari, verum ut fatear, nolim. Maiores versus facere, turpe est; mediocres, inglorium; bonos difficilior, quam ut præstari possit ab iis, quibus aliud agendum est. Quid in tuis lima egeat, præsens præsentem monere possem; per litteras non æque facile possum. Recteque ac vere mihi videtur Ovidius dixisse, emendandi

laborem majorem esse, quam scribendi. Mihi hoc credas velim: me hodie non difficilius ad saltandum, quam ad faciendos versus adduci posse. Si quid erit serium, in quo meam operam desideres, non deero: in his levioribus, si quando de me cogitabis, peto a te, illud quoque cogites, non multo juniorem esse me, quam erat Horatius, cum illa de se scriberet. Nunc itaque & versus & cætera ludicra pono. Vale. Romæ. Id. Febr. MDLXVIII.

JOANNES ZAMOSCIUS,

Regni Poloniæ Vicecancellarius, Belzensis,  
Knyszynensis Capitaneus, &c.

M. ANTONIO MURETO S.

**T**um ex constanti fama, tum ex scriptis tuis, quæ in lucem a te edita manibus omnium, ob eorum elegantiam, teruntur, cognovi quantus sis in litteris. Facile igitur tua virtus me, etsi tanto locorum intervallo a te remotum, & eum, qui te nunquam viderim, in tui amorem trahere potuit: cum & ipse eas, licet earum ignarus. ac in vita civili occupatus, amem. Id tibi litteris hisce meis breviter significare volui. Plenius vero per Generosum Joannem Zamoscium, Serenissimi Regis nostri Secretarium, qui istuc a Rege missus est. Cui tu fidem in iis, quæ tibi nomine meo nunciabit, adhibebis, & me tui amantem, redamabis. Vale. ex castris ad Gedanum. III. Kal. Jul. M. D. LXXXVII.

M. ANTONIUS MURETUS

JOANNI ZAMOSCIO

Regni Poloniæ Vicecancellario, Belzensi  
Knyszynensi Capitaneo, &c.

S. P. D.

**P**ræter spem & opinionem meam accidit, ut cum inter me & Joannem Zamoscium Sere-

nissimi Regis Secretarium omnibus prope de rebus convenisset, jamque ego me ad iter accingerem, atque istic animo & cogitatione totus essem; subito ostenderit Gregorius Pontifex Maximus protectionem meam sibi non placere; meque per viros summa auctoritate præditos monendum curaverit, ne ex urbe discederem; sibi curæ fore, ut ne in urbe deteriori conditione essem, quam quæ mihi in Polonia deferretur. Quin etiam ad quingentorum aureorum nummorum stipendium, quod mihi jampridem constitutum erat, statim ducentos adjici jussit, mandavitque Datario suo, primo quoque tempore quoquo modo efficeret, ut aliunde mihi trecenti aurei nummi quotaunispenderentur. Ea re factum est, ut coactus sim deponere consilium, quod ceperam veniendi ad vos: a quo, ne vivam, si me alia ulla res, quam summi Pontificis voluntas atque auctoritas abducere potuisset. Interea etiam tacente me, facile omnes vident, quantum Serenissimo ac potentissimo Regi Stephano, quantum tibi, Zamosci clarissime, debeam. Vobis enim, nisi plane ingratus sim, hanc tam luculentam fortunarum mearum accessionem acceptam feram, necesse est. Quare dum vivam, me utrique tantum debere fatcar, oportet, quantum ab homine deberi homini plurimum potest. A te etiam atque etiam peto, ut mihi veniam a Serenissimo Rege impetres: tibi-que persuadeas, si ullum tempus unquam eveniat, ut me vitam ipsam vel pro Majestate ipsius, vel pro tuâ, clarissime Zamosci, dignitate in discrimen exponere oporteat, nemini me concessurum, qui id promptius aut majori animo faciat. Vale. Romæ. Kalend. Decembr. M. D. LXXVII.

Sere-

Serenissimo & Potentissimo  
PRINCIPI STEPHANO, Dei gratia Poloniæ  
Regi, &c.

M. ANTONIUS MURETUS S. P. D.

**N**ihil in vita aut optabilius, aut honorificentius mihi contingere potuit, Serenissime Rex, quam ut homo neque ingenio neque doctrina præter cæteros præstans, amplissima & honestissima conditione propòsita, a Majestate tua in Poloniam vocarer. Quo equidem venire cupiebam, non tam privati commodi spe, quam mirifico quodam studio incensus videndi ac venerandi cominus eum Principem, qui solus hodie confirmat vetus dictum, hominis sapientissimi: *tum demum beatas civitates fore, cum aut Philosophi regnarent, aut Reges philosopharentur*. Sed id, cum ita cuperem, ut nihil unquam cupierim ardentius, cur efficere non potuerim; Regia Majestas tua ex Joanne Zamoscio Secretario suo intelliget. A qua supplex peto, ut ne propterea dedignetur me in suorum numerum adscribere: neque iniquo animo ferat, me, dum vivam, quibuscunq; modis potero, & loquendo & scribendo, quantum Regiæ ipsius liberalitati debeam profiteri ac prædicare. Deus Opt. Max. Regiam Majestatem tuam rebus omnibus florentissimam quam diutissime servet. Romæ Kalend. Decembr. M. D. LXXVII.

M. ANTONIUS MURETUS  
PAULO SACRATO SUO

S. P. D.

**T**andem ad te remitto epistolas tuas: neque enim per assiduas occupationes, & per molestissimum oculorum dolorem, quo dies aliquot laboravi, citius licuit. Eæ si conquerentur, se a me paulo severius acceptas esse: recordari debetis,



bis, hoc ipsum a te mihi mandatum esse: ut si mollius ac lenius eas tractare voluissem, verendum mihi fuerit, ne tibi non satis obsequens viderer. Sed de his fatis.

Nunc exponam tibi totum illud negotium Polonicum, quando litteræ, quas ad te, re adhuc recenti, scripseram, perierunt. Stephanus, Poloniæ Rex, qui & aliis regiis virtutibus ornatissimus est, & hoc supra cæteros omnes Reges, qui multis ab hinc seculis vixerunt, eximium habet, quod & amat unice homines eruditos, & ipse omni elegantis doctrinæ genere mirifice excultus est, miserat in Italiam unum e domesticis suis, qui quasi delectum quandam haberet præstantium doctrina virorum, eosque opimis admodum propositis conditionibus, in Poloniam invitaret ad Academiam novam, quam Rex Cracoviæ instituere parabat. In mandatis autem regiis, quod ad alios quidem attinet, facta erat potestas ei, qui huc venerat, optimum quemque & in docendo exercitissimum deligendi: de tribus nominatim perscriptum erat, de me, Carolo Sigonio, & de Fulvio Ursino. Ac mihi merces proposita mille quingenti quotannis aurei nummi. Addebat Rex, si sacris initiari vellem, (nondum enim sciebat me Sacerdotem esse,) perfecturam se, quo mihi magis liberet manere in Polonia, ut intra breve tempus honesto aliquo Sacerdotio, ex quo non minus quingentos annuos aureos nummos caperem, cohonestarer. Ea de re unus e primoribus illius regni, Joannes Zamoscus, qui nunc magnus regni Cancellarius est, litteras ad me peramanter perque honorifice scriptas dedit. Commotus sum non tam ipsius præmii magnitudine, (etsi his quidem temporibus inusitata) quam tanti Regis tam propensa ac benefica erga homines litterarum studiis

diis deditos voluntate. Neque me commovebat itineris difficultas: qui exploratum haberem, cum lectica, una cum filiolo fratris mei, puero sex annos nato, quem mecum illuc ducere cogitabam, ad fanum Lauretanum (eo enim, religionis ac pietatis causa, iter facere decreveram,) gestatus essem, posse me cisio Cracoviam usque commodissime vehi. Et jam convenerat, ut mihi Regis nomine ad iter conficiendum darentur trecenti aurei nummi, ad quos ego ducentos de meo præterea addere cogitabam. Jam mihi illud sanctitatis & doctrinæ specimen Stanislaus, (3) Cardinalis Varmienſis, gratuitam habitationem in palatio, quod Cracoviæ habet amplissimum, offerebat. Multæ a summis viris litteræ commendatitiæ in Germaniam & in Poloniam promissæ erant: ut cum eo venissem, nunquam fere in diverſoria publica ingredi necesse haberem.

Neque verebar illam, quæ in Polonia esse dicitur, inclementiam cœli asperitatemque frigoris. Sciebam illa omnia re multo minora esse quam fama: & alioqui sum ipse quoque natus in parte Galliæ maxime montosa ac frigida. Quod autem quidam, qui deterrere me cuperent, clamabant, gentes illas feras ac barbaras esse; interdum mihi risum, interdum stomachum movebant. Magna mihi, Sacrate, cum multis Germanis, magna cum permultis Polonis familiaritas, magnus usus, magna necessitudo fuit. Semper eos expertus sum bonos viros, rectos, simplices, apertos, humanissimos præterea, & prope omnes eo vitæ cultu, ac munditiâ, quæ ad elegantiam potius,

(3) *Stanislaus Hofius, Cardinalis S. R. E. Episcopus Varmienſis, quo Præsidente Tridentina Synodus Oecumenica felicem obtinuit exitum.*

tius quam ad ullam barbariem accederet. Nugæ istæ sunt hominum, eos, qui adulari, & fallere, & aliud loqui, aliud cogitare nesciunt, barbaros vocantium. Utinam nos eo modo barbari essemus! Utri vero barbariores sunt! nati in media Italia, quorum vix centesimum quemque reperias, qui latine aut græce loqui sciat, aut litteras amet? an Germani, ac Poloni, quorum permulti, & earum linguarum utramque perfectissime callent, & ita litteras ac liberales disciplinas amant, ut in eis tempus omne consumant? Olim illi fortassis, asperi ac barbari fuerunt: hoc quidem seculo, vereor ne ad nos barbaries, ad illos cultus & splendor vitæ & eruditio atque humanitas, mutatis sedibus commigrarint.

Itaque, ut verum tibi fatear, libentissime eo commeassem, si nihil obstitisset. Quicquid enim commodi mei causa ab eis petebam, id omnes prolixè ac copiose offerebant: ut jam confiare, inter nos sine ullo negotio conventurum esse. Quid quæris? Fidem eis dederam, venturum esse me, si per summum Pontificem, cui servio, & per Cardinalem Estensem, cujus in clientela ac familia sum, liceret: alioqui enim non posse me, nisi eorum permisso, de me ipso quidquam tale polliceri. Putabam autem, neutrum eorum hoc iniquo animo laturum: cum Cardinalis quidem gratis me alat (nullam enim ad rem mea opera utitur,) summus autem Pontifex ingentem copiam habiturus esset eruditissimorum hominum, qui se in locum meum substitui postularent. Contra tamen accidit, quam putaram. Etenim cum rumor de meo discessu tota jam Urbe pervulgatus esset, Conservatores populi Romani, (is summus Magistratus est eorum, qui hodie populi suffragiis deferuntur,) ad Pontificem accedunt, cum præ-


præfentes etiam adessent ii ex Cardinalibus, quibus studiorum cura commissæ est, remque ei exponunt: atque ab eo supplices petunt, ne me abire patiatur: addunt multa de me, quæ malote ex aliis cognoscere. Pontifex benigne eos audit, bono animo esse jubet, se, quod opus foret, imperaturum esse confirmat. Paucis post diebus, per Ludovicum Castaneum Rupipozæum Christianissimi Regis Oratorem, virum & claritate generis, & virtute & eruditione præstantem, jubet mihi denuntiari, ne abeam: sibi curæ fore; ne me, quod auctoritati suæ paruissem, pœniteret. Respondi, nullam pecuniam mihi esse tanti, ut mihi quidquam placeret, quod Pontifici displiceret: & honorificum quidem mihi visum esse; quod a tanto Rege vocarer: sed multo honorificentius, quod & a Pontifice, & a tali Pontifice retinerer.

Pontifex postea epistolam ad me misit amantissime scriptam, qua ad stipendium quingentorum nummorum aureorum, quod jam pridem capiebam, significabat se ducentos præterea addidisse. Eodem tempore Matthæus Contarellus Pontificis Datarius, vir & eximia quadam integritate vitæ, & singulari Romanarum rerum intelligentia insignis, & mei, ut scis amantissimus, certior me fecit, sibi a Pontifice mandatum esse, ut mihi quamprimum attribueret & assignaret annuam trecentorum aureorum nummorum pensionem. Itaque Rex tam longinquus effecit testimonio & judicio de me suo, ut sanctissimi Pontificis liberalitate ad veteres fortunulas meas accesserint annui quingenti aurei nummi. Sed & Cardinalis Estensis, simul atque istinc rediit, amplo me atque honorifico munere donavit: quod ego eo magis prædicare gestio, quod ipse tace-





te me iussit. Parendum tamen est, ne, dum  
gratús haberi volo, me illi non satis morigerum  
præbeam. Sed & ego scribendo defessus sum:  
& te suspicor, cum hæc tam verbosè scripta lege-  
ris, fessum fore. Vale. Romæ Prid. Kal. Maji.  
M. D. LXXVIII.



EPISTOLÆ  
PETRI BEMBI  
NOMINE  
LEONIS X. PONTIFICIS MAX.  
SCRIPTÆ.

FERDINANDO Hispaniæ Regi.

**P**ræter eam, quam tu quidem omni tempore  
Romanæ Reipublicæ fidem, pietatemque præ-  
stitisti, pro cuius auctoritate maiestateque de-  
fendenda plurimas gravissimasque contentiones  
non es veritus subire atque suscipere: præterque  
illam singularem benevolentiam; qua nos a mea,  
familiam vero nostram ab ineunte tua ætate es  
prosequutus: ea etiam res nos delectat, quod  
qui me leuioribus in fortunis degentem semper  
iuvisti, maioremque esse voluisti, eundem te  
nunc, cum quidem hoc in statu & dignitate sum-  
mi Pontificatus Dei Optimi Maximi clementia  
nos collocarit, libentiori animo confidimus om-  
nia curaturum, quæ ad nostram cum hujus im-  
perii maiestate consociatam dignitatem tuendam  
amplificandamque pertinebunt. Itaque inter alia,  
quæ mihi quidem pro mea pietate voluptati at-  
que

que lætitiæ sunt; tuum & in Romanos Pontifices animum, & in me amorem inprimis pono. Sed & hæc, & alia plura cum Hieronymo Vicco Legato tuo homine singulari prudentia prædito nobisque gratissimo communicavimus, qui ad te omnia diligenter perferibet. Ea tu intelliges dabisque operam, ut, quæ ad Petri navis tranquillum prosperumque cursum pertinent, ita cogites, vt tuam veterem in Christi Vicarios pietatem, nobis in puppi sedentibus etiam auxisse videare. Ego certe nulla in re dignitati, amplitudini, gloriæque tuæ deero. Dat. prid. Non. April. MDXIII. Anno primo. Roma.

## HIPPOLYTO Cardinali Atestino.

**E**x tuis literis intellexi id, quod etiam sine iis exploratum mihi erat: pontificatus mei nuntio audito te magnam lætitiā cepisse. Itaque mihi ea de re officiosissime amantissimisque verbis gratularis. Ægre fers etiam suffragiorum ferendorum tempore te non affuisse. Quæ quidem mihi omnia optatissima legenti jucundissimaque fuerunt: ex animo enim benevolentissimo mihi dudum perspecto, & cognito sane proveniunt. Magnopere autem vellem eo te tempore Romæ fuisse: rem enim nostram, qui tuus est in me amor, profecto in primis juvisses. De meo vero in te animo ita te volo existimare: amorem meum, qui quidem antea erga te atque Alfonsum Ducem Ferrariensium fratrem tuum eximius fuit, semper hac in re Dei Opt. Max. benignitate ac munere etiam auctum multiplicatumque esse; vt quo major ipse sum, eo vterque vestrum & coniunctior mihi sit, & certe charior. Quod autem mihi eundem fratrem tuum commendas, voluit is iustis quidem de causis, quas ab ipso intel-

intelliges, infectis rebus suis Roma proficisci. Spero tamen. me daturum operam, ut intelligatis vos mihi ambos incolumitatemque vestram magnæ curæ esse. Dat. tertio Cal. Maias. MDXIII Anno primo. Roma.

IOACHIMO Marchioni Brandeburgensi.

**L**itteræ tuæ, quibus mihi de Pontificatu Maximo gratularis, pergratæ mihi perque iucundæ fuerunt. Nam & tuum in Remp. obsequium atque cultum, & in me ipsum veterem observantiam & studium præstulerunt. Itaque siquid erit, in quo amplificare tua commoda tuamque dignitatem possum, meam tibi operam in eo libentissimo polliceor. Quod autem mihi Ioannem Plancheselem Jurisperitum Procuratorem tuum doctum sane hominem, & prudentem virum, & agendis rebus inprimis idoneum diligenter commendas, facis & ex more boni Principis, & ex ipsius, ut mihi videtur, meritis. Quamobrem & complector iam illum libenter per me ipse, & posthac tua commendatione mihi erit etiam charior. Dat. V. Non. Iul. Anno primo. Roma.

MAXIMILIANO Imperatori designato.

**A**ntonium Cominatum, quem ad me misisti, & vidi & audiui libentissime, cum propter ipsius virtutem & in rebus, quas mecum egit, enuntiandis mirificam prudentiam, tum vel maxime quod abs te veniebat, a quo nihil mihi esse non gratissimum potest. Eum autem cum celeriter confectis constitutisque, de quibus agendum erat, rebus, ad te remittere maxime cuperem, tamen eæ fuerunt ejusmodi, ut is propter temporum difficultatem, dum diem ex dis ducimus spe expectationeque ea, quæ voleba-

lebamus, ex sententia conficiendi, suum ad te  
reditum meo jussu ad hoc diei distulerit. Quan-  
quam quidem non illum ideo nunc ad te re-  
mitto, quod omnia, quæ per me confici cupier-  
bas, confecta jam explicataque sint, de certis enim  
adhuc rebus constituere ea, de qua dixi, tem-  
porum difficultate impediende sane non potui.  
Sed volui, ut & rerum non confectarum cau-  
sas, & reliquarum rationem & statum mentemque  
super iis ineam eodem Internuntio cognoscendi  
diutius tibi facultas ne deesset. Itaque illum  
ad te remitto, cui animum meum aperui ejus  
omnem sensum, qua est probitate, ipsum ad te  
diligenter perlaturum plane confido. Dat. Id.  
Aug. Anno primo. Romæ.

V. ANGELO COSPO.

Accipio excusationem tuam; quam affers de  
adventus Vlyssis fratris tui ad nos dilati-  
one & mora; ægram scilicet ipsius valetudinem,  
quæ quidem mihi permolesta est, amo enim  
te atque illum, ut scis, charosque habeo. Ita-  
que illi meis verbis denuntiabis, curet valetu-  
dinem suam, quam quidem cum recuperarit; de-  
se itineri, ad nosque veniat. Quemadmodum  
Bononiæ Magistratui etiam scribimus hac de  
re, quas ad literas te atque illum rejicio. Dat.  
XVIII. Cal. Sept. Anno primo. Romæ.

VI. MALATESTÆ BALIONI.

Quo te amore complexus semper fuerim;  
quantoque studio ornandi tui, tuasque for-  
tunas dignitatemque amplificandi teneam; pro-  
fecto tibi esse debet exploratissimum. Multa  
enim atque illustria mea in te paterna officia  
& studia extiterunt. Hanc benevolentiam vo-  
luntatemque erga te meam longe majorem atque



in tua commoda paratiorem, & prioniorem efficiendi pulcherrima tibi sese facultas obtulit. Heri media in Vrbe Carolus Gratianus sociique, qui cum ipso erant, quinque Gentilem Martianum multis vulneribus confossum turpiter fœdeque interfecerunt. Quæ res ita me vehementer commovit; ut omnem curam adhibendam statuerim, ut illi ficarii pro sui sceleris atrocitate puniantur. Quid enim ulli tutum, aut quis esse locus securus potest, si talia Romano prope in foro moliri, atque patrare homines audeant? Quamobrem mando tibi atque impero; ut una cum Perusiz magistratu des operam; ut Carolum sociosque, quibuscunque modis atque artibus comprehendatis. Quam sane rem eo curare diligentius debebis; quod ejus sceleris perpetratio notam atque ignominiam affert Gentili Balioni propinquo tuo; quicum nefarius ille trucidator Romam venerat. Itaque ut mentis animique mei sensum melius atque apertius intelligas; scire te plane volo; si mandatis imperioque meo ea in re obtemperaveris, Carolumque ipsum & Socios captos comprehensosque Magistratui tradideris; me daturum operam te ut intelligas, mihi rem gratissimam fecisse; melioreque quam adhuc fueris, loco apud me futurum. Sin aliter, ac spero deque studio diligentiaque tua confido, tibi statues esse faciendum; hoc est, si latrones illi tua cura, tuoque studio fulti non capientur; quo te magis amo, charioremque habeo, fortunasque tuas dignitatemque amplificare magis cupio; eo te gravioribus indignationis odii que mei stimulis insectabor. Dat. quarto Cal. Septemb. MDXIII. Anno primo. Roma.

VII. ANTONIO Abbati sancti Bertini.

**V**oluptas, quam ex eo, quod Pontifex Max. declaratus sum, accepisse te mirificam atque incredi-

incredibilem scribis; & si eâ nihil mihi novi attulit: amoris enim erga me tui abundantiam dudum cognitam atque perspectam habeo; mihi tamen sane gratissima jucundissimaque accidit. Visus enim mihi ipse sum, dum tuas litteras legerem, illo ipso tuo vultu atque conspectu suavissimo & liberalissimo perfrui; quo me olim per Germaniam atque ista per loca iter facientem amantissime suscepisti. Itaque mihi in memoriam revocasti eos ipsos dies, quos una fuimus: qui quidem tamen dies nunquam ex animo meo exciderunt. Quamobrem scire te plane volo, & amari te a me unice, charissimumque mihi esse ac semper fore: & si unquam occasio dabitur videndi tui: quod sine tuo incommodo posse fieri sane pervelim; id mihi non minori voluptati fore; quam si meorum quempiam mihi sanguine conjunctissimum usu & consuetudine optatissimum longo non visum tempore conveniendi amplectendique potestas fieret. Quo sit, ut iis, quæ scribis, teneri te scilicet incredibili desiderio videndi mei: facile fidem adhibeam. Reliquum est, ut, si quid erit, quod impetrare a me vel tibi cupias, vel tuis, scribas id ad nos certa cum spe, nihil te frustra petiturum. Vale. Dat. VII. Id. Sept. Anno primo. Romæ.

VIII. CLAUDIÆ Ludovici Regis Galliæ filiæ

Audita morte Annæ Reginæ matris tuæ, multis quidem de causis magnum sensi dolorem: sed eum præcipue, quod te filiam in tam tenerâ ætate reliquit; ut tuas exoptatas sibi nuptias jam tractari cæptas, conficere, lætitiâque de te habere, quam ei debebas, non potuerit; ex quo te etiam magnum dolorem accepisse magis quidem ingenii tui mirifica in-

Da... dole

dole, quam ætate tuâ ad animorum affectus percipiendos idonea, te movente ac excitante sane puto. Sed quoniam ea Dei Opt. Max. voluntas fuit, matrisque tuæ virtutes tot tamque egregiæ extiterunt, ut memoriam ejus nominis omnibus seculis conservaturæ videantur, curandum tibi est, non tam ut homines ex ejus te obitu mærentem sentiant, quam cogitantem quibus artibus ei quam simillima possis. Quod plane futurum confido, atque ut ei rei cum am adhibeas, & in timore te Domini exemplo matris instituas, amantissime te hortor. A me autem te sperare omnia volo, quæ ad tua commoda dignitatemque pertineant, eoque magis, quod te tam illustri matre, tamque optima orbatam & spoliatam video. Et quanquam is tibi pater sit, qui suppeditare tibi omnia, quæ a te expectentur, & propter Imperii magnitudinem poterit, & volet propter amorem, quo is matrem tuam complectebatur, cujus tu illi imaginem refers, quoque tibi parentis nomine afficitur, nostrum tamen studium, si quid tibi esse ului poterit, voluntasque ad te ornandam propensa tibi certe nunquam deerit. Dat tertio Cal. Febr. M D X I I I I Anno primo. Romæ.

**FABRITIO Carreto Magno Rhodi Magistro \* IX.**

**L**ECTIS litteris tuis, quæ me cum de Guidonis magni (1) Rhodi Magistri morte, tum de tua in ejus locum suffectione per Concilium societatis

*i. e. Supremo Moderatori Conventus Rhodii Equitum Ierosolymitanorum qui ea tempestate incolebant Insulam Rhodum in mari mediterraneo ad limites Asiæ sitam, in qua fuerat Colossus admirandæ magnitudinis à Care statuario exstructus, d*

tatis legitime facta certiorē reddiderunt, in altero perinde, atque de optimi præstantissimique viri maximeque temperati prudentisque hominis jactura, sane perquam dolui, illumque tam breve temporis spatium societati suæ præfuisse, ut parum ei ornamenti accidere ab ipso potuerit, moleste admodum tuli: in altero tanta lætitia is me nuntius affecit, ut statim Deo Opt. Max. gratias egerim, & quod dolorem, quem ex Guidonis morte contraxeram, tua declaratione lenierit; & quod illud tibi muneri tradi mandarique voluerit, qui pro tua virtute, animi magnitudine, diligentia, religione, maximis in rebus perspecta, sæpe atque cognita, nihil es eorum prætermitturus, quæ ad rem Christianam conservandam atque amplificandam ipsiusque cultum & illustrandum & propagandum pertinebunt. Atque hoc cum publice mihi gratum & jucundum est, tum illud priuatim adjungitur, quod te, dum Cardinalem gererem, multos quidem annos & amavi ipse & abs te amari me plano sensi, ut si unus ex omni sociorum tuorum numero mihi optandus fuisset, quem tibi tua societas præficeret, neminem tibi sane prætulissem. Itaque duplici nomine eam de dignitate ac præfectura tibi tradita magnopere gratulor; altero Reip. altero

D 3

unius

*quo Incolæ hujus Insulæ dicebantur Colossenses ad quos S. Paulus Apostolus scripserat. Verum brevi postea Rhodo sub potestatem Turcarum redacta, Equites Ierosolymitani Maltam Insulam Siciliæ adjacentem à Carolo V. Romanorum Imperatore Societati suæ donatam anno 1530. possederunt, quam & nunc tenent, unde modo Equites Militenfes adpellantur, quemadmodum antea Rhodii fuerant adpellati.*



unius ipsius atque proprie meo, optoque, ut & honor tibi iste salutaris, & tu societati tuæ usui atque gloriæ sis futurus: quod quidem plane confido fore. De me quidem tibi ipse omnia promittas volo, quæ ab optimo atque optatissimo filio de Patre amantissimo sunt speranda. Non fallam opinionem tuam. Cæterum obsequii tui peregrina perque illustris significatio; quod mihi eadem tuæ literæ Philippusque Provanus societatis Procurator tuis verbis præstiterunt, mihi gratissima accidit: eamque libenti animo sum complexus. Societas etiam ipsa tua, quam mihi magnopere commendas, quæque mihi, tanquam de universa re Christiana optime merita, charissima per se est, erit post hac mihi tuo etiam nomine charior, proque ea Insulaque ista ab Turcarum cupiditate bellicisque apparatus, de quibus scribis, tuenda & defendenda, si erit opus, nihil sum neque studii, neque diligentiae, neque omnino laboris prætermisurus. Certe non si vitam ipsam profundere me oporteat ea in re, tuæ unquam societatis curam, tutelam, procuracionem negligam. Quod te spondere ei meis verbis opto & volo: eamque bono animo esse atque forti jubeo. Cui quidem gratulor, quod te sibi Magistrum legerit, utque te ea, qua debet observantia prosequatur, quanquam id quidem me scribere pro antiqua ipsius in omnes Magistros pietate minus necesse est, eam tamen hortor. Etiam atque etiam mi Fabriti vale. Dat. VIII. Id. Feb. Anno primo. Roma.

#### X. SIGISMUNDO REGI POLONIÆ.

Perfertur ad me, seditionibus non negligendis in Pannonia (1) per factiosos homines & scelestos

(1) i. e. in Hungaria. Regio enim illa, quæ nunc Hungaria dicitur, Pannonia antea vocabatur, et si

lestos excitatis arma temere tractari, ac trucidari passim plurimos, & intestinum quoddam quasi bellum existere contra Vladislai Regis Pannoniæ fratris tui voluntatem. Itaque timendum esse, nisi ei rei quam celerrime occurratur, ne freti ac permoti ea occasione Turcæ Regnum illud convulsam jam per se ac debilitatum, ad quod quidem maxime omnium mentem atque animum adiecerunt, propterea, quod est cum suis Regnis conjunctissimum, ipsi integri collectis viribus adorianantur. Eo Regno atque populis vel sub jugum missis, (2) vel profligatis ac perditis, qui vos casus maneat, nemo est, qui non videat etiam tacente ac silente me. Eas ob res omnes te hortandum esse inprimis duco, ut vel sublato modis omnibus eo bello, quod te in præsentia intelligo cum Moscovitis exercere, vel, si fieri potest, suspenso atque in aliud tempus dilato ac rejecto, properes auxilium atque opem ferre fratri.

D 4. *Epistola X* germano

*longe aliis terminabatur limitibus, magisque occidentem versus, quam orientem extendebatur, adeo ut totus hic Europæ tractus, Austriam, Styriam, nec non Hungariam inferiorem complectens uno Pannoniæ nomine vocitaretur.*

(2) *i. e. subjugatis, subiectis, in servitutem redactis. Jugum namque per Metaphoram quandoque accipitur pro servitute, vel tyrannide, ut patet ex his Ciceronis Phil. I. verbis: Patriæ liberatores urbe carebant ea, cujus à cervicibus jugum servile dejecerant. Præterea fixæ in terrâ duæ hastæ, super quas ligabatur tertia dicebantur in jugum, sub quo ignominiae gratia victi homines inermes mitti solebant. Hinc originem trahit hæc latina phrasis: sub jugum mittere, quæ idem significat, ac potestati suæ subicere.*

germano tuo, exercitumque in Pannoniæ fines adducas. Non enim vereor, si te modo appropinquare populi illi senserint fratri suppetias allaturum, quin se omnes in officio contineant. Quod cum fecerint; etiam Turcis spem eripient primum quidem in Pannonios fratremque ipsum tuum, deinde in reliquos Christiani nominis populos atque gentes male cogitandi. Id abs te ita peto, ut quanquam videar tuorum etiam causa te cohortari atque commonefacere, tibi tamen nihilo sim minus ea de re debiturus, acsi mihi uni tantum, quantum postulo, tribuisses. Quintodecimo Cal. Aug. Anno secundo (3) Roma.

C. PLINII CÆCILII  
SECUNDI, EPISTOLÆ.

Cum notis ad modum Minellii.

EPISTOLA ima.

CAIUS PLINIUS CANINIO Rufo suo.

Quid agit Comum tuæ mææque deliciæ? quid suburbanum amænissimum? quid illa porticus

(3) i. e. anno secundo Pontificatus sui, qui in annum 1514. & 1515. inciderat. Unde inferendum est hanc epistolam scriptam fuisse non ad alium huius nominis Poloniæ Regem, sed ad Sigismundum I. Patrem Sigismundi Augusti hoc tempore, quo Leo X. Pontifex Max. creatus est, ab anno 1507. in Polonia regnantem.

• Floruit hic Plinius temporibus Traiani Imperatoris, circiter centum post CHRISTUM natum annis.

tiens verna (1) semper? quid platanon (2) opacissimus? quid Euripus (3) viridis & gemmeus? quid subiectus & serviens lacus? (4) quid illa mollis & tamen solida gestatio? (5) quid balineum (6) illud, quod plurimus sol implet & circumit? quid triclinia (7) illa popularia? quid illa paucorum quid cubicula diurna nocturna? (8) Possidentne te & per vices partuntur? an ut solebas, intentione rei familiaris obennæ, crebris excursionibus avocaris? Si te possident, felix beatusque es, sin minus, unus ex multis. Quin tu (tempus est enim) humiles &

D 5

sordi-

(1) Ubi semper ver sentitur.

(2) Est locus platanis obsitus, quem platanetum etiam vocare posses.

(3) Erat ductus aquarum, quo aqua derivaretur per hortos, ut æstus redderetur lenior.

(4) Lacus qui horto subiacet & multis rebus inservit.

(5) Gestationes erant loci in hortis, ubi gestabantur ut sanitatem tuerentur, ut Molis id est voluptate plena Solida; id est, cui nihil deest, quæ omni ex parte absoluta.

(6) Balneum & balineum utrumque adhibetur promiscue.

(7) Romani sedendo cibum sumserant, deinde vero victis Asiæ populis modum accumbendi didicerant. Collocabant nempe in medio canaculi mensam rotundam & humilem. Circum mensam tres ut plurimum lecti erant unde Triclinii nomen. Duo interdum etiam lecti apppositi erant ad mensam & hoc vocabant Biclinium.

(8) Notum enim quod Romani hodiernum ob nimium calorem, qui in illis regionibus sentitur, etiam sub meridie somna indulgent.



fordidas curas aliis mandas, & ipse te in alto isto (9) pinguique secessu studiis adferis? Hoc sit negotium tuum, hoc otium, hic labor, hæc quies; in his vigilia, in his etiam somnus reponatur. Effinge aliquid & excude quod sit perpetuo tuum. Nam reliqua rerum post te alium atque alium dominum sortientur: hoc nunquam tuum desinet esse, si semel coeperit. Scio quem animum, quod horter ingenium. Tu modo enitere, ut tibi ipse sis tanti, quanti videberis aliis, si tibi fueris. Vale.

## II. CAIVS PLINIVS CORNELIO Tacito suo S.

Ridebis, & licet, rideas. Ego ille, quem nosti, (2) apros tres, & quidem pulcherrimos, cepi. Ipse? inquis. Ipse: non tamen ut omnino ab inertia mea & quiete (3) discederem. Ad retia sedebam erant in proximo, non venabulum aut lancea, sed stylus & pugillares: meditabar aliquid, notabamque, ut, si manus vacuas plenas tamen ceras reportarem. Non est, quod condemnas hoc studendi genus. Mirum est, ut ANIMUS Sagitatione motuque corporis excitetur, (4)

(9) Nonius Marcellus *de var. signif. c. 4. observat* altum idem significare sæpe ac magnum vel magnificum, quæ significatio hic non incommode adhiberetur.

(1) Non opus est hic aliquid de Tacito addere. Scripta enim illius omnium teruntur manibus & passim in epistolis his fit mentio illius.

(2) Quem nosti non adeo esse exercitatum in his rebus.

(3) Vocat per modestam studiorum translationem inertiam & quietem.

(4) Iam undique sylvæ & solitudo, ipsumque illud silentium, quod venationi datur, magna cogitationis incitamenta sunt. Proinde quum venabere, licebit auctore me, ut panarium & lagunculam, sic etiam pugillares feras, Experieris non Dianam magis montibus, quam Minervam inerare (5). Vale.

### III. CAIVS PLINIVS MINVTIO

Fundano suo, S.

**M**irum est, quam singulis diebus in vrbe ratio aut constet (2) aut constare videatur, pluribus iunctisque non constet. Nam si quem interroges: *Hodie quid egisti?* respondeat. *Officio togæ* (3) *virilis interfui, sponsalia aut nuptias* (4)

(4) *Vix hoc apud omnes valebit. Corpore enim fatigato, animus quoque torpet.*  
(5) *Diana Venatorum Dea, Minerva vero studiorum,*

(1) *Minutius Fundanus fuit eruditus & sapiens, ut qui se ab ineunte ætate altioribus studiis dederat. Proconsul Asiæ ex Adriani rescripto monitus est, ne sine obiectu criminum Christianos condemnaret.*

(2) *Quomodo singulos dies in urbe ita transigamus, ut, si singulas consideras rationem habueris, vel ad minimum te rationem habuisse, videbitur, si vero omnes coniunctim examinas, pœnitebit te ita eos omnes transegisse & rationem nullam cur hoc feceris, te habuisse putabis.*

(3) *Invitabant enim Romani amicissimos, si liberi eorum virili toga uti incipiebant. Fuit vera toga vestis lancea, qua in foro amiciebantur, Utebantur ea tum viri, tum feminae. Successu*

as (4) frequentavi. Ille me ad signandum testamentum, ille in advocacionem, ille in consilium rogavit. Hæc quo die feceris, necessaria eadem, si quotidie fecisse te putes, inania videntur, multo magis quam secesseris. Tunc enim subit recordatio: quot dies quam frigidis rebus absumsi! Quod evenit mihi, postquam in Laurentino (5) meo aut lego aliquid, aut scribo, aut etiam corpori vaco, cuius FULTURIS animus sustinetur. Nihil audio, quod audisse, nihil dico, quod dixisse pœniteat. Nemo apud me quenquam sinistris rumoribus carpit, neminem ipse reprehendo, nisi vnum me, quum parum commode scribo. Nulla spe, nullo timore sollicitor, nullis rumoribus inquietor, mecum tantum & cum libellis loquor. O rectam sinceramque vitam

tamen temporis honestiores fœminæ stola utebantur & togatæ mulieres æquivalabant meretricibus. Virilis togâ erat, quæ dabatur pueris ætatem virilem ingredientibus vel circa annum XI. interdum & XIX. & tunc vocabantur Tyrones. Vocabatur etiam toga pura, quia albi coloris nulla purpura admixta. Item libera, quia pueris signum libertatis erat. Recta, quia texebatur a stantibus & ab inferiori togæ parte incipiebatur, ut in altitudinem opus assurgeret. Simpliciter quoque toga dicebatur & in templo Iovis in Capitolio induebatur præsentibus amicis.

- (4) Sponsalia a sponsione dicta. Is enim qui daturus erat uxorem ab eo, unde ducenda, eam postulabat, & alter illam spondebat.
- (5) Idem quod & Laurens. Situm fuit hoc prædium ad oppidum Laurentum, quod erat in antiqua Latio ad Tiberim.

vitam! o dulce otium (6) honestumque. ac pene  
 omni negotio pulcrius! o mare! o littus! verum  
 secretumque museum (7) quam multa invenitis,  
 quam multa dictatis. Proinde tu quoque strepitum  
 istum inanemque discursum & multum ineptos  
 labores, ut primum fuerit occasio, relinque. teque  
 studiis vel otio trade. Satius est enim, ut Attilius  
 (8) noster eruditissime simul & facetissime dixit,  
 OTIOSUM (9) esse, quam nihil agere (10) Vale.

#### IV. CAIVS PLINIVS SOSIO fene- cioni suo S.

**M**Agnum proventum (1) poetarum annus hic  
 attulit. Toto mense Aprili nullus fere dies  
 quo non recitaret (2) aliquis. Invat me quod vigent  
 studia, proferunt se ingenia hominum & osten-  
 tant: tametsi ad audiendum pigre cogitur. Pleriq; in  
 statio-

(6) *Otium hic significat tempus, quando ab ordi-  
 nariis laboribus remittimus, & ad magis iu-  
 cundiora procedimus.*

(7) *Museum vel domicilium Musis aptum & a  
 turbis remotum.*

(8) *Intelligit sine dubio Attilium Crescentem, de  
 quo lib. 6. Ep. 8. Nosti Attili Crescentis facetias.  
 Tres tamen adhuc eo tempore Attilii extiterunt.*

(9) *Studiis incumbere ut iam dixerat: teque  
 studiis vel otio trade.*

(10) *Quam inanibus rebus tempus consumere.*

(1) *Proprie hæc vox significat id, quod ex terra  
 provenit ad commodum nostrum, adhibeturque  
 de frugibus.*

(2) *Mos erat Romanorum laude dignissimus,  
 ut, quando aliquid scripto consignassent, præ-  
 sentibus amicis aliisque quibus placebat, illud  
 recitarent.*



stationibus (3) sedent, tempusque audiendis fabulis conterunt, ac subinde sibi nunciari iubent, an iam recitator intraverit, an dixerit præfationem, an ex magna parte evolverit librum (4) tum demum, ac tunc quoque lente cunctanterque, veniunt. Nec tamen permanent, sed ante finem recedunt, alii dissimulanter & furtim, alii simpliciter & libere. At hercule (5) memoria parentum Claudium Cæsarem ferunt, quum in palatio spaciaretur, audissetque clamorem, causam requisisse; quumque dictum esset, recitare Nonianum, subitum recitanti inopinatumque venisse. Nunc otiosissimus quisque multo ante rogatus, & identidem admonitus aut non perdiderit (6) perdidisse. Sed tanto magis laudandi probandique sunt, quos a scribendi recitandique studio hæc auditorum vel desidia vel superbia non retardat. Equidem prope nemini defui; erant sane plerique amici; neque enim est fere quisquam, qui studia, ut non simul & nos amet. His ex causis longius, quam destinaveram, tempus in vrbe consumpsi. Possum iam repetere secessum & scribere aliquid, quod non recitem: ne videar, quorum recitationibus affui, non auditor fuisse, sed creditor. (7) Nam ut ceteris rebus, ita

(3) *Intelliguntur hic loca publica, in quæ post negotia solebant convenire cives Romani ut confabularentur.*

(4) *Recitarit librum.*

(5) *Est iurandi formula maribus tantum adhibita, cum e contra foeminae deierarent per Castorem & Pollucem.*

(6) *Quia non inanibus rebus transigit diem.*

(7) *Ne videar is, qui velit munus auditoris propterea suscipere, ut illi, quos audiui, rursus auditores se mihi præbeant recitanti.*

ita audiendi officio PERIT gratia, si reposcatur Vale.

V. CAIVS PLINIVS EVRICIO L. suo S.

**A** Mabam Pompeium Saturninum, hunc dico nostrum (2) laudabamque eius ingenium etiam antequam scirem, quam varium, quam flexibile, quam multiplex (3) esset: nunc vero totum me tenet, habet, possidetque. Audivi causas agentem acriter & ardenter, nec minus polite & ornate sive meditata, sive subita proferret. Adsunt acutæ crebræque sententiæ, gravis & decora constructio, sonantia verba & antiqua (4) Omnia hæc mire placent, cum impetu quodam & flumine prævehuntur; placent, si retractentur. Senties quod ego quum orationes eius in manus sumpseris; quas facile cuilibet veterum, quorum est æmulus, comparabis.

(1) Fuit hic Euricius vir integer, antiqua fide disertus Patronus, & constans morum veterum studiosissimus, præfecturam urbis gessit: bis Consul fuit, Sub altero illius consulatu nascitur Severus, qui postea imperavit.

(2) i. e. hunc intelligo, qui est amborum nostrorum amicus integerrimus. Unde simul videtur clarum, fuisse adhuc alios Saturninos, eo tempore.

(3) Synonyma hæc sunt; unum enim explicat alterum. Hoc vero indicat Plinius: ingenium illius ita esse comparatum, ut occasionem sumat modo de hac, modo de illa re aliquid componendi.

(4) Antiqua hic vocat quæ Terentii, Ciceronis, Cæsaris &c. tempore erant in usu. Plus quam centum vero effluxerant anni, cum hæc scriberet Plinius.

parabis. Idem tamen in historia tibi magis satisfaciet vel brevitatem, vel lucem vel suavitate, vel splendore etiam, & sublimitate narrandi. Nam in concionibus (5) idem qui in orationibus est; presior tamen, & circumscriptior & adductior. Præterea facit versus, quales Catullus meus (6) aut Calvus (7) Quantum illis leporis, dulcedinis, amaritudinis (8) amoris. Inserit sane, sed data opera mollius leniusque duriusculos quosdam, & hos quasi Catullus meus aut Calvus. Legit mihi nuper epistolam, quas uxoris esse dicebat: Plautum vel Terentium (9) metro solutum legi credidi: quæ sive uxoris sunt, ut affirmat, sive ipsius; ut negat, pari gloria dignus est, qui aut illa componat, aut

UXO-

(5) *Iuxta Festum apud antiquos Concio in magistratino usurpatur, & significabat conventum tantum eum, qui a magistratu, vel a sacerdote publico per præconem convocabatur. Deinde Orationes, quæ coram tali cætu habebantur, conciones vocatæ. Per applicationem vero & illi sermones, qui ad milites vel alios congregatos habebantur, conciones vocati sunt. Et hoc ultimum genus noster intelligit.*

(6) *Addit meus, quia vehementer eius Hendecasyllabo, capiebatur quemadmodum & ipse Hendecasyllaba in secessu sæpissime composuit. Floruit autem Catullus tempore Iulii Cæsaris.*

(7) *Fuit Epigrammatum scriptor & Orator optimus, apicissimus Catulli. Scripta vero illius interfuerunt.*

(8) *Intelligit atuleos, quibus vehementissime sæpe punxerit.*

(9) *Quis Plautus & Terentius fuerit, omnibus notum. Nempe Comici celeberrimi tempore tertii belli Punici. Restant nobis de plus quam*

vxorem, quam virginem accepit, tam doctam politamque reddiderit. Est ergo mecum per diem totum eundem antequam scribam, eundem quam scripsi, eundem etiam quam remittor, non tantum eundem (10) lego. Quod te quoque, ut facias, & hortor & moneo. Neque enim debet operibus eius obesse, quod vivit. An, si inter eos, quos nunquam vidimus, florisset, non solum libros eius, verum etiam in agnes conquiremus: eiusdem nunc honor presentis & gratia quasi facietate languescet. At hec **PRAVVM MALIGNVMQVE** est, non solum hominem admiratione dignissimum, quod videri & audiri, complecti, nec laudare liceat, sed etiam amare contingit. Vale.

## CAIVS PLINIVS AVITO suo S.

**L**ongum est alius repetere, nec refert, quem ammodum acciderit, ut homo minime familiaris conarem apud quendam, ut sibi videbatur lautum, & diligentem, ut mihi sordidum simul & sumptuosum: nam sibi & paucis optima quedam, ceteris vilia & minuta ponebat, vinum etiam paryulis lagunculis in tria genera descriperat, non ut potestas eligendi, sed ne ius esset recusandi; & aliud sibi & nobis, aliud minoribus amicis, (nam gradatim amicos habet) aliud suis nostrisque libertis. Animadvertit, qui mihi proximus recumbebat, & approbarem, interrogavit. Negavi. Tu ergo, inquit,

*Et Plinius Avito quam  
centum comædiis Plauti tantum XX. Et de  
viginti quatuor Terentii VI. relique omnes  
perierunt. Iambicis autem versibus ambo sua  
elaborarunt.*

(10) Semper deprehendo aliquid novi, quod antea non observaveram.



quam consuetudinem sequeris? Eadem omnibus pono, ad cenam enim, non ad notam (1) invito: cunctisque rebus ex equo (2) quos mensa & toro (3) æquavi. *Etiame libertos?* Etiam. Convictores enim tunc, non libertos, puto. Et ille, *Magno tibi constat.* Minime. *Qui fieri potest?* Quia scilicet liberti non idem, quod ego, bibunt, sed idem ego, quod liberti. Et hercule, SI GVLÆ temperes, non est onerosum quo utaris ipse, communicare cum pluribus. Illa ergo reprimenda, illa quasi in ordinem redigenda est, si sumptibus pareas, quibus alio quanto rectius tua continentia quam aliena contumelia consulas. Quorsum hæc? Ne tibi optima indolis iuveni quorundam in mensa luxuria specie frugalitatis imponat. Convenit autem amor in te meo, quoties tale aliquid inciderit, sub exemplo præmonere, quid debeas fugere. Igitur memento, NIHIL MAGIS esse vitandum, quam illam luxuriæ & sordium novam societatem: quæ cum sint turpissima, discreta ac separata, turpius junguntur. Vale.

VII. CAIUS PLINIUS MAURICO suo S.

Quid a te iucundius mihi potuit inungi, quam ut Præceptorem fratris tui liberis quererem

(1) Invito eos ad cenandum & ut honor eis habeatur, non vero ut contumelia eos afficiam & notam constituam, quos magis aut minus æstimem.

(2) In omnibus ostendo me æque omnibus bene cupere.

(3) Pro lectulo usurpatur. Est autem mensa & toro omnes æquare, omnes ad cenam invitatos æquo honore prosequi. Torus vero dicitur a tortis herbis, quæ accumbentium humeris supponebantur.

rem? Nam beneficio tuo in scholam redeo (1) & illam dulcissimam ætatem quasi resumō. Sedeo inter iuvenes, ut solebam: atque etiam experior, quantum apud illos auctoritatis ex studiis habeam. Nam proxime frequenti auditorio inter se coram multis ordinis nostri (2) clare iocabantur: intravi, conticuerunt. Quod non referrem, nisi ad illorum magis laudem, quam ad meam pertineret: ac nisi sperare vellem, posse fratris tui filios probe discere. Quod superest, quum omnes, qui profitentur, audiero, quid de te quoque sentiam, scribam: efficiamque, quantum tamen epistola consequi potero (3) ut ipse omnes audisse videaris. Debeo enim tibi, debeo memoriæ (4) fratris tui hanc fidem, hoc studium, præsertim super tanta re. Nam quid maius interest vestra, quam ut liberi, (dicerem tui, nisi nunc illos magis amares) digni illo patre, te patruo reperiantur? Quam curam mihi etiam si non mandasses, vindicarem. Nec ignoro SUSCIPIENDAS offensas (5) in eligendo Præceptore: sed oportet me non modo offensas, verum etiam humilitates (6) pro fratris tui filijs tam æquo animo subire, quam Parentes pro suis. Vale.

E 2

VII. CA.

- (1) Recordor rursus vitæ illius scholasticæ.  
 (2) Qui eadem auctoritate qua ego pollebant.  
 (3) Quantum quidem exprimere potero epistola.  
 (4) Debeo hoc fratri tuo, qui tot meritis se memoria reddidit dignum.  
 (5) Quilibet enim Rhetorum dignum se iudicabat, ut posset liberis illis præesse, & tamen diligendus erat unus.  
 (6) Necesse est, ut patiar multos Rhetores, clam inimicitiam gerere contra me, quando alterum alteri præfero.

## VIII. CAIVS PLINIUS CORNELIO

Tacito suo S.

**S** Aluum te in urbem venisse gaudeo. \* Venisti autem, si quando alias, nunc maxime mihi desideratus. Ipse pauculis adhuc diebus in Tusculano commorabor, ut opusculum, quod est in manibus, absolvam. Vereor enim, ne, si hanc intentionem iam in finem laxavero (1) ægre resumam. Interim ne quid festinationi meæ pereat, quod sum præsens petiturus, hac quasi præcursoria epistola rogo. Sed prius accipe causas rogandi, deinde ipsum quod peto. Proxime quum in patria mea (2) fui, venit ad me salutandum municipis mei filius pretextatus. (3) Huic ego, *Studes?* inquam; respondit, *Etiam. Pater Me tiolani. Cur non hic?* & pater eius (4) (erat enim vna, etiam ipse adduxerat

(1) *Sine dubio hic falsa erit lectio atque aliquid restituendum. Legunt vero quidam recentius vulgati codices: in fine intermisero, sed cum vox plane nova textui inseratur, videtur quod hæc magis sit explicatio, quam textus restitutio. Mallem igitur cum aliis iam in fine laxavero. Facile enim potuit fieri, ut scriba male attentus litteram adiecerit, quæ fuisset omit-tenda. Clarissimum autem est intentionem laxare significare nihil aliud, quam non tanto studio atque diligentia rem tractare, sed paucis per eam seponere.*

(2) *Comum intelligit.*

(3) *Prætexta vocabatur illud togæ genus, quod in ora purpuram admistam habuit. Utebantur ea pueri, donec annum XVI. ingrederentur. Sacerdotes quoque, & qui aliquem Magistratum in Republica obtinebant, prætextâ vestiebantur.*

(4) *scil. respondit.*

rat puerum) Quia nullos hic Præceptores habemus. Quare nulli s? nam vehementer intererat vestra, qui Patres esis, (& opportune complures Patres audiebant) liberos vestros hic potissimum discere. Vbi enim aut iucundius morarentur, quam in patria? aut pudicius continerentur, quam sub oculis Parentum? aut minore sumptu, quam domi? Quantulum est ergo collata pecunia contuere Præceptores? quodque nunc inhabitationes, in viatica in ea quæ peregre emuntur, impenditis. adicere mercedibus? Atque adeo ego, qui non tum liberos habeo, paratus sum pro Republica, quasi pro filia vel Parente tertiam partem eius, quod conferre vobis placebit, dare. Totum etiam pollicerer, nisi timerem, ne hoc munus meum quandoque ambitu corrumpetur: (5) ut accidere multis in locis vi leg, in quibus Præceptores publice conluantur. Huic vitio uno remedio occurrere potest, si Parentibus solis ius conducendi relinquatur, iisdemque religio (6) recte indicandi necessitate collationis addatur. Nam qui fortasse de alieno negligentes, certe de suo diligentes erunt: dabuntque operam, ne eam a me pecuniam non nisi dignus accipiat, si accepturus & ab ipsis erit. Proinde consentite, conspirate, maioremque animum ex meo sumite, qui cupio esse quam plurimum, quod debeam

E 3

con-

(5) Ne dum multi forte munus illud deinde ambirent, iique indigni, pecunia mea male sit collocata.

(6) Cum religio nihil aliud sit quam certus cultus, quo Deo reverentiam exhibeo, ad certum vero illum cultum ego obstringar conscientia, hinc factum, ut vox religionis pro ipsa conscientia sapissime adhibita sit.



conferre (7) Nihil honestius præstare liberis vestris, nihil gratius patriæ potestis. Edocentur hic, qui hic nascuntur, statimque ad infantia natale solum amare, frequentare consuecant. Atque utinam tam claros Præceptores inducatis, ut a finitimis oppidis fluvia hinc petantur! utque nunc liberi vestri aliena in loca, ita mox alieni in hunc locum consueant! Hæc putavi a'tius, & quasi a fonte repetenda: quo magis scires, quam gratum mihi foret, si susciperes, quod iniungo. Iniungo autem, & pro rei magnitudine rogo, ut ex copia studiosorum quæ ad te ex admiratione ingenii tui convenit, circumspicias Præceptores, quos sollicitare possimus: sub ea tamen conditione, ne cui lidem meam obstringam. Omnia enim libera parentibus servo. Illi iudicent, illi eligant: ego mihi curam tantum & impendium vindico. Proinde si quis fuerit repertus, qui ingenio suo fidat, eat illuc ea lege, ut hinc nihil aliud certum, quam fiduciam suam ferat. Vale.

#### IX. CAIVS PLINIUS CANINIO suo S.

**I**ncidi in materiam veram, sed simillimam fictæ, dignamque isto lætissimo (1) altissimo, planeque poetico ingenio. Incidi autem, dum super cœnam varia miracula (2) hinc inde referuntur. Magna auctoris fides: tamen quid Poëtæ cum fide? Is tamen auctor, cui bene vel historiam scripturus

(7) Qui libenter etiam magnam quotannis summam numerare decrevi, quod vos debet instigare, ut simile quid animo concipiatis.

(1) Latissimum ingenium est illud, quod semper est occupatum festivis inventionibus, iisque solis delectatur.

(2) Res quæ admirationem excitant.

pturus credidisses. Est in Africa Hipponensis colonia mari proxima: adiacet ei navigabile stagnum, ex quo, in modum fluminis æstuarium emergit (3) quod vice alterna prout æstus aut repressit, aut impulit, nunc infertur mari, nunc redditur stagno. Omnis hic ætas piscandi, navigandi, atque etiam natandi studio teneretur, maxime puerorum, quos otium ludusque sollicitat. His gloria & virtus altissime provehi: victor ille qui longissime ut litus, ita simul nantes, reliquit. Hoc certamine puer quidam, audentior cæteris, in ulteriora tendebat: delphinus occurrit, & nunc procedere puerum, nunc sequi, nunc circuire: postremo subire, deponere: iterum subire, trepidantemque perferre primum in altum; mox flecit ad litus, reddiditque terræ & aequalibus. Serpit per coloniam fama: concurrere omnes ipsum puerum tanquam miraculum aspicere, interrogare, audire, narrare. Postero die obsident litus, propestant mare, & si quid est mari simile. (4) Natant pueri: inter hos ille, sed cautius. Delphinus rursus ad tempus, rursus ad puerum venit. Fugit ille cum cæteris. Delphinus, quasi invitet, revocet, exilit, mergitur, variosque orbes implicat. (5) expeditque. Hoc altero die, hoc tertio, hoc pluribus, donec homines innutritos mari subiret timendi pudore: accedunt, & alludunt, & appellant (6): tangunt etiam.

E 4

per-

(3) *Æstus maris est, quanto mare ventis motum fervet quasi undis & fluctibus inter se pugnantiis. Æstuarium igitur erit aliqua aquarum collectio ab æstu maris orta.*

(4) *Ut æstuarium vel stagnum.*

(5) *Dum in gyrum circumnatat in aqua.*

(6) *Nomen, quod delphinis imponere solebant, erat Simon, quia, rostrum eis simum.*

pertractantque præbentem (7). Crescit audacia experimento (8) Maxime puer, qui primus expertus est, adnatantis insilit tergo; fertur, referturque; agnosci se, amari putat; amat ipse, neuter timet, neuter timetur. Huius fiducia inansuetudo illius augetur: nec non alii pueri dextra lævaque simul eunt hortantes monentesque. Ibat una (id quoque mirum) delphinus alius, tantum spectator & comes. Nihil enim simile aut faciebat, aut patiebatur: sed alterum illum ducebat, ut puerum ceteri pueri. Incredibile (tam verum tamen quam priora, ) delphinum gestatorem collisoremque puerorum in terram quoque extrahi solitum, arenisque siccatum, ubi incaluisse, in mare revolvi. Constat Octavium Avitum, legatum Proconsulis in littus educto religione prava (9) superfudisse unguentum: cuius illum novitatem odoremque in altum refugisse, nec nisi post multos dies visum languidum & mœstum, mox redditis viribus priorem lasciviam & solita ministeria repetisse. Confluebant ad spectaculum omnes magistratus, quorum adventu & mora, modica Respublica novis sumptibus (10) atterebatur. Postremo locus ipse quietem (11) suam secretumque perdebat. Placuit occulte interlicì, ad quod coibatur

(7) Qui se præbebat, ut posset tangi.

(8) Dum vident eum admittere, ut cum eo ludant, semper redduntur audaciores.

(9) Pravam vocat religionem, quia putavit Proconsul divini quoddam latuisse in delphino.

(10) Omnia enim, quæ tantis viris necessaria, eis erant præbenda, quo fiscus exhauriebatur.

(11) Non amplius tanquam ignoti, in quiete laboribus sibi utilitatem asferre poterant illius incolæ.

coibatur. Hæc tu qua miseratione, qua copia deflebis, ornabis, attolles? Quanquam non est opus, affingas aliquid, aut adstruas, sufficit, ne ea quæ sunt vera, minuantur. Vale.

X. CAIUS PLINIUS TRAIANO Imp. S.

Soleane est mihi (1) Domine, omnia, de quibus dubito, ad te referre. Quis enim potest melius vel cunctationem (2) meam regere, vel ignorantiam instruere? Cognitionibus (3) de Christianis interfui nunquam; ideo nescio, quid & quatenus aut puniri soleat, aut quæri. Nec me diocriter hæsitavi, sit ne aliquod discrimen ætatum, an quolibet teneri nihil a robustioribus differant; deturne poenitentiae venia (4) an ei, qui omnino Christianus fuit, desisse non profit: nomen ipsum, etiam si flagitiis careat. (5) an flagitia coherentia nomini (6) puniantur. Interim in

E 5

iis

(\*) Monumentum hoc est, omnium, quæ de veteribus Christianis extant, optimum, quippe ab hoste religionis Christianæ conservatum. Est autem scripta hæc Epistola, cum Plinius in Ponto & Bithynia Proconsulem ageret.

(1) In more mihi est positum.

(2) Quando in dubio constitutus, nolo rem maturare, nisi prius scrupuli mihi fuerint exempti.

(3) Viderat forte Domitiani tempore multos Christianos nec fuisse traditos, ipse tamen nunquam index in Christianorum causa fuit.

(4) An dimittendus sit ille, qui negaverit, se velle Christianos amplius sectari.

(5) Tantum fuit Christianorum odium, ut etiam ob solum nomen sæpe morti traderentur.

(6) Nolebant fateri gentiles, se nomen tantum odio prosequi, sed ingentia adhuc crimina eis impingebant.



iis, qui ad me tanquam Christiani deferebantur, hunc sum sequutus modum. Interrogavi ipsos, an essent Christiani? constantes, iterum ac tertio interrogavi supplicium minatus: perseverantes duci (7) iussit. Neque enim dubitabam, quaecumque esset, quod intereretur, perviciaciam, certe & inflexibilem obstinationem debere puniri. Fuerunt alii similis amentiae: quos, quia cives Romani (8) erant, annotavi (9) in urbem remittendos. Mox ipso tractatu (10) ut fieri solet, diffundente se crimine, plures species inciderunt. Propositus est libellus (11) sine auctore multorum nomina continens: qui negarent (12) se esse Christianos, aut fuisset, quum praecunte (13) me Deos appellarent, & imagini tuæ, quam propter hoc iusseram cum simulacris Numinum

(7) scilicet ad supplicium.

(8) Magna enim privilegia civibus erant Romanis. Lex Porcia ducebat, ne quis civem Romanum virgis caederet, aut necaret: sed damnato exilium permitteret. Sempronia cavebat, ne de capite civium Romanorum iniussu populi in liceretur.

(9) Vox hęc iuris Consultorum. Adnotare enim iudex dicitur, si aliquid decernit, quod scribi atque in acta referri iubet.

(10) Cum inquisitio succiperetur successu temporis, multi alii crimine implicabantur.

(11) Accusatorius.

(12) Forte hi quamvis gentiles benignius senserunt de Christianis, atque hoc modo animum prae-buerunt aliis, se accusandi quasi Christianismo deducos.

(13) Ipvocavit primus Deos Plinius, quem reliqui sunt secuti.

minum afferri, thure ac vino supplicarent, præterea maledicerent Christo: (14) quorum nihil cogi posse dicuntur, qui sunt re vera Christiani. Ergo dimittendos putavi. Alii ab indice (15) nominati, esse se Christianos dixerunt, & mox negaverunt: fuisse quidam, sed desisse, quidam ante triennium, quidam ante plures annos, non nemo etiam ante viginti quoque. Omnes & imaginem tuam, Deorumque simulacra venerati sunt, ii & Christo maledixerunt. Affirmabant autem hanc fuisse summam (16) vel culpæ suæ vel erroris, quod essent soliti statim die ante lucem convenire carmenante Christo quasi DEO dicere secum invicem, itaque sacramento non in scelus aliquod obstringere, sed ne furta, ne latrocinia, ne adulteria committerent, ne fidem fallerent, ne depositum appellati abnegarent, quibus peractis, morem sibi discedendi fuisse, rursusque coeundi ad capiendum cibum, promissum tamen, & inproximum: quod ipsum facere desisse post edictum meum; quo secundum mandata tua hetærias (17) esse venteram. Quod magis necessarium credidi, ex duabus ancillis, quæ ministræ dicebantur, quid esset veri & per tormenta quærere. Sed nihil aliud inveni, quam superstitionem pravam (18) & immo-

(14) *Maximus hic impietatis gradus, ex quo tamen certissimum funebatur ethnicis signum, aliquem non adherere Christo.*

(15) *A delatore, qui libellum composuerat accusatoriam.*

(16) *In eo consistere omne illud, ob quod rei sint facti.*

(17) *Hetæriæ Græcis sodales sunt eiusdem collegii. Nolebat vero tales concedere conventus Traianus metu seditionis.*

& immodicam (19) Ideoque dilata cognitione, ad consulendum te decurri. Visa est enim mihi res digna consultatione, maxime propter periclitantium numerum. Multi enim omnis ætatis, omnis ordinis, vtriusque sexus etiam, vocantur in periculum, & vocabuntur: neque enim ciuitates tantum, sed vicos etiam, atque agros superstitionis istius contagio pervagata est. Quæ videtur fisci & corrigi posse. Certesaris conitat, prope iam desolata templa (20) cœpisse celebrari, & sacra solennia diu intermissa repeti, passimque venire victimas, quarum adhuc rarissimus emptor inueniebatur. Ex quo facile est opinari, quæ turba hominum emendari possit, si sit pœnitentiæ locus.

## M. TVLLII CICERONIS LÆLIVS,

VEL

De Amicitia, Dialogus ad Pomp. Atticum,  
INTERLOCVTORES.

C. LÆLIVS, Q. MUTIVS SCÆVOLA,  
ET CAIVS FANNIVS.

Quintus Mutius Augur Scævola multa narrare de C. Lælio focero suo memoriter & iucunde

(18) *Legibus enim vetitum erat, aliam inducere religionem.*

(19) *Maximus hominum numerus huic superstitioni erat deditus.*

(20) *Cum enim tanta multitudo converteretur ethnicorum, claudabantur templa, atque cultus Deorum intermittebatur. Resumptos deinde fuit ille, quin persecutio oriretur, & tormentis adigerentur homines ad relinquendum Christianismum.*

de solebāt, nec dubitare illum in omni sermone appellare *sapientem*. Ego autem à patre ita eram deductus ad Scævolam sumpta virili toga, ut quoad possem, & liceret, à senis latere nunquam discederem. Itaque multa ab eo prudenter disputata, multa etiam breviter & commode (1) dicta, memoriæ mandabam, fierique studebam eius prudentia doctior. Quo mortuo, me ad Pontificem Scævolam contuli: quem unum nostræ civitatis, & ingenio & industria præstantissimum audeo dicere. Sed de hoc alias: nunc redeo ad Augurem. Quum sæpe multa narraret, tum me mini domi in hemicyclo (2) sedentem (ut solebat) quum & ego essem una, & pauci admodum familiares, in eum sermonem illum incidere, qui tum fere multis erat in ore. Meministi enim profecto (ut opinor) Attice, & eo magis, quod P. Sulpitio utebare multum, quum is Tribunus Plebis capitali odio a Q. Pompeio, qui tum erat Consul, dissideret, qui cum (3) coniunctissime & amantissime vixerat, quanta hominum esset vel admiratio vel querela. Itaque tum Scævola, quum in eam ipsam mentionem incidisset, exposuit nobis sermonem Lælii de *Amicitia* habitum ab illo secum, & cum altero genero C. Fannio Marci filio, paucis diebus post mortem Africani. Eius dis-

(1) *Iuxta exigentiam temporis, loci, personarum &c.*

(2) *Hemicyclion semicirculum significat: hic vero accipitur pro confessu; nam ubi plures sedent colloquia miscentes, circulum, vel semicirculum efficiunt. Nonnulli hemicyclion selam appellari volunt in modum semicirculi conformatam.*

(3) *Qui cum pro cum quo.*



disputationis sententias memorie mandavi, quas in hoc libro exposui meo arbitratu. Quasi enim ipsos introduxi loquentes, ne, *inquam*, & *inquit* saepius interponeretur: atque ut tanquam a praesentibus coram haberi sermo videretur. Quum enim saepe mecum ageres, Attice, ut de Amicitia scriberem aliquid, digna mihi res tum omnium cognitione, tum nostra familiaritate visa est. Itaque feci non invitus, ut prodessem multis tuo rogatu. Sed ut in Catone maiore feci, qui est scriptus ad te de Senectute. Catonem induxi senem disputantem, quia nulla videbatur aptior persona, quae de illa aetate loqueretur, quam eius: qui & diutissime senex fuisset, & in ipsa senectute praeter ceteris floruisset: sic quum accepissemus a patribus, maxime memorabilem C. Laelii & P. Scipionis familiaritatem fuisse, C. Laelii persona visa est idonea mihi, quae de Amicitia ea ipsa differeret, quae disputata ab eo meminisset Screevola. Genus autem hoc sermonum positum in hominum veterum auctoritate, & eorum illustrium, plus (nescio quo pacto) videtur habere gravitatis. Itaque mea ipsa legens assidua interdum: ut Catonem, non me, loqui existimem. Sed ut tum ad senem senex de Senectute, sic in hoc libro ad amicum amicissimus de Amicitia scripsi. Tum est Cato locutus, quo erat nemo fere senior temporibus illis, nemo prudentior: nunc Laelius, & sapiens (sic enim est habitus & amicitiae gloria excellens, de Amicitia loquitur. Tu velim a me animum parumper advertas, Laelium loqui ipsum putes. C. Fannius & Q. Mutius ad socerum veniunt post mortem Africani (4), ab his sermo oritur: Respondet Laelius,

(4) Scipionis Aemiliani, qui finito tertio bello Punico & Carthagine diruta, Africani secum

*lius, cuius tota disputatio est de Amicitia: quam legens tu ipse cognosces. FANNIVS. Sunt ista vera Læli; nec enim melior vir fuit Africano quisquam, nec clarior: sed existimare debes, omnium oculos in te esse coniectos: minete sapientem & appellant, & existimant. Tribuebatur hoc modo M. Catoni: scimus L. Acilium apud patres nostros appellatum esse sapientem: sed uterque alio quodam modo. Acilius, quia prudens esse in iure civili putabatur: Cato, quia multarum rerum usum haberet, multaque eius & in Senatu & in foro vel provisa prudenter, vel acta constanter, vel responsa acute ferebantur; propterea quasi cognomen iam habebat in senectute sapientis. Te autem alio quodam modo dicunt, non solum natura & moribus, verum etiam studio & doctrina esse sapientem: nec sicut vulgus, sed ut eruditi solent appellare sapientem, qualem in reliqua Græcia neminem. Nam qui septem appellantur, eos, qui ista subtilius quaerunt, in numero sapientum non habent. Athenis unum (5) accepimus, & eum quidem etiam Apollinis oraculo sapientissimum iudicatum. Hanc esse in te sapientiam existimant, ut omnia tua in te posita esse ducas, humanosque casus virtute inferiores esse putes. Itaque ex me quaerunt, credo & ex hoc item Scævola, quonam pacto mortem Africani feras: eoque magis, quod his proximis No-*  
nis

*di cognomen adeptus est. Vocatus est etiam Numantinus, ob everfam Numantiam Hispaniae urbem. Erat is nepos adoptivus Scipionis Africani primi, qui alterum Punicum confecerat bellum.*

(5) Solonem, qui leges Atheniensibus praescripserat.

nis (6) cum in hortos D. Bruti Auguris commen-  
tandi (7) causa (ut assolet) venissemus, tu non  
adfuisti: qui diligentissime semper illum diem &  
illud munus solitus esses obire. SCÆVOLA.  
Querunt quidem C. Læli multi, ut est a Fannio  
dictum: sed ego id respondeo, quod animadver-  
ti, te dolorem, quem acceperis cum summi viri,  
tum amantissimi morte, ferre moderate: nec po-  
tuisse non commoveri, nec fuisse id humanitatis  
(8) tuæ. Quod autem his Nonis in nostro col-  
legio non affuisses, valetudinem causam, non  
mœstitiā fuisse. LÆLIVS. Recte tu quidem  
Scævola, & vere. Nec enim ab isto officio (9),  
quod semper usurpavi, cum valerem, abduci in-  
commodo meo debui: nec ullo casu arbitror hoc  
constanti homini posse contingere, ut ulla inter-  
missio fiat officii. Tu autem, Fanni, qui mihi  
tantum tribui dicis, quantum ego nec agnosco,  
nec postulo, facis anice: sed (ut mihi videris)  
non recte iudicas de Catone: aut enim nemo,  
(quod quidem magis credo) aut si quisquam, ille  
sapiens fuit. Quomodo enim (ut alia omittam)  
mortem filii tulit? Memineram Paulum, vide-  
ram Gallum: sed hi ne comparentur Catoni ma-  
ximo & spectato viro. Quamobrem cave Catoni  
anteponas, ne istum quidem ipsum, quem Apol-  
lo (ut ais) sapientissimum iudicavit. Huius (10)  
enim facta, illius (11) dicta laudantur. De me  
autem

(6) *Kalendæ, Nonæ & Idus solennes erant Ro-  
manis.*

(7) *Colloquendi.*

(8) *Inhumanus enim esset, si obitū tanti viri non  
commoveretur.*

(9) *Veniendi in consessum proximis Nonis.*

(10) *Catonis.*

(11) *Solonis.*

antem (ut iam cum utroque loquar) sic habetote. Ego si Scipionis desiderio me moveri negem, quam id recte faciam, viderint sapientes: sed certe mentiar. Moveor enim tali amico orbatus, qualis (ut arbitror) nemo unquam erit: & ut confirmare possum, nemo certe fuit. Sed non egeō medicina: me ipse consolor, & maxime illo solatio, quod eo errore careo, quo amicorum decessu plerique angī solent. Nihil enim mali accidisse Scipioni puto: mihi accidit, si quid accidit. Suis autem incommodis graviter angī, non amicum, sed se ipsum amantis est. Cum illo (12) vero quis neget actum esse præclare? Nisi enim (quod ille minime putabat) immortalitatem (13) optare vellet, quid non est adeptus, quod homini fas esset optare? Qui summam spem civium, quam de eo iam puero habuerant, continuo adolescens incredibili virtute superavit: qui Consulatum petiit nunquam, factus est Consul bis, primum ante tempus (14), iterum sibi suo tempore, Reipublicæ pene sero: qui duabus urbibus (15) everlis, inimicissimis huic Imperio, non modo præsentia, verum etiam futura bella dele-

F. . . . . vit.

(12) Cum Scipione, qui supremum obiit diem.

(13) In hac vita.

(14) L. Villius Tribunus Plebis Legem tulerat Anno Urbis conditæ 573. ne Consulatum obtinere liceret, qui nondum 42. ætatis compleisset annum. At vero Scipio 38. annorum erat, cum Consul factus est. Alter vero eius Consulatus incidit in annum ætatis 51. quo absoluto, quinquennio post e vivis excessit: quomobrem quaeritur hic Lælius, sero eum alterum gessisse Consulatum.

(15) Carthagine & Numantia.



vit. Quid dicam de moribus facillimis, de pietate in matrem, liberalitate in sorores, bonitate in suos, iustitia in omnes? Hæc nota sunt vobis. Quam autem civitati carus fuerit, mœrore funeris indicatum est. Quid igitur hunc paucorum annorum accessio iuvare potuisset? Senectus enim quamvis non sit gravis (ut memini Catonem uno anno ante, quam mortuus est, mecum & cum Scipione differere) tamen aufert eam viriditatem, in qua etiam tunc erat Scipio. Quamobrem vita quidem talis fuit vel fortuna, vel gloria, ut nihil posset accedere. Moriendi autem sensum celeritas abstulit; quo de genere mortis difficile dictu est: quid homines suspicentur, videtis. Hoc tamen vere licet dicere, P. Scipioni ex multis diebus, quos in vita clarissimos, lætissimosque viderit, illum diem clarissimum fuisse, cum Senatu dimisso, domum redactus ad vesperam est a Patribus Conscriptis, a Populi Romani sociis, & Latinis, pridie quam excessit e vita: ut ex tam alto dignitatis gradu ad superos videatur deos potius, quam ad inferos pervenisse. Neque enim assentior iis, qui hæc nuper differere cœperunt, cum corporibus simul animas interire, atque omnia morte (16) deleri. Plus apud me antiquorum auctoritas valet, vel nostrorum maiorum, qui mortuis tam religiosa iura tribuerunt: quod non fecissent profecto, si nihil ad eos pertinere arbitrarentur: vel eorum, qui in hac terra fuerunt, magnamque Græciam (quæ nunc quidam deleta est, tum florebat) instituta-

(16) Carneadem Legatum Atheniensem intelligit, quem Cato quantocyus Roma remittendum curavit, ne eius sermonibus inventus Romana corrumpere-  
retur.

stitutis & præceptis suis erudierunt: vel eius, qui Apollinis oraculo sapientissimus est iudicatus: qui non tum hoc, tum illud, ut in plerisque; sed idem dicebat semper, *animos hominum esse divinos, iisque, cum e corpore excessissent, redditum in cælum patere, optimoque & iustissimo cuique expeditissimum.* Quod idem Scipioni videbatur: qui, idem quasi præfagiret, per paucis autem mortem diebus, cum & Philus & Manilius adessent, & alii plures, tuque etiam Scævola me convenisses, triduum differuit de Republica, cuius disputationis fuit extremum fere de immortalitate animorum: quæ se in quiete per visum (17) ex Africano audisse dicebat. Id si ita est, ut optimi cuiusque animus in morte facillime evolet, tanquam e custodia vinculisque corporis, cui censemur cursum ad deos faciliorem fuisse, quam Scipioni? Quocirca incerere hoc eius eventu, vereor, ne invidi magis, quam amici sit. Sin autem illa veriora, ut idem interitus sit animorum (18) & corporum, nec ullus sensus maneat: ut nihil boni est in morte, sic certe nihil est mali. Sensu enim amisso, sit idem quasi natus non esset omnino: quem tamen esse natum & nos gaudemus, & hæc civitas, dum erit, lætabitur. Quamobrem cum illo quidem (ut supra dixi) actum optime est, mecum autem incommodius: quem fuit æquius, ut prius introieram in vitam, sic prius exire de vita. Sed tamen recordatione nostræ amicitiae sic fruor, ut beate vixisse videar,

F. 2. quia

(17) *Hinc etenim Africano secundo in somnis apparuerat Africanus primus, ut enarratur a Cicerone in fragmento, quod somnium Scipionis inscribitur.*

(18) *Loquitur id ex impia Carneadis sententia.*

quia cum Scipione vixerim: quo cum mihi coniuncta cura de re publica & de privata fuit: quo cum & domus & militia communis: & id, in quo est omnis vis amicitiae, voluntatum, studiorum. sententiarum summa consensus. Itaque non tam ista me sapientiae (quam modo Fannius commemoravit) fama delectat, falsa praesertim, quam quod amicitiae nostrae memoriam spero sempiternam fore: idque mihi eo magis est cordi, quod ex omnibus saeculis vix tria aut quatuor (19) nominantur paria amicorum; quo in genere sperare videor Scipionis amicitiam & Laelii notam posteritati fore. FANNIVS. Istud quidem, Laeli, ita necesse est: sed quoniam amicitiae mentionem fecisti, & sumus otiosi, pergratum mihi feceris, spero item Scævole, si quemadmodum soles de cæteris rebus, cum ex te quaeruntur, sic de *Amicitia*, disputaris, *quid sentias, qualem existimes, quæ præcepta des.* SCÆVOLA. Mihi vero pergratum hoc erit: atque id ipsum cum tecum agere conarer, Fannius antevertit: quamobrem utrique nostrum gratum admodum feceris. LÆL. Ego vero non gravarer. si mihi ipse considerem. Nam & præclara visa res est, & sumus (ut dixit Fannius) otiosi. Sed quis ego sum? aut quæ in me est facultas? doctorum est ista consuetudo, eaque Græcorum, ut iis proponatur, de quo disputent, quamvis subito. Magnum opus est, egetque exercitatione non parva. Quamobrem quæ disputari de Amicitia possunt, ab eis censeo petatis, qui ista profitentur. Ego vos hortari tantum possum, ut amicitiam omnibus rebus humanis anteponatis. Nihil est enim tam naturæ aptum, tam conveniens ad res vel secundas, vel  
adver-

adversas. Sed hoc primum sentio, *nisi in bonis amicitiam esse non posse*. Neque id ad vivum refeco, ut illi, qui hæc subtilius disserunt, fortasse vere, sed ad communem utilitatem parum. Negant enim quenquam virum bonum esse, nisi sapientem. Sit ita sane; sed eam sapientiam interpretantur, quam adhuc mortalis nemo est consecutus. Nos autem ea, quæ sunt in usu, vitæque communi, non ea, quæ finguntur, aut optantur, sperare debemus. Nunquam ego dicam C. Fabricium, M. Curium, T. Cornelianum, quos sapientes nostri maiores iudicabant, ad illorum normam fuisse sapientes. Quare sibi habeant sapientiæ nomen & invidiosum & obscurum; concedantque, ut hi boni viri fuerint. Neque id quidem facient: negabunt id, nisi sapienti, posse concedi. Agamus igitur pingui Minerva, ut aiunt. Qui ita se gerunt, ita vivunt, ut eorum probeatur fides, integritas, æquitas, liberalitas: nec sit in eis ulla cupiditas, vel libido, vel audacia: sintque magna constantia, ut hi fuerint, quos modo nominavi: hos viros bonos, ut habiti sunt, sic etiam appellandos esse putemus: qui assequuntur, quantum homines possunt, naturam optimam benevivendi ducem. Sic enim perspicere mihi videor, ita natos esse nos, ut inter omnes esset societas quædam: maior autem (20), ut quinque proxime accederet. Itaque cives potiores sunt, quam peregrini: & propinqui, quam alieni: cum his enim amicitiam natura ipsa peperit: sed ea non satis habet firmitatis. Namque hoc præstat amicitia propinquitati, quod ex propinquitate benevolentia tolli potest, ex amicitia

F 3

autem

(20) *Vt maior esset societas inter illos, qui propiores sibi sunt.*



Autem non potest. Sublata enim benevolentia, amicitiae nomen tollitur, propinquitatis manet. Quanta autem vis amicitiae sit, ex hoc intelligi maxime potest, quod ex infinita societate generis humani, quam conciliavit ipsa natura, ita contracta res est, & adducta in angustum, ut omnis caritas aut inter duos, aut inter paucos iungeretur. Est autem Amicitia nihil aliud, nisi omnium divinarum, humanarumque rerum cum benevolentia & caritate summa consensio. Qua quidem haud scio, an excepta sapientia, quicquam melius homini sit a Diis immortalibus datum. Divitias alii praeponunt, bonam alii valetudinem, alii potentiam, alii honores, multi etiam voluptates. Belluarum hoc quidem extremum est: illa autem superiora sunt caduca, & incerta, posita non tam in nostris consiliis, quam in fortunae temeritate. Qui autem in virtute summum bonum ponunt, praeclare illi quidem: sed haec ipsa virtus amicitiam gignit & continet: nec sine virtute amicitia esse ullo pacto potest. Jam virtutem ex consuetudine vitae, sermonisque nostri interpretemur: nec metiamur eam (ut quidam docti) verborum magnificentia: virosque bonos eos, qui habentur, numeremus, Paulos, Cato- nes, Cajos, Scipiones, Philos. His communis vita contenta est. Eos autem omittamus, qui omnino nusquam reperiuntur. Tales igitur inter viros amicitia tantas opportunitates habet, quantas vix queo dicere. Principio cui potest esse vita vitalis (ut ait Ennius) qui non in amicitia mutua benevolentia conquiescat? Quid dulcius, quam habere, quocum omnia audeas sic loqui, ut tecum? Quis esset tantus fructus in prosperis rebus, nisi haberes, qui illis aequae, ac tu ipse, gauderet? Adversas vero res ferre difficile estet  
fine

sine eo, qui illas gravius etiam, quam tu, ferret. Denique cæteræ res, quæ expetuntur, opportune sunt singulæ rebus fere singulis; divitiæ, ut utare: opes, ut colare, honores, ut laudare: voluptates, ut grædeas: valetudo, ut dolore careas, & muneribus fungare corporis. Amicitia plurimas res continet: quoquo te vertaris, præsto est: nullo loco exceditur, nunquam intempestiva, nunquam molesta est. Itaque non aqua, non igni, non aëre (ut aiunt) pluribus locis utimur, quam amicitia. Neque ego nunc de *vulgari*, aut de *mediocri* (quæ tamen ipsa delectat & ptoest) sed de *vera* & *perfecta* loquor, qualis eorum, qui pauci nominantur, fuit. Nam & secundas res splendidiore facit amicitia, & adversas partiens, communicansque leviores. Cùmque plurimas, & maximas commoditates amicitia contineat, tum illa nimirum præstat omnibus, quod bona spe præhæset in posterum: nec debilitari animas, aut cadere pavitur: verum enim amicum qui intuetur, tanquam exemplar aliquod intuetur sui. Quocirca & absentes adsumt, & egentes abundant, & imbecilles valent, & (quod difficilius dictu est) mortui vivunt: tantus eos honos, memoria, desiderium prosequitur amicorum. Ex quo illorum beata mors videtur, horum vita laudabilis. Quod si eximeris ex natura rerum benevolentia conjunctionem, nec domus ulla, nec urbs stare poterit, nec agri quidem cultus permanebit. Id si minus intelligitur: quanta vis amicitia, concordiaque sit, ex *dissensionibus*, atque ex *discordiis* percipi potest. Quæ enim domus tam fragilis, quæ tam firma civitas est, quæ non odiis, atque dissidiis funditus possit everti? Ex quo, quantum boni sit in amicitia, iudicari potest. Agrigentium

doctum quendam virum (21) carminibus græcis vaticinatum ferunt, quæ in rerum natura, totoque mundo conflarent, quæque moverentur, ea contrahere amicitiam, dissipare discordiam. Atque hoc quidem omnes mortales & intelligunt, & re probant. Itaque si quando aliquod officium extitit amici in periculis aut adeundis, aut communicandis, quæ est, qui id non maximis esset laudibus? Qui clamores tota cavea nuper in hospitibus, & amici mei M. Pacuvii fuerunt nova fabula (22), cum ignorante rege, uter eorum esset Orestes, Pylades Orestem se esse diceret, ut pro illo necaretur: Orestes autem, ita ut erat, Orestem se esse perseveraret? Stantes autem plaudebant in re ficta: quid arbitramur in vera fuisse facturos? Facile indicabat ipsa natura vim suam, cum homines quod facere ipsi non possent, id recte fieri in altero iudicarent. Hactenus mihi videor de amicitia, quod sentirem, potissime dixisse: si qua præterea sunt (credo autem esse multa) ab iis, si videbitur, qui ista disputant, quæritote. FAN. Nos autem a te potius: quamquam etiam ab istis sæpe quæsi, & audiui non invitus equidem: sed aliud quoddam expetimus filum orationis tuæ. SCÆV. Tum magis id diceres, Fanni, si nuper in hortis Scipionis, cum est de Republica disputatum, assuisses: qualis tum patronus iustitiæ fuit contra accuratam orationem Philii! FAN. Facile id quidem fuit iustitiæ iustissimo viro defendere. SCÆV. Quid amicitiam? nonne facile ei erit, qui ob eam sum-

III

(21.) *Rapiedoclem.*

(22.) *In fabula comice repræsentata, cuius argumentum erat, Orestis & Pyladis altercatio, uter illorum moreretur.*

ma fide, constantia, iustitiaque servatam, maximam ceperit gloriam? LÆL. Vim hoc quidem est asserre. Quid enim refert, qua me ratione cogatis? Cogitis certe; studiis enim generorum, præsertim in re bona, cum difficile est, tum ne æquum quidem obistere. Sæpissime igitur mihi de amicitia cogitanti, maxime illud considerandum videri solet, *num propter imbecillitatem atque inopiam desideranda sit amicitia*: ut dandis, recipiendisque meritis, quod quisque minus per se posset, id acciperet ab alio, vicissimque redderet: an esset hoc quidem proprium amicitiae, sed antiquior & pulchrior, & magis a natura ipsa profecta alia causa esset. *Amor* enim (ex quo amicitia est nominata) princeps est ad benevolentiam coniungendam. Nam *utilitates* quidem etiam ab iis percipiuntur sæpe, qui simulatione amicitiae coluntur, & observantur causa temporis. In amicitia autem nihil fictum, nihil simulatum: & quicquid in ea est, idem verum & voluntarium est. Quapropter a natura mihi videtur potius, quam ab imbecillitate orta amicitia: & applicatione magis animi cum quodam sensu amandi, quam cogitatione, quantum illa res utilitatis esset habitura. Quod quidem quale sit, etiam in bestis quibusdam animadverti potest, quæ ex se natos ita amant ad quoddam tempus, & ab eis ita amantur, ut facile earum appareat sensus. Quod in homine multo est evidentius. Primum ex ea caritate, quæ est inter natos & parentes: quæ dirimi, nisi detestabili scelere, non potest. Deinde cum similis sensus extitit amoris, si aliquem nacti simus, *cuius cum moribus & natura congruamus*: quod in eo quasi lumen aliquod probitatis & virtutis perspicere videamur. *Nihil est enim amabilius virtute, ni-*



*hil quod magis alliciat homines ad diligendum: quippe cum propter virtutem, & probitatem eos etiam, quos nunquam vidimus, quodam modo diligamus. Quis est, qui C. Fabricii & M. Curii (23) cum caritate aliqua & benevolentia memoriam non usurpet, quos nunquam viderit? Quis autem est, qui Tarquinium Superbum, qui Sp. Cassium, Sp. Melium (24) non oderit? Cum duobus ducibus de imperio in Italia decertatum est, Pyrrho, & Annibale, ab altero propter probitatem eius non minus alienos animos habemus; alterum propter crudelitatem eius semper hæc civitas oderit. Quod si tanta vis probitatis est, ut eam vel in eis, quos nunquam vidimus, vel, quod maius est, in hoste etiam diligamus: quid mirum, si animi hominum moveantur, cum eorum, quibuscum usu coniuncti esse possint, virtutem & bonitatem perspicere videantur? Quamquam confirmatur amor & beneficio accepto, & studio perfecto, & consuetudine adiuncta: quibus rebus ad illum primum motum animi & amoris adhibitis, admirabilis quædam exardescit benevolentiae magnitudo: quam si qui putant ab imbecillitate proficisci, ut sit, per quam quisque assequatur, quod desideret: humilem fanerelinquant & minime generosum (ut ita dicam) ortum amicitiae, quam ex inopia atque indigentia nasci volunt.*

(23) *Fabricius Pyrrhi Regis, Curius vero Samnitum respuerant munera, cum uterque esset pauperrimus. Curius enim Consulem agens inventus est à Legatis, qui cum magno auripondere ad eum venerant, in vase ligneo rapas manducare.*

(24) *Cassius & Melius, prout & Tarquinius Superbus opprimere Rempublicam satagebant.*

sunt. Quod si ita esset; ut quisque minimum in se esse arbitraretur, ita ad amicitiam esset aptissimus; quod longe secus est. Ut enim quisque sibi plurimum confidit, & ut quisque maxime virtute & sapientia sic munitus est, ut nullo egeat, suaque omnia in se ipso posita iudicet: ita ut in amicitiiis expetendis colendisque maxime excellit. Quid enim? Africanus indigens mei? Minime hercle. Ac ne ego quidem illius: sed ego admiratione quadam virtutis eius, ille vicissim opinione fortasse nonnulla, quam de meis moribus habebat, me dilexit: auxit benevolentiam consuetudo. Sed quanquam utilitates multæ & magnæ consecutæ sunt: non sunt tamen ab earum spe causæ diligendi profectæ. Ut enim benefici, liberalesque sumus, non ut exigamus gratiam, (neque enim beneficium foeneramur: sed natura propensi ad liberalitatem sumus) sic amicitiam, non spe mercedis adducti, sed quod omnis eius fructus in ipso amore inest, expetendam putamus. *Ab iis, qui pecudum ritu ad voluptatem omnia referunt, longe dissentimus. Nec mirum: nihil enim altum, nihil magnificum, ac divinum suspicere possunt, qui suas omnes cogitationes abiecerunt in rem tam humilem, tamque contemptam.* Quamobrem hos quidem ab hoc sermone removeamus: ipsi autem intelligamus, a natura gigni sensum diligendi. & benevolentiae caritatem facta significatione probitatis: quam qui appetiverunt, applicant sese, & propius amovent, ut & usui eius, quem diligere ceperunt, fruantur & moribus: sintque pares in amore, & æquales, propensioresque ad bene merendum, quam ad repositum, atque hæc inter eos sit honesta certatio. Sic & utilitates ex amicitia maxime capiuntur, & erit eius ortus a natura, quam ab imbe-

imbecillitate, & gravior & verior. Nam si utilitas amicitias conglutina- ret, eadem commutata dissolveret. Sed quia natura mutari non potest, ideo- circo verè amicitie sempiternæ sunt. Ortum quidem amicitie videtis, nisi quid adhuc forte vultis. SCÆV. Tu vero perge Læli: pro hoc enim, qui minor est natu, meo iure respondeo. FANN. Recte tu quidem: quamobrem audiamus. LÆLIVS. Audite vero optimi viri ea, quæ sæpissime inter me & Scipionem de amicitia dis- crebantur. Quanquam ille quidem *nihil difficilius esse dicebat, quam amicitiam usque ad extremum vitæ diem permanere.* Nam vel ut non idem ex- pediret utrique incidere sæpe: vel ut de Republ. non idem sentirent: mutari etiam mores hominum sæpe dicebat, alias adversis rebus, alias ætate in- gravescente. Atque earum rerum exemplum ex similitudine capiebat ineuntis ætatis; quod sum- mi puerorum amores sæpe una cum prætexta po- nerentur. Sîn autem ad adolescentiam perduxis- sent, dirimi tamen interdum vel luxuriæ conten- tione, vel commodi alicuius, quod idem adipi- sci uterque non posset. Quod si qui longius in amicitia provecti essent, tamen sæpe labefactari, si in honoris contentionem incidissent. Pestem enim maiorem esse nullam in amicitia, quam in plerisque pecuniæ cupiditatem, in optimis qui- busque honoris certamen & gloriæ, ex quo ini- micitias maximas sæpe inter amicissimos extitisse. *etiam* Magna enim dissidia, & plerumque iusta nasci, cum aliquid ab amicis, quod rectum non esset, postularetur: ut aut libidinis ministri, aut adiu- tores essent ad iniuriam. Quod qui recusarent, quamvis honeste id facerent, ins tamen amicitie deferre arguerentur, ab iis, quibus obsequi nol- lent: illos autem, qui quidvis ab amico auderent postu-

postulare, postulatione ipsa profiteri omnia se amici causa esse facturos. Eorum querela inveterata non modo familiaritates extinguere solere, sed etiam odia gigni maxima atque sempiterna. Hæc ita multa quali fata impendere amicitiiis, ut omnia subterfugere non modo sapientiæ, sed etiam felicitatis diceret sibi videri. Quamobrem id primum videamus, si placet, quatenus amor in amicitia progredi debeat. Num, si Corolianus habuit amicos, ferre contra patriam arma illi debere? Num Viscellinum amici regnum appetentem, num Sp. Melium invare debuerunt? Tiberium quidem Gracchum Rempublicam vexantem a Q. Tuberone, æqualibusque amicis derelictum videbamus. At C. Blossius Cumanus, hospes familie vestre, Scævola, cum ad me, qui aderam Lenati & Rutilio Consulibus in consilio, deprecatum venisset, hanc, ut sibi ignoscerem, causam afferebat, quod tanti Tib. Gracchum fecisset, ut quicquid ille vellet, sibi faciendum putaret. Tum ego, etiamne, inquam, si te in Capitolium faces ferre vellet? Nunquam, inquit, voluisset id quidem: sed si voluisset, parvissem. Videtis quam nefaria vox: & hercle ita fecit, vel plus etiam, quam dixit. Non enim paruit ille Tiberii Gracchi temeritati, sed præsuit: nec se comitem illius furoris, sed ducem præbuit. Itaque hac amentia, quæstione nova perterritus, in Asiam profugit, ad hostes se contulit, poenas Reipublicæ graves iustasque persolvit. *Nulla est igitur excusatio peccati, si amici causa peccaveris.* Nam cum conciliatrix amicitiae virtutis opinio fuerit, difficile est amicitiam manere, si a virtute defeceris. Quod si rectum statuerimus, vel concedere amicis quicquid velint, vel impetrare ab amicis quicquid velimus, perfecta quidem



dem sapientia sumus, si nihil habeat res vitii. Sed loquimur de iis amicis, qui ante oculos sunt, quos videmus, aut de quibus memoriam accepimus, aut quos novit vita communis. Ex hoc numero nobis exempla sumenda sunt, & eorum quidem maxime, qui ad sapientiam proxime accedunt. Vidimus Papum Æmilium C. Luscinio familiarem fuisse (sic a patribus accepimus) bis una Consules, & collegas in Censura, tum etiam cum iis, & inter se coniunctissimos fuisse. M. Curium, & T. Coruncanum memoriter proditum est. Igitur ne suspicari quidem possumus, quoniam horum ab amico quippiam contendisse, quod contra fidem, contra iusiurandum, contra Rempublicam esset. Nam hæc quidem in talibus viris quid attinet dicere? si contendissent, scio impetraturos non fuisse, cum illi sanctissimi viri fuerint. Æque autem nefas sit, tale aliquid & facere rogatum, & rogare. At vero Tiber. Gracchum sequebantur C. Carbo, C. Cato, & minimus tunc quidem Caius frater, nunc idem acerrimus. Hæc igitur prima lex in amicitia fanciatur: ut *neque rogemus res turpes, nec faciamus rogati*. Turpis enim excusatio est, & minime accipienda, cum in cæteris peccatis. tum si quis contra Rempublicam se amici causa fecisse fateatur. Etenim eo loco, Fanni & Scævola, locati sumus, ut nos longe prospicere oporteat futuros casus Reipublicæ. Deflexit enim iam aliquantulum de spatio curriculoque consuetudo maiorum. Tib. Gracchus regnum occupare conatus est, vel regnavit is quidem paucos menses. Num quid simile Populus Romanus audierat, aut viderat? Hunc etiam post mortem secuti amici & propinqui, quid in P. Scipionem effecerint, sine lacrymis non queo dicere. Nam Carbonem quoque modo

modo potuimus, propter recentem poenam Tib. Gracchi sustinuimus. De C. Gracchi autem Tribunatu quid expectem, non libet augurari. Scripit deinde res. quæ proclivis ad perniciem, cum semel coepit, labitur. Videtis in tabella iam ante, quanta sit facta labe, primo Gabinia lege, biennio autem post Calpia (25). *Videre iam videtur Populum Rom. a Senatu disiunctum, multitudinisque arbitrio maximas res regi.* Plures enim discent, quemadmodum hæc fiant, quam quemadmodum his resistatur. Quorum hæc? quia si ne sociis nemo quicquam tale conatur. Præcipiendum est igitur bonis, *ut si in eiusmodi amicitias ignari casu aliquo inciderint, ne existiment ita se alligatos, ut ab amicis in magna re aliqua in Rempublicam peccantibus non discedant.* Improbis autem poena statuenda est: nec minor vero iis, qui sequuti erant alterum, quam iis, qui ipsi fuerint impietatis duces. Quis clarior in Græcia Themistocle? quis potentior? qui cum imperator bello Persico servitute Græciam liberasset, propterque invidiam in exilium missus esset, ingratae patriæ iniuriam non tulit, quam ferre debuit. Fecit idem, quod XX. annis apud nos fecerat Coriolanus. His adiutor contra patriam inventus est nemo. Itaque mortem sibi uterque conscivit. Quare talis improborum consensus non modo excusatione amicitiae tegenda non est, sed potius omni supplicio vindicanda: ut

- (25) *Gabinus et Cassius sancivêre, ut in creandis Magistratibus Populus non voce sed tabellis uteretur: unde incommodum emergerat, quod semel data suffragia amplius revocari nequiverint, cum prius suadentibus Patribus plebs vocalia suffragia lata sæpe revocaverit.*

ut ne quis concessura putet, amicum, bellum patriæ inferentem sequi. Quod quidem, ut res cepit ire, haud scio, an aliquando futurum sit. Mihi autem non minori curæ est, qualis Respublica post mortem meam futura sit, quam qualis hodie sit. Hæc igitur *prima lex amicitiae* sanciat, ut ab amicis honesta petamus, amicorum causa honesta faciamus: ne expedemus quidem, dum rogemur: sed *fluctium* semper adsit, *cunctatio* absit: *consilium* verum dare gaudeamus libere. *Plurimum in amicitia amicorum bene suadentium valeat auctoritas*: eaque adhibeatur ad monendum non modo aperte, sed etiam acriter, si res postulat: Et *adhibita* pareatur. Nam quibusdam, quos audio sapientes habitos in Græcia, placuisse opinor mirabilia quædam: sed nihil est, quod illi non persequantur, suis argutiis: partim *fugiendas esse nimias amicitias*, ne necesse sit unum sollicitum esse pro pluribus: satis superque esse sibi suarum cuique rerum curam, alienis nimis implicari molestum esse: commodissimum esse quam laxissimas habenas habere amicitiae, quas vel adducas, cum velis, vel remittas. Caput enim esse ad beate vivendum securitatem: qua frui non possit animus, si tanquam parturiat unus pro pluribus. Alios autem dicere aiunt etiam multo inhumanius (quem locum breviter perstrinxi paulo ante) *præsidii adiumentique causa, non benevolentiae, neque caritatis amicitias esse expetendas*. Itaque ut quisque minimum firmitatis habeat, minimumque virium, ita amicitias appetere maxime. Ex eo fieri, ut mulierculæ magis amicitarum præsidia quærant, quam viri: & inopes, quam opulenti: & calamitosi, quam ii, qui putantur beati. O præclaram sapientiam! Solem enim e mundo tollere videntur, qui amicitiam e

vita

vita tollunt: qua a diis immortalibus nihil melius habemus, nihil iucundius. Quæ est enim ista securitas? specie quidem blanda, sed re ipsa multis locis repudianda est. Neque enim est consentaneum, ullam honestam rem, actionemve, ne sollicitus sis, aut non suscipere, aut susceptam deponere. Quod si curam fugimus, virtus fugienda est, quæ necesse est, ut cum aliqua cura res sibi contrarias aspernetur, atque oderit: ut bonitas malitiam, temperantia libidinem, ignaviam fortitudo. Itaque videas rebus iniustis iustos maxime dolere, imbecillibus fortes, flagitiosis modestos. Ergo hoc proprium est animi bene constituti, & lætari bonis rebus, & dolere contrariis. Quamobrem si cadit in sapientem animi dolor, qui profecto cadit, nisi ex eius animo extirpatam humanitatem arbitremur: quæ causa est, ut amicitiam funditus tollamus e vita, ne aliquas propter eam suscipiamus molestias? Quid enim interest, motu animi sublato, non dico inter pecudem & hominem, sed inter hominem & saxum, aut truncum, aut quidvis generis eisdem? *Neque enim sunt isti audiendi, qui virtutem duram, & quasi ferream esse volunt: quæ quidem est tum multis in rebus, tum in amicitia tenera atque tractabilis: ut & bonis amici quasi diffundantur, & incommodis contrahantur.* Quamobrem angor iste, qui pro amico sæpe capiendus est, non tantum valet, ut tollat e vita amicitiam, non plus quam ut virtutes, quia nonnullas curas & molestias afferunt, repudientur. Cum autem contrahat virtus amicitiam (ut supra dixi) si qua significatio virtutis eluceat, ad quam se similis animus applicet & adiungat: *id, cum contingit, amor ibi exoriatur, necesse est.* Quid enim tam absurdum, quam delectari multis in-



nibus rebus, ut honore, ut gloria, ut ædificio, ut vestitu cultuque corporis: animo autem virtute prædito, eo, qui vel amare, vel (ut ita dicam) redamare possit, non a modum delectari? *Nihil est enim remuneratione benevolentiae, nihil vicissitu sine studiorum, officiorumque iucundius.* Quod si etiam illud addimus, quod recte addi potest, nihil esse, quod ad se rem ullam tam alliciat, & tam attrahat, quam ad amicitiam similitudo: concedatur profecto verum esse, ut bonos boni diligant, adfiscantque sibi quasi propinquitate coniunctos atque natura. Nihil est enim appetentius similitum sui, nihil rapacius, quam natura. Quamobrem hoc quidem, Fanni & Scævola, constat (ut opinor) bonis inter bonos quasi necessariam benevolentiam esse: qui est amicitiae fons & natura constitutus. *Sed eadem bonitas etiam ad multitudine pertinet.* Non est enim inhumana virtus, neque immanis, neque superba, quæ etiam populos universos tueri, eisque optime consulere soleat: quod non faceret profecto, si a caritate vulgi abhorreret. Atque etiam mihi quidem videntur, qui utilitatis causa fingunt amicitias, amabilissimum modum amicitie tollere. Non enim tam utilitas parta per amicum, quam amici amor ipse delectat. Tumque illud, quod ab amico est profectum, iucundum, si cum amore & studio est profectum. Tantumque abest, ut amicitie propter indigentiam colantur, ut ii, qui opibus, & copiis, maximeque virtute præditi (in qua plurimum est præsidii) minime alterius indigeant, liberalissimi sint, & beneficentissimi, atque haud scio, an ne opus sit quidem, nihil unquam omnino deesse amicis. Ubi enim studia nostra viguissent, si nunquam studio; nunquam consilio, nunquam opera

opera nostra nec domi, nec militiæ Scipio eguisset? Non igitur utilitatem amicitia, sed utilitas amicitiam consecuta est. ¶ Non ergo erunt homines divitiis affluentes audiendi, si quando de amicitia, quam nec usu, nec ratione habent cognitam, disputabunt. Nam quis est (proh deum fidem atque hominum) qui velit, ut neque diligat quemquam, nec ipse ab ullo diligatur, circumfluere omnibus copiis, atque in omnium rerum abundantia vivere? Hæc enim est tyrannorum vita, nimirum in qua nulla fides, nulla caritas, nulla stabilis benevolentia potest esse fiducia: omnia semper suspecta atque sollicita sunt: nullus locus est amicitia. Quis enim aut eum diligat, quem metuit, aut eum, a quo se metui putet? Coluntur tamen *simulatione amicitia* duntaxat ad tempus. Quod si forte (ut fit plerumque) ceciderint, tum intelligitur, quam fuerint inopes amicorum. Quod Tarquinius dixisse ferunt, tum cum exul esset, *se intellexisse, quos fidos amicos habuisset, quosque infidos, cum iam neutris gratiam referre posset.* Quamquam miror in illa superbia & importunitate, si quandoquam habere potuit. Atque ut huius, quem dixi, mores, amicos parare non potuere, *sic multorum opes præpotentium excludunt amicitias fideles.* Non enim solum ipsa fortuna cæca est, sed eos etiam plerumque efficit cæcos, quos complexa est. Itaque illi efferruntur fastidio fere & contumacia: neque quicquam insipiente fortunato intolerabilius fieri potest. Atque hoc quidem videre licet, eos, qui antea commodis fuerunt moribus, imperio, potestate, prosperis rebus immutari: spernique ab iis veteres amicitias, & indulgeri novis. Quid autem stultius, quam ut plurimum copiis, facultatibus, opibus possint, cætera parare, quæ

G 2

parant,

parant. pecuniarum, æquos, famulos, vestem e-  
gregiam, vasa pretiosa: amicos non parare, opti-  
mam & pulcherrimam vitæ (ut ita dicam) sup-  
pellectilem? Etenim cætera cum parant, cui  
parent, nesciunt, nec cuius causa laborent. Fi-  
lius etiam est, istorum quicquid est, qui vincit  
viribus; amicitiarum sua cuique per se stabili-  
lis & certa possessio: ut etiamli ~~res~~ <sup>res</sup> ~~meam~~,  
quæ sunt quasi dona fortunæ; tamen vita incul-  
ta, & deserta ab amicis non possit esse iucunda.  
Sed hæc hæcenus. Constituendi autem sunt,  
*qui sint in amicitia fines, & quasi termini deli-*  
*gendi*: de quibus tres video sententias ferri:  
quarum nullam probo. *Unam*, ut eodem modo  
erga amicum affecti simus, quo erga nosmetip-  
sos. *Alteram*, ut nostra in amicos benevolen-  
tia illorum erga nos benevolentia pariter, æqua-  
literque respondeat. *Tertiam*, ut quanti quis-  
que se ipsum facit, tanti fiat ab amicis. Harum  
trium sententiarum nulli prorsus assentior. Nec  
enim illa *prima* vera est, ut quemadmodum in  
se quisque, sic in amicum sit animatus. Quam  
multa enim, quæ nostra causa nunquam facere-  
mus, facimus causa amicorum? precari ab indi-  
gno, supplicare, tum acerbius in aliquem inve-  
hi, insectarique vehementius: quæ in nostris re-  
bus non satis honeste, in amicorum sunt hone-  
stissime. Multæ quoque res sunt, in quibus de  
suis commodis viri boni multa detrahunt, detra-  
hiqne patiuntur, ut iis amici potius, quam ipsi  
fruantur. *Alteram* sententia est, quæ definit ami-  
citiam paribus officiis ac voluntatibus. Hoc qui-  
dem est nimis exigue & exiliter ad calculos vo-  
care amicitiam, ut par sit ratio acceptorum &  
datorum. Ditior mihi & affluentior videtur ve-  
ra amicitia: nec observare stricte, ne plus red-  
dat;

dat, quam acceperit. Neque enim verendum est, ne quid excidat: aut ne quid in terram defluat, aut ne plus æquo quid in amicitia congeratur. *Tertius* vero ille finis deterimus, ut quanti quisque se ipse faciat, tanti fiat ab amicis. Sæpe in quibusdam aut animus abiectior est, aut spes amplificandæ fortunæ fractior. Non est igitur amici, talem esse in eum, qualis ille in se est: sed potius debet eniti & efficere, ut amici iacentem animum excitet, inducatque in spem cogitationemque meliorem. Alius igitur finis veræ amicitia constitutus est, si prius, quod maxime reprehendere Scipio solitus sit, edixero. Negabat ullam vocem inimiciorem amicitia potuisse reperiri, quam eius, qui dixisset: *Ita amare oportere, ut aliquando esset osurus.* Nec vero se adduci posse, ut hoc (quemadmodum putaretur) a *Biante* dictum esse crederet, qui sapiens habitus esset unus e septem (26): sed impuri cuiusdam & ambitiosi, aut omnia ad suam potentiam revocantis, esse sententiam. Quonam enim modo quisquam amicus eius esse poterit, cuius se putabit inimicum esse posse? Quin etiam necesse erit cupere & optare, ut quam sæpissime peccet amicus, quo plures det sibi tanquam ansas ad reprehendendum. Rursum autem recte factis commodisque amicorum necesse erit angere, dolere, invidere. Quare hoc quidem præceptum cuiuscunque est, ad tollendam amicitiam valet. Illud potius præcipiendum fuit, ut eam diligenter

*Tertius*

G 3

(26) *Hæc sunt nomina septem Græciæ sapientum, quos antiquitas plurimum est venerata: Thales Milesius, Solon Atheniensis, Chilo Lacedæmonius, Pittacus Mitylenes, Bias Priæneus, Cleobulus Lindius, Periander Corinthius.*



tiam adhibeamus in amicitiiis comparandis, ut ne quando amare inciperemus eum, quem aliquando odisse possemus. Quin etiam si minus felices in deligendo fuissetus, ferendum id Scipio potius, quam inimicitiarum tempus cogitandum, putabat. His igitur finibus utendum arbitror: ut quum emendati mores amicorum sint, tum sit inter eos omnium rerum, consiliorum & voluntatum sine ulla exceptione communitas: ut etiam si qua fortuna acciderit, ut minus iustæ amicorum voluntates adinvandæ sint, in quibus eorum aut de capite a ratur, aut de fama, declinandum sit de via, modo ne summa turpitudine sequatur. Est enim, quatenus amicitia dari venia possit. Nec vero negligenda est fama, Nec mediocre telum ad res gerendas existimare oportet benevolentiam civium: quam blanditiis & assentationibus colligere turpe est. Virtus, quam sequitur caritas, minime repudianda est. Sed sæpe (redeo enim ad Scipionem, cuius omnis sermo erat de amicitia) querebatur, quod in omnibus rebus homines diligentiores essent, capras & oves quot quisque haberet dicere posse: amicos quot haberet non posse dicere: & in illis quidem parandis curam adhibere, in amicis eligendis negligentes esse: nec habere quasi signa quædam, & notas, quibus eos, qui ad amicitiam essent idonei, iudicarent. Sunt igitur firmi & stabiles & constantes eligendi: cuius generis magna penuria est: & iudicare difficile est sane, nisi expertum. Experiendum autem est in ipsa amicitia, Ita præcurrit amicitia iudicium, tollitque experiendi potestatem. Est igitur prudentis, sustinere, ut cursum, sic impetum benevolentia: quo utamur, quasi equis temperatis, sic amicitiiis, aliqua parte periclitatis moribus amicorum. Quidam

dam sæpe in parva pecunia perspiciuntur. quam sint leves: quidam autem, quos parva movere non potuit, cognoscuntur in magna. Sin vero erunt aliqui reperti, qui pecuniam præferre amicitiae, fordidum existiment: ubi eos inveniemus, qui honores, magistratus, imperia, potestates, opes amicitiae non anteponant? ut cum ex altera parte proposita hæc sint, ex altera ius amicitiae, non multo illa malint? Imbecilla enim natura est ad contemnendam potentiam: quam etiam si neglecta amicitia consecuti sunt, excusatum iri se arbitrantur, quia non sine magna causa sit neglecta amicitia. Itaque veræ amicitiae difficillime reperiuntur in iis, qui in honoribus, Reque publica versantur. Ubi enim istum invenias, qui honorem amici anteponat suo? (hæc ut omittam) quam graves, quam difficiles plerisque videntur calamitatum societates? ad quas non est facile inventu, qui descendat. Quamquam Ennius recte

*Amicus certus in re incerta cernitur.*

tamen hæc duo levitatis, & infirmitatis plerisque convincunt: aut si in bonis rebus contemnant, aut si in malis deserunt. Qui igitur utraque in re gravem, constantem, stabilem se in amicitia præstiterit, hunc ex maxime raro hominum genere iudicare debemus, & pene divino. Firmamentum autem stabilitatis constantiaeque eius, quam in amicitia querimus, *fides* est. Nihil enim stabile est, quod infidum est. Simplicem præterea, & communem, & consentientem, & qui rebus iisdem moveatur, eligi par est: quæ omnia pertinent ad fidelitatem. Neque enim fidum potest esse multiplex ingenium, & tortuosum: neque vero qui non iisdem rebus movetur, & natura consentit. fidus aut stabilis po-

test esse. Addendum eodem est, ut ne criminibus aut inferendis delectetur amicus, aut credat oblati: quæ omnia pertinent ad eam, quam iam dudum tracto, constantiam. Ita fit verum illud, quod initio dixi, *Amicitiam, nisi inter bonos, esse non posse.* Est enim boni viri (quem eundem sapientem licet dicere) hæc duo tenere in amicitia: primum, *ne quid fictum sit, neve simulatum.* Aperte enim vel odisse, magis ingenium est; quam fronte occultare sententiam. Deinde, *non solum ab aliquo oblatas criminatio- nes depellere, sed ne ipsum quidem esse suspicio- sum, semper aliquid existimantem ab amico esse violatum.* Accedat huc suavitas quædam, oportet, sermonum atque morum, haudquaquam mediocre condimentum amicitiae. Tristitia autem & in omni re severitas absit. Habet illa quidem gravitatem: sed amicitia remissior esse debet, & liberior & dulcior, & ad omnem comitatem facilitatemque proclivior. Existit autem hoc loco quædam quaestio subdificilis: *Num-quando amici novi non indigni amicitia veteribus sint antepo- nendi:* ut equis vetulis teneros antepondere sole- mus? Indigna homine dubitatio. Non enim amicitiarum esse debent, sicut aliarum rerum, sati- etates. Veterrimæ quæque (ut ea vina, quæ vetustatem ferunt) esse debent suavissimæ: ve- rumque illud est, quod vulgo dicitur: *Multos modios salis simul edendos esse, ut amicitiae mu- nus expletum sit.* Novitates autem, si spem af- ferunt, ut tanquam in herbis non fallacibus fru- ctus appareat, non sunt illæ quidem repudian- dæ: vetustas tamen suo loco conservanda est. Ma- alma est enim vis vetustatis & consuetudinis. Atqui in ipso equo (cuius modo mentionem fe- ci) si nulla res impediat, nemo est, qui non eo, quo

quo consuevit, libentius utatur, quam intractato & novo. Nec modo in hoc, quod est animal, sed in iis etiam, quæ sunt inanimata, consuetudo valet: cum locis etiam ipsis montuosis delectemur & sylvestribus, in quibus diutius commorati sumus. Sed maximum est in amicitia, *superiorem parem esse inferiori*. Sæpe enim excellentiæ quædam sunt, qualis erat Scipionis in nostro (ut ita dicam) grege. Nunquam se ille Philo, nunquam Rupilio, nunquam Mummio anteposuit, nunquam inferioris ordinis amicis. Q. vero Maximum fratrem egregium virum, omnino sibi nequaquam parem, quod is anteibat ætate, tanquam superiorem colebat: suosque omnes per se esse posse ampliores volebat. Quod faciendum imitandumque est omnibus: ut si quam præstantiam virtutis, ingenii, fortunæ consecuti sunt, impertiant eam suis, communicentque proximis: ut si parentibus nati sunt humilibus, si propinquos habeant imbecilliores vel animo, vel fortuna, eorum augeant opes, eisque honori sint & dignitati: ut in fabulis, qui aliquandiu propter ignorantiam stirpis, & generis in famulatu fuerint, cum cogniti sunt, & aut Deorum, aut Regum filii inventi, retinent tamen caritatem in pastores, quos patres suos multos annos esse duxerunt. Quod quidem est multo profecto magis in veris patribus, certisque faciendum. *Fructus enim ingenii, & virtutis, omnisque præstantiæ tum maxime capitur, cum in proximum quemque confertur*. Ut igitur ii, qui sunt in amicitia coniunctionisque necessitudine superiores, exæquare se cum inferioribus debent: sic inferiores dolere non debent, se a suis amicis aut ingenio, aut fortuna, aut dignitate superari. Quorum plerique, aut quærentur semper aliquid,



aut etiam exprobrant, eoque magis, si aliquid habere se putant, quod officiose, aut amice, & cum labore aliquo suo factum queant dicere. *Odiſum ſane genus hominum officia exprobrantium: quæ meminſſe debet is, in quem collata ſunt, non commemorare, qui contulit.* Quamobrem ut ii, qui ſuperiores ſunt, ſubmittere ſe debent in amicitia: ſic quodammodo inferiores extollere. Sunt enim quidam, qui moleſtas amicitias faciunt, cum ipſi ſe contemni putant, quod non ſere contingit, niſi iis, qui etiam contemnendos ſe arbitrantur: qui hac opinione non modo verbis, ſed etiam opere levandi ſunt. *Tantum autem cuique tribuentum eſt primum, quantum ipſe efficere poſſis: deinde etiam, quantum ille, quem diligas, atque adiuves, poſſit ſuſtinere.* Non enim tu poſſis (quantumvis licet excellas) omnes tuos ad honores ampliſſimos perducere: ut Scipio P. Rutilium potuit Conſulem efficere, fratrem eius Lucium non potuit. Quod ſi etiam poſſis quidvis deferre ad alterum: videndum eſt tamen, quid ille poſſit ſuſtinere. Omnino amicitiaē corroboratis iam confirmatiſque & ingeniis & ætatibus iudicandæ ſunt. Nec ſi qui ineunte ætate venandi, aut pilæ ſtudioſi fuerint, eos habere neceſſarios oportet, quos tum eodem ſtudio præditos dilexerint. Iſto enim modo nutrices & pædagogi iure vetuſtatis plurimum benevolentiaē poſtulabunt: qui negligendi quidem non ſunt, ſed alio quodam modo colendi. Aliter enim amicitiaē ſtabiles per nanere non poſſunt. Diſpares enim mores diſparia ſtudia ſequuntur: quorum diſſimilitudo diſſociat amicitias: nec ob aliam cauſam ullam non improbiſ, improbi bonis amici eſſe non poſſunt, niſi quod tanta eſt inter eos, quanta maxima poteſt eſſe, morum ſtudioꝝque diſtantia. *nece*

etiam præcipi potest in amicitiiis, *ne quis intemperata quadam benevolentia* ( quod sæpe fit ) *impediat magnas utilitates amicorum.* Nec enim ( ut ad fabulas redeam ) Troiam Neoptolemus capere potuisset, si Lycomedem, apud quem erat educatus, multis cum lacrymis iter suum impedientem audire voluisset. Et sæpe incidunt magnæ res, ut discedendum sit ab amicis: quas qui impedire vult, quod desiderium non facile ferat, is & infirmus est, mollisque natura, & ob eam ipsam causam in amicitia parum iustus. Atque in omni re considerandum est. *Et quid postules ab amicis, Et quid patiare a te impetrari.* Est etiam quasi quædam calamitas in amicitiiis dimittendis nonnunquam necessaria. Iam enim a sapientum familiaritatibus ad vulgares amicitias oratio nostra delabitur. Erumpunt sæpe vitia amicorum tum in ipsos amicos, tum in alienos, quorum tamen ad amicos redundet infamia. Tales igitur amicitia sunt remissione usus elevandæ: & ( ut Catonem dicere audivi ) *diffuendæ magis, quam discindendæ.* Nisi quædam admodum intolerabilis iniuria exarserit, ut neque honestum sit, neque fieri possit, ut non statim alienatio disjunctioque facienda sit. Sin autem morum, aut studiorum commutatio quædam ( ut fieri solet ) facta erit, aut in Reipublicæ partibus dissensio intercesserit, ( loquor enim, ut paulo ante dixi, non de sapientum, sed de communibus amicitiiis ) cavendum erit, *ne non solum amicitia deposita, sed inimicitia etiam suscepta videantur.* Nihil enim turpius, quam cum eo bellum gerere, quicum familiariter vixeris. Ab amicitia Q. Pompeji meo nomine se removebat ( ut scitis ) Scipio; propter dissensionem autem, quæ erat in Republica, alienatus est a collega

lega nostro Metello: utrumque egit graviter, au-  
 ctoritate, & offensione animi non acerba. Quam-  
 obrem primum danda opera est, *ne qua amicorum*  
*disidia fiant: sin tale aliquid evenerit, ut extin-*  
*ctæ potius amicitia, quam oppressæ videantur.*  
 Cavendum vero est, *ne etiam in graves inimici-*  
*tias convertant se amicitia:* e quibus iurgia, ma-  
 ledicta, contumeliæ gignuntur. Quæ tamen si  
 tolerabiles erunt, ferendæ sunt: & hic honos  
 veteri amicitia tribuendus est, ut is in culpa sit,  
 qui faciat, non qui patiatur iniuriam. Omnino  
 omnium horum vitiorum atque incommodorum  
 una cautio est, atque una provisio, *ut ne nimis*  
*cito diligere incipiamus, neve indignos.* Digni  
 autem sunt amicitia, quibus in ipsis inest causa,  
 cur diligantur. Rarum genus, (& quidem omnia  
 præclara rara) nec quicquam difficilius, quam re-  
 perire, quod sit omni ex parte in suo genere per-  
 fectum, Sed plerique neque in rebus humanis  
 quicquam bonum norunt; nisi quod fructuosum  
 sit: & amicos, tanquam pecudes, eos potissi-  
 mum diligunt, ex quibus sperant se maximum  
 fructum esse capturos. Itaque pulcherrima illa,  
 & maxime naturaliter carent amicitia; per se & pro-  
 pter se expetenda: nec sibi ipsi exemplo sunt,  
 hæc vis amicitia qualis, & quanta sit. Ipse e-  
 nim se quisque diligit, non ut aliquam a se ipso  
 mercedem exigat caritatis suæ, sed quod per se  
 sibi quisque carus est: quod nisi idem in amicitia  
 transferatur, verus amicus nunquam repe-  
 rietur. Est enim is quidem *tanquam alter idem,*  
 Quodsi hæc apparent in bestiis, volucribus, agre-  
 stibus, natantibus, cicuribus. feris, primum se  
 ut ipsæ diligant (id enim pariter cum omni ani-  
 mante nascitur) deinde, ut requirant atque ap-  
 petant, ad quas se applicent, eiusdem generis  
 ani-

animantes : idque faciunt cum desiderio, & cum quadam similitudine amoris humani: quanto id magis in homine sit natura? qui & se ipse diligit, & alterum acquirit, cuius animum ita cum suo commisceat, ut efficiat pene unum ex duobus? Sed plerique perverse, ne dicam impudenter, amicum habere talem volunt, quales ipsi esse non possunt: quæque ipsi non tribuunt amicis, hæc ab iis desiderant. Par est autem, primum ipsum esse virum bonum, tum alterum similem sui quærere. In talibus ea, quam iam dudum tractamus, stabilitas amicitiae confirmari potest, cum homines benevolentia coniuncti, primum cupiditatibus iis, quibus cæteri serviunt, imperabunt: deinde æquitate, iustitiæque gaudebunt: omniaque alter pro altero suscipiet: neque quicquam unquam, nisi honestum & rectum, alter ab altero postulabit: neque solum colent inter se ac diligenter, sed etiam verebuntur. Nam maximum ornamentum amicitiae tollit, qui ex ea tollit verecundiam. *Itaque in iis perniciosus est error, qui existimant libidinum, peccatorumque omnium patere in amicitia licentiam.* Virtutum enim amicitia adiutrix a natura data est, non vitiorum comes: ut quoniam solitaria non posset ad ea, quæ summa sunt, pervenire, coniuncta, & consociata cum altera perveniret: quæ si quos inter societas aut est, aut fuit, aut futura est, eorum est habendus ad summum naturæ bonum optimus beatissimusque comitatus. Hæc est, inquam; societas, in qua omnia insunt, quæ putant homines expetenda: honestas, gloria, tranquillitas animi, atque iucunditas, ut cum hæc adsint, beata vita sit, & sine his esse non possit. Quod cum optimum, maximumque sit, si id volumus adipisci, virtuti opera danda est, sine qua  
neque



neque amicitiam, neque ullam rem expetendam consequi possumus. Ea vero neglecta, qui se amicos habere arbitrantur, tum se denique errasse sentiunt, cum eos gravis aliquis casus experi-ri cogit. Quocirca (dicendum est enim sæpius) cum iudicaveris, diligere oportet, non cum dilexeris iudicare. Sed cum multis in rebus negligentia plectimur, tum maxime in amicis & diligendis & colendis. Præposteris enim utimur consiliis, & alia agimus, quæ vetamur veteri proverbio. Nam implicati ultro & citro, vel usu diuturno, vel etiam officiis, repente in medio cursu amicitias, exorta aliqua offensione, dirumpimus. Quo etiam magis vituperanda est rei maxime necessariæ tanta incuria. *Una est enim amicitia in rebus humanis, de cuius utilitate omnes uno ore consentiunt: quanquam a multis ipsa virtus contemnitur, & venditatio quædam atque ostentatio esse dicitur. Multi divitias despiciunt, quos parvo contentos tenuis victus cultusque delectat: honores vero, quorum cupiditate quidam inflammantur, quam multi ita contemnunt, ut nihil levius existiment!* Item cætera, quæ quibusdam admirabilia videntur, permulti sunt, qui pro nihilo putent. De amicitia omnes ad unum idem sentiunt, & ii, qui ad Rempublicam se contulerunt, & ii, qui rerum cognitione doctrinaque delectantur, & ii, qui suum negotium gerunt otiose: postremo ii, qui se totos tradiderunt voluptatibus. sine amicitia vitam esse nullam sentiunt, si modo velint aliqua ex parte liberaliter vivere. Serpit enim, nescio quomodo, per omnium vitam amicitia: nec ullam ætatis degendæ rationem patitur esse expertem sui. Quin etiam si quis asperitate ea est, & immanitate naturæ, ut congressus & societatem hominum fugiat

giat atque oderit, qualem fuisse Athenis Timonem nescio quem acceperans: tamen is pati non possit, ut non acquirat aliquem, apud quem evomat virus acerbitalis suæ. Atque hoc maxime iudicaretur, si quid tale posset contingere, ut aliquis nos deus ex hac hominum frequentia tolleretur. & in solitudinem uspiam collocaret, atque ibi suppeditans omnium rerum, quas natura desiderat, abundantiam, & copiam, hominis omnino aspiciendi potestatem eriperet: qui eam vitam ferre posset? cuique non auferret fructum voluptatum omnium solitudo? Verum igitur illud est, quod a *Terentino Archita* (ut opinor) dici solitum nostros senes commemorare audiui, ab aliis senibus auditum. *Si quis calum ascenderit, naturamque mundi & pulchritudinem siderum perspexisset: inpravem illam admirationem ei fore: quæ incundissima fuisset, si aliquem, cui narraret, habuisset.* Sic natura solitarium nihil amat, semperque ad aliquid tanquam adminiculum annititur: quod in amicissimo quoque difficilissimum est. Sed cum tot signis eadem natura declaret, quid velit ac quærat, quid desideret: obfuscescimus tamen, nescio quomodo: nec ea, quæ ab ea monemur, audimus. Est enim varius & multiplex usus amicitiae, multæque causæ suspicionum offensionumque dantur: quæ tum evitare, tum elevare, tum ferre, sapientis est. Una illa sublevanda offensio est, *ut & veritas in amicitia, & fides retineatur.* Nam *& monendi amici sæpe sunt, & obiurgandi: & hæc accipienda amice cum benevole fiunt.* Sed nescio, quomodo verum est, quod in *Andria* familiaris meus *Terentius* dixit,

*Obsequium amicos, veritas odium parit.*

Mole-

Molesta veritas est: siquidem ex ea nascitur odium, quod est venenum amicitiae: sed obsequium multo molestius, quod peccatis indulgens, praecipitem amicum ferri sinit. Maxima autem culpa in eo est, qui & veritatem aspernatur, & in fraudem obsequio impellitur. Omnis igitur haec in re habenda ratio & diligentia est: primum *ut mentio acerbitate*: deinde, *ut obiurgatio contumelia careat*. In obsequio autem (quoniam Terentiano verbo libenter utimur) *comitas adsit, assentatio viliorum adiutrix procul amoveatur*: quæ non modo amico, sed ne libero quidem digna est. Aliter enim cum tyranno, aliter cum amico vivitur. Cuius autem aures clausæ veritati sunt, ut ab amico verum audire nequeat, huius salus desperanda est. Scitum est enim illud Catonis ut multa; *melius de quibusdam acerbos inimicos mereri, quam eos amicos, qui dulces videantur: illos verum saepe dicere, hos nunquam*. Atque illud absurdum est, quod ii scilicet, qui monentur, eam molestiam, quam debent capere, non capiunt: eam capiunt, qua debent vacare. Peccasse enim se non anguntur: obiurgari, moleste ferunt: quod contra oportebat, delicto dolere, obiurgatione gaudere. Ut igitur & mone-  
re, & moneri proprium est veræ amicitiae, & alterum libere facere, non aspere, alterum patienter accipere, non repugnanter: sic habendum est, *nullam in amicitia pestem esse maiorem, quam adulationem, blanditias, assentationem*. Quamvis enim multis nominibus est hoc vitium notandum, levium hominum atque fallacium, ad voluptatem loquentium omnia, nihil ad veritatem. Cum autem omnium rerum *simulatio* est vitiosa, (tollit enim iudicium veri, idque adulterat) tum amicitiae repugnat maxime. Delet enim veritatem.

tem, sine qua nomen amicitiae valere non potest. Nam cum amicitiae vis sit in eo, ut unus quasi animus fiat ex pluribus: qui fieri id poterit, si ne in uno quidem unus animus erit, idemque semper: sed varius, commutabilis, multiplex? Quid enim potest esse tam flexibile, tam devium, quam animus eius, qui ad alterius non modo sensum ac voluntatem, sed etiam vultum atque nutum convertitur?

*Negat quis? negot ait? aio. Postremo imperavi egomet mihi*

*Omnia assentari.*

ut ait idem *Terentius*: sed ille sub *Gnathonis* personâ: quod amici genus adhibere omnino levitatis est. Multi autem *Gnathonum* similes, cum sint loco, fortuna, fama superiores: horum est assentatio molesta, cum ad vanitatem accessit auctoritas. Secerni autem blandus amicus a vero & internosci tam potest, adhibita diligentia, quam damnia fucata & simulata a sinceris atque veris. Concio, quæ ex imperitissimis constat, tamen iudicare solet, quid intersit inter popularem, id est, assentatorem & levem civem, & inter constantem, severum & gravem. Quibus blanditiis *C. Papius* (27) nuper influebat in aures concionis, cum ferret legem de *Tribunis Plebis rescindendis*. Dissuasimus nos. Sed nihil de me: de *Scipione* dicam libentius. Quanta illi (dii immortales) fuit gravitas! quanta in oratione maiestas! ut facile ducem *Populi Rom.* diceres. Sed assultis, & est in manibus oratio. Itaque lex popularis suffragiis *populi* repudiata est. Atque (ut ad me

*H. . . . . re-*

(27) *C. Papirius* legem tulit, ut eundem *Tribunum Plebis* creare liceret, quoties *populus* vellet.



redeam) meministis Q. Maximo fratre Scipionis & L. Mancino Consulibus, quam popularis *lex de sacerdotiis* C. Licinii Crassi videbatur. Co-optatio enim collegiorum ad populi beneficium (28) transferrebat. Atq; is primum instituit, in forum (29) versus, agere cum populo. Tamen illius vendibilem orationem religio deorum immortalium, nobis defendentibus, facile vincebat. Atque id actum est Prætoris me, quinquennio ante, quam Consul sum factus. Itaque re magis, quam auctoritate, causa illa defensa est. Quod si in scena, id est, in concione, in qua rebus fictis & adumbratis (30) loci plurimum est, tamen verum valet, si modo id patefactum & illustratum est: quid in amicitia fieri oportet, quæ tota veritate perpenditur? in qua nisi (ut dicitur) apertum pectus videas, tuumq; ostendas, nihil fidum, nihil exploratum habeas: ne amare quidem, aut amari possis, cum id, quam vere fiat, ignores. Quanquam ista assentatio, quamvis perniciosa sit, nocere tamen nemini potest, nisi ei, qui eam recipit, atque ea delectatur. Ita sit, ut is assentatoribus patefaciat aures suas maxime, qui ipse sibi assentetur, & se maxime ipse delectet. Omnino est amans sui virtus. Optime enim se ipsa novit, quamque amabilis sit, intelligit. Ego autem non de virtute nunc loquor, sed de virtutis opinione. Virtute enim

(28) Nam antequam hæc lex lata fuisset, ad solos Senatores pertinebat cooptare in Collegia seu creare Sacerdotes.

(29) Aversus a Curia seu a Senatoribus, in forum versus, scilicet ad plebem declinans.

(30) In concione qui perorabant, facile fallebant rudem populum; unde conciones scenam appellat, in qua a mimis facta representantur.

enim ipsa non tam multi præditi esse, quam videri volunt. Hos delectat assentatio: his fictus ad eorum voluntatem sermo cum adhibetur, orationem illam vanam testimonium esse laudum suarum putant. *Nulla est igitur hæc amicitia, cum alter verum audire non vult, alter ad mentiendum paratus est.* Nec parasitorum in Comædiis assentatio nobis faceta videretur, nisi essent milites gloriosi (31)

*Magnas vero agere gratias Thais mihi?*

Satis erat respondere, Magnas: *Ingentes*, inquit. Semper auget assentatio id, quod is, cuius ad voluntatem dicitur, vult esse magnum. Quamobrem quamvis blanda ista vanitas apud eos valeat, qui ipsi illam allebant & invitant: tamen etiam graviores constantioresque admonendi sunt, ut animadvertant, ne callida assentatione capiantur. *Aperte enim adulantem nemo non videt, nisi qui admodum est excors. Callidus ille & occultus ne se insinuet, studiose cavendum est.* Nec enim facile agnoscitur, quippe qui etiam adversando sæpe assentetur, & ligare se simulans, blandiatur: atque ad extremum det manus, vincique se patiat, ut is, qui illusit sit, plus vicisse videatur. Quid autem turpius, quam illud? Quod ne accidat, magis cavendum est: ut in Epiclero: (32)

*Hodie me ante omnes comicos stultos senes  
Perjaris atque luseris lautissime.*

hæc enim etiam in fabulis stultissima persona est improvidorum & credulorum senum. Sed nescio quo pacto ab amicis perfectorum hominum, id est, sapientum (de hac dico sapientia, quæ videtur in ho-

H 2 mi-

(31) *Accii Plauti Comædia est, quæ inscribitur: Miles gloriosus, in qua irridentur ii, qui insolenter laudes sibi arrogat.*

(32) *Cuiusdam Comædiæ est inscriptio.*

minem cadere posse) ad leveis amicitias deflexit oratio. Quamobrem ad illa prima redeamus, eaq; ipsa concludamus aliquando. *Virtus*, inquam, C. Fannii, & tu Q. Muti, *Et conciliat amicitias Et conservat*. In ea est enim convenientia rerum, in ea stabilitas, in ea constantia. Quæ cum se extulit, & ostendit lumen suum, & idem aspexit agnovitque in alio: ad id se admovet, vicissimque accipit illud, quod in altero est: ex quo eorum exardescit sive amor, sive amicitia, utrumque enim dictum est ab amando. *Amare* autem nihil aliud est, nisi *eum ipsum diligere, quem ames, nulla indigentia, nulla utilitate quaesita*. Quæ tamen ipsa efflorescit ex amicitia; etiamsi tu eam minus sequutus sis. Hac nos adolescentes benevolentia senes illos L. Paulum, M. Catonem, C. Gallum, P. Nasicam, Tib. Gracchum Scipionis nostri socerum dileximus. Hæc etiam magis elucet inter æquales, ut inter me, & Scipionem, L. Furium, P. Rutilium, Sp. Mummius. Vicissim autem senes in adolescentium caritate acquiescimus, ut in vestra, ut in Q. Tuberonis, equidem etiam admodum adolescentis P. Rutilii Virginii familiaritate delector. Quoniamque ita ratio computata est vitæ naturæque nostræ, ut alia ætas oriatur ex alia: maxime quidem optandum est, ut cum æqualibus possis, quibuscum tanquam e carceribus emissus sis, cum iisdem ad calcem (ut dicitur) pervenire. Sed quoniam res humanæ fragiles caducæque sunt, semper aliqui acquirendi sunt, quos diligamus, & a quibus diligamur. Caritate enim benevolentiaque sublata, omnis est e vita sublata incunditas. Mihi quidem Scipio, quanquam est subito ereptus, vivit tamen, semperque vivet. Virtutem enim semper amavi illius viri, quæ extincta non est: nec mihi soli

versa

versatur ante oculos, qui illam semper in manibus habui: sed etiam posteris erit clara & insignis. Nemo unquam animo aut spe maiora suscipiet, qui sibi non illius memoriam, atque imaginem ponendam putet. Equidem ex omnibus rebus, quas mihi aut fortuna, aut natura tribuit, nihil habeo, quod cum amicitia Scipionis possum comparare. In hac mihi de Republica fuit consensus, in hac rerum privatarum consilium, in eadem requies plena oblectationis fuit: nunquam illum ne minima quidem re offendi, quod quidem senserim (33): nihil audiui ex eo ipse, quod nollem. Una domus erat, idem victus, isque communis: neque solum militia, sed etiam peregrinationes rusticationesque communes. Nam quid ego de studiis dicam cognoscendi semper aliquid, atque discendi? in quibus remoti ab oculis populi, omne otium, tempusque contrivimus. Quarum rerum recordatio & memoria, si una cum illo occidisset, desiderium coniunctissimi viri, atque amantissimi ferre nullo modo possem. Sed nec illa extincta sunt: alanturque potius, & augentur cogitatione & memoria. Et si plane illis orbatus essem, magnum tamen afferret mihi ætas ipsa solatium. Dintias enim iam in hoc desiderio esse non possum. Omnia autem brevia tolerabilia esse debent, etiam si magna sint. Hæc habui de Amicitia, que dicerem. Vos autem hortor, ut ita virtutem locetis, (sine qua amicitia esse non potest) ut ea excepta, nihil amicitia præstabilius esse putetis.

H 3

M.T.

33) Cuius mihi conscius sum.



# M. T. CICERONIS

## EPISTOLÆ FAMILIARES.

### I. CICERO DOLABELLÆ (1)

Consuli S.

**E**tti contentus eram, mi Dolabella, tua gloria, satisque ex ea magnam lætitiā voluptatēque capiebam, tamen non possum non confiteri, cumulari me maximo gaudio, quod vulgo hominum opinio socium me adscribat tuis laudibus. Neminem conveni (convenio autem quotidie plurimos; sunt enim permulti optimi viri, qui valetudinis causā in hæc loca veniant, præterea ex municipiis frequentes necessarii mei) quin omnes, cum te summis laudibus ad cœlum extulerunt, mihi continuo maximas gratias agant. Negant enim se dubitare, quin tu meis præceptis & consiliis obtemperans, præstantissimum te civem & singularem Consulem præbeas. Quibus ego, quanquam verissime possum respondere, te, quæ facias, tuo iudicio & tua sponte facere, nec cuiusquam egere consilio: tamen neque plane assentior, ne imminuam tuam laudem, si omnis a meis consiliis profecta videatur; neque valde nego. Sum enim avidior etiam, quam satis est, gloriæ. Et tamen non alienum dignitate tua, quod ipsi Agamemnoni, Regum Regi (2), fuit honestum, habere aliquem in consiliis capiundis

Ne-

(1) Dolabella gener fuit Ciceronis.

(2) Agamemnon durante Trojanæ urbis decennali obsidione omnium Regum Græciæ præerat exercitibus.

Nestorem (3): mihi vero gloriosum, te iuvenem Consulem florere laudibus, quasi alumnū disciplinæ meæ. L. quidem Cæsar, cum ad eum ægrotum Neapolim venissem, quanquam erat oppressus totius corporis doloribus, tamen antequam me plane salutavit, o! mi Cicero, inquit, gratulor tibi, cum tantum vales apud Dolabellam, quantum si ego apud sororis valerem filium (4), iam salvi esse possemus. Dolabellæ vero tuo & gratulor, & gratias ago: quem quidem post te Consulem, solum possumus vere Consulem dicere. Deinde multa de facto, ac de re gesta: tum nihil magnificentius, nihil præclarior actum unquam, nihil Reipublicæ salutaris. Atque hæc una vox omnium est. A te autem peto; ut me hanc quasi falsam hæreditatem alienæ gloriæ finas cernere, meque aliqua ex parte in societatem tuarum laudum venire patiari. Quanquam, mi Dolabella, (hæc enim iocatus sum) libentius omnes meas, si modo sunt aliquæ meæ laudes, ad te transfuderim, quam aliquam partem exhauserim ex tuis. Nam cum te semper tantum dilexerim, quantum tu intelligere potuisti; tum his tuis factis sic incensus sum, ut nihil unquam in amore fuerit ardentius. Nihil enim (mihi crede) virtute formosius, nihil pulchrius, nihil amabilius. Semper amavi (ut scis) M. Brutum, propter eius summum ingenium, suavissimos mores, singularem probitatem atque constantiam. Tamen Idibus Martiis (5) tantum

H 4

acces-

(3) Nestor reliquos omnes ætate superaverat, unde consiliis maxime idoneus censebatur.

(4) M. Antonium Dolabellæ in Consulatu Collegam.

(5) Julii Cæsaris nece dies celebris.

accessit ad amorem, ut mirarer locum fuisse augendi in eo, quod mihi iam pridem cumulatam videbatur. Quis erat, qui putaret ad eum amorem, quem erga te habebam, posse aliquid accedere? Tantum accessit, ut mihi nunc denique amare videar, antea dilexisse (6). Quare quid est, quod ego te horter, ut dignitati & gloriae fervias? Proponam tibi claros viros, quod facere solent, qui hortantur? Neminem habeo clariorem, quam te ipsum. Te imitere oportet, tecum ipse certes; ne licet quidem tibi iam tantis rebus gestis non tui similem esse. Quod cum ita sit, hortatio non est necessaria: gratulatione magis utendum est. Contigit enim tibi, quod haud scio an nemini, ut summa severitas animadversionis non modo non invidiosa, sed etiam popularis esset, & cum bonis omnibus, tum infimo cuique gratissima. Hoc si tibi fortuna quadam contigisset, gratularer felicitati tuae: sed contigit magnitudine cum animi, tum etiam ingenii, atque consilii. Legi enim concionem tuam. Nihil illa sapientius. Ita pedetentim, & gradatim tum accessus a te ad causam facti, tum recessus, ut res ipsa maturitatem tibi animadvertendi omnium concessu daret. Liberaisti igitur & urbem periculo, & civitatem metu; neque solum ad tempus maximam utilitatem attulisti, sed etiam ad exemplum facti. Intelligere debes, in te positam esse Rempublicam, tibi que non modo tuendos, sed etiam ornandos esse illos viros (7),  
a qui-

(6) Notetur differentia inter diligere & amare. Eandem alio in loco adhibuit inter postulare & flagitare.

(7) id. Brutum, C. Cassium, aliosque Julii Caesaris sicarios, intelligit,

quibus initium libertatis profectum est. Sed his de rebus coram plura propedem: ut spero. Tu quum Rempublicam nosque conservas, fac, ut diligentissime te ipsum, mi Dolabella, custodias. Vale.

## II. CICERO PLANCO.

Et aui proficiscens in Græciam (1): & posteaquam de meo cursu Reipublicæ sum voce revocatus, nunquam per M. Antonium quietus fui: cuius tanta est, non insolentia (nam id quidem vulgare vitium est) sed immanitas, non modo ut vocem, sed ne vultum quidem liberum possit ferre cuiusquam. Itaque mihi maxime curæ est, non de mea quidem vita, cui satisfeci vel ætate (2), vel factis, vel (si quid etiam hoc ad rem pertinet) gloria; sed me patria sollicitat, inprimisque, mi Plance, expectatio Consulatus tui; quæ ita longa est, ut optandum sit, ut possimus ad id tempus, Reipublicæ spiritum ducere. Quæ potest enim spes esse in ea Republica, in qua hominis impotentissimi, atque intemperantissimi (3) armis oppressa sunt omnia? Et in qua nec Senatus, nec Populus vim habet ullam? Nec leges ullæ sunt, nec iudicia, nec omnino simulacrum aliquod ac vestigium civitatis? Sed quum acta omnia mitti ad te arbitrabar, nihil erat, quod singulis de rebus scriberem. Illud autem erat amoris mei, quem a te a pueritia susceptum, non servavi solum, sed etiam auxi, monere te, atque hortari, ut in Rempublicam omni cogitatione curaque incumberes. Quæ si ad tuum tempus per-

H 5. duci-

(1) Post mortem Julii Caesaris.

(2) Erat enim tum 62. annorum.

(3) M. Antonii, qui defuncto J. Casare tyrannidem exercere parabat.



ducitur, facilis gubernatio est. Ut perducatur autem, magnæ cum diligentia est, tum etiam fortunæ. Sed & te aliquanto ante (ut spero) habebimus, &, præterquam quod Reipublicæ consulere debemus, tamen tuæ dignitati ita favemus, ut omne nostrum consilium, studium, officium, operam, laborem, diligentiam, ad amplitudinem tuam conferamus. Ita facillime & Reipublicæ, quæ mihi carissima est, & amicitia nostræ, quam sanctissime nobis colendam puto, me intelligo satisfacturum. Furnium nostrum tanti a te fieri, quantum ipsius & humanitas & dignitas postulat, nec miror, & gaudeo: teque hoc existimare volo, quidquid in eum iudicii officique contuleris, id ita me accipere, ut in me ipsum te putem contulisse.

### III. CICERO PLANCO.

Cum ipsum Furnium per se vidilibentissime, tum hoc libentius, quod, illum audiens, te videbar audire. Nam & in re militari virtutem, & in administranda Provincia iustitiam, & in omni genere prudentiam mihi tuam exposuit; & præterea mihi non ignotam in consuetudine, & familiaritate suavitatem tuam adiunxit: præterea summam erga se liberalitatem. Quæ omnia mihi iucunda, hoc extremum etiam gratum fuit. Ego, Plance, necessitudinem constitutam habui cum domo vestra ante aliquanto quam tu natus es: amorem autem erga te ab ineunte pueritia tua: confirmata iam ætate familiaritatem cum studio meo, tum iudicio tuo constitutam. His de causis mirabiliter faveo dignitati tuæ, quam mihi tecum statuo esse communem. Omnia summa consecutus es, virtute duce, comite fortuna: eaque es adeptus adolescens, multis invidentibus, quos ingenio industriaque fregisti. Nunc  
me

me amantissimum tui, nemini concedentem, qui tibi vetustate necessitudinis potior possit esse, si audies, omnem tibi reliquæ vitæ dignitatem ex optimo Reipublicæ statu acquires. Scis profecto (nihil enim te fugere potuit) fuisse quoddam tempus, cum homines existimarent te nimis fervire temporibus (1): quod ego quoque existimarem, si ea, quæ patiebare, probare etiam arbitrarer. Sed cum intelligerem, quid sentires, te arbitrabar videre, quid posses. Nunc alia ratio est. Omnium rerum tuum iudicium est, idque liberum. Confid es designatus, optima ætate, summa eloquentia, maxima orbitate Reipublicæ virorum talium. Incumbe, per Deos immortales, in eam curam & cogitationem, quæ tibi summam dignitatem & gloriam afferat. Unus autem est, hoc præsertim tempore, per tot annos (2), Reipublica devexata, Reipublicæ bene gerendæ cursus ad gloriam. Hæc amore magis impulsus scribenda ad te putavi, quam quo arbitrarer te monitis & præceptis egere. Sciebam enim ex iisdem te haurire fontibus, ex quibus ipse hauseram. Quare modum faciam. Nunc tantum significandum putavi, ut potius amorem tibi ostenderem meum, quam ostentarem prudentiam. Interea, quæ ad dignitatem tuam pertinere arbitror, studiose diligenterque curabo. Vale.

## IV. CICERO PLANCO S.

**B**inas a te accepi epistolas eodem exemplo (1): quod ipsum argumento mihi fuit diligentæ tuæ.

(1) *Cæsarianis enim favebat partibus.*

(2) *Per septennium.*

(1) *Pro maiori certitudine duce mittebantur tabellæ diversis viis, ut si unam perire contigisset, altera redderetur, cui inscripta fuerat.*

turæ. Intellexi enim te laborare, ut ad me mihi expectatissimæ Literæ perferrentur. Ex quibus cepi fructum duplicem, mihiq[ue] in comparatione difficilem ad iudicandum; amorem-ne orge metuum, an animum in Rempubicam pluris æstimandum putarem. Est omnino patriæ caritas, meo quidem iudicio, maxima: sed amor, voluntatisq[ue] coniunctio plus certe habet suavitatis. Itaque commemoratio tua paternæ necessitudinis, benevolentiaq[ue] eius, quam erga me a pueritia contulisses, cæterarumq[ue] rerum, quæ ad eam sententiam pertinebant, incredibilem mihi lætitiā attulerunt. Rursus declaratio animi tui, quem haberes de Republica, quēq[ue] habiturus esses, mihi erat iucundissima. Eoque maior erat hæc lætitiā, quod ad illa superiora accedebat. Itaque te non hortor solum, mi Plance, sed plane etiam oro, quod feci his literis, quibus tu humanissime respondisti, ut tota mente, omnique animi impetu in Rempubicam incumbas. Nihil est, quod tibi maiori fructui gloriæq[ue] esse possit: nec quidquam ex omnibus rebus humanis est præclarius, aut præstantius, quam de Republica bene mereri. Adhuc enim patitur tua summa humanitas & sapientia, me, quod sentiam, libere dicere. Fortuna suffragante videris, res maximas consecutus: quod, quāquam sine virtute non potuisses, tamen ex maxima parte ea, quæ es adeptus, fortunæ temporibusq[ue] tribuuntur. His temporibus difficillimis Reipublicæ quidquid subveneris, id erit totum & proprium tuum. Incredibile est omnium civium, latronibus exceptis, odium in Antonium. Magna spes in te, & in tuo exercitu magna expectatio. Cuius, per Deos, gratiæ, gloriæq[ue] cave tempus amittas. Sic moneo, ut filium, sic faveo, ut mihi.

hi, sic hortor, ut & pro patria, & amicissimum.  
Vale.

## V. PLANCUS CICERONI.

Plura tibi de meis consiliis scriberem, rationem-  
que omnium redderem verbosius, quo ma-  
gis iudicares, omnia me Reipublicæ præstitisse,  
quæ & tua exhortatione excepi, & mea affir-  
matione tibi recepi, (non minus enim a te pro-  
bati, quam diligere semper volui, nec te magis in  
culpa defensorem mihi paravi, quam prædicato-  
rem meritorum meorum esse volui) sed brevio-  
rem me duæ res faciunt, una, quod publicis lit-  
teris omnia sum persecutus. altera, quod M. Va-  
rrius, Equitem Romanum, familiarem me-  
um, ipsum ad te transire iussi, ex quo omnia co-  
gnoscere posses. Non, mediis sidiis, mediocri  
dolore afficiebar, cum alii occupare possessionem  
laudis viderentur: sed usque mihi temperavi,  
dum perducerem eo rem, ut dignum aliquid &  
Consulatu meo, & vestra expectatione efficerem.  
Quod spero, si me fortuna non sefellerit, me  
consecuturum, ut maximo præsidio Reipublicæ  
nos fuisset, & nunc sentiant homines, & in po-  
sterum memoria teneant. A te peto, ut digni-  
tati meæ suffrageris, &, quarum rerum spe ad  
laudem me vocasti, harum fructu in reliquum fac-  
cias alacriorem. Non minus posse te, quam vel-  
le exploratum mihi est. Fac valeas, meque mu-  
tuo diligas. Vale.

## VI. CICERO PLANCO.

Quamquam gratiarum actionem a te non defi-  
derabam, cum te re ipsa, atque animo sci-  
rem esse gratissimum: tamen (fatendum est enim)  
fuit



fuit ea mihi periucunda. Sic enim vidi, quasi ea, quæ oculis cernuntur, me a te amari. Dices, quid antea? Semper equidem, sed nunquam illustrius. Literæ tuæ mirabiliter gratæ Senatui, cum rebus ipsis, quæ erant gravissimæ & maximæ, fortissimi animi, summique consilii: tum etiam gravitate sententiarum atque verborum. Sed, mi Plancè, incumbe, ut belli extrema perficias. In hoc erit summa & gratia, & gloria. Cupio omnia Reipublicæ causâ: sed, me hercules, in ea conservanda iam defatigatus, non multo plus patriæ faveo, quam tuæ gloriæ: cuius maximam facultatem tibi Dii immortales, ut spero, dedere; quam complectere, obsecro, Qui enim Antonium oppresserit, is hoc bellum teterrimum periculosissimumque confecerit. Vale.

## VII. CICERO LEPIDO S.

Quod mihi pro summa erga te benevolentia magnæ curæ est, ut quam amplissima dignitate sis, moleste tuli, te Senatui gratias non egisse, cum esses ab eo ordine ornatus summis honoribus (1). Pacis inter cives conciliandæ cupidum esse, lator. Eam si a servitute seiungis, consules & Reipublicæ, & dignitati tuæ. Sin ista pax perditum hominem (2) in possessionem impotentissimi dominatus restitutura est, hoc animo scito omnes sanos, ut mortem servituti anteponant. Itaque sapientius, meo quidem iudicio, facies, si te in istam pacificationem non interpones, quæ neque Senatui, nec Populo, neque

(1) *Triumphum, nec non statum equestrem Senatui ei decreverat.*

(2) *M. Antonium.*

que cuiquam bono probatur. Sed hæc audies ex aliis, aut certior fies literis. Tu pro tua prudentia, quid optimum factu sit, videbis. Vale.

VIII. M. CICERO M. TERENTIO  
VARRONI S. D.

Ex his literis, quas Atticus a te missas mihi legit, quid ageres, & ubi esses, cognovi: quando autem te visuri essemus, nihil sane ex istisdem literis potui suspicari. In spem tamen venio appropinquare tuum adventum; qui mihi utinam solatio sit! etsi tot tantisque rebus urgemur (1), ut nullam alterationem quisquam non stultissimus sperare debeat: sed tamen aut tu potes me, aut ego te fortasse aliqua re iuvare. Scito enim me, posteaquam in urbem venerim, rediisse cum veteribus amicis, id est, cum libris nostris in gratiam. Etsi non ideo eorum usum dimiseram, quod iis succenserem, sed quod eorum me suppudebat. Videbar enim mihi, cum me in res turbulentissimas infidelissimis sociis demissem, præceptis illorum non satis paruisse. Ignoscunt mihi, revocant in consuetudinem pristinam, teque, quod in eo permaneris, sapientiores, quam me dicunt, fuisse. Quamobrem, quum placatis his utor, videor sperare debere, si te viderim, & ea, quæ premant, & ea, quæ impendeant, me facile transiturem. Quamobrem si in Tusculano, si in Cumano ad te placebit, si (quod minime velim) Romæ; dummodo simul simus, perficiam profecto, ut id utriusque

(1) Bello scilicet Civili inter Julium Cæsarem & Cn. Pompejum, cuius partibus favebat Cicero.

que nostrum commodissimum esse diiudicetur.  
Vale.

### IX. CICERO DOLABELLÆ.

**V**el meo ipsius interitu mallet, literas meas desiderares, quam eo casu (1), quo sum gravissime afflictus, quem ferrem certe moderatius, si te haberem. Nam & oratio tua prudens, & amor erga me singularis multum levaret. Sed quum brevi tempore, ut opinio nostra est, te sum visurus, ita me affectum offendes, ut multum a te possim juvari: non quo ita sim fractus, ut aut hominem me esse oblitus sim, aut fortunæ succumbendum putem; sed tamen hilaritas illa nostra, & suavitas, quæ te præter cæteros delectabat, erepta mihi omnis est. Firmitatem tamen & constantiam, si modo fuit aliqua in nobis, eandem cognosces, quam reliquisti. Quod scribis prælia te mea causa sustinere, non tam id laboro, ut si qui mihi obtrecent, a te refutentur, quam intelligi cupio, quod certe intelligitur, me a te amari. Quod ut facias, te etiam atque etiam rogo, ignoscasque brevitati litterarum mearum. Nam & celeriter una futuros nos arbitror, & nondum satis confirmatus sum ad scribendum. Vale.

### X. CICERO PAPIRIO PÆTO.

**H**eri veni in Cumanum, cras ad te fortasse. Sed cum certum sciam, faciam te paullo ante certiore. Etsi M. Ceparius, cum mihi in Sylva Gallinaria (1) obviam venisset, quæsissemque, quid ageres, dixit te in lecto esse, quod

(1) Morte Tullie filie.

(1) In Provincia Campania Regni Neapolitani

ex pedibus laborares. Tuli scilicet moleste, ut debui: sed tamen constitui ad te venire, ut viderem te, & viserem, & cœnarem etiam. Non enim arbitror, cocum etiam te arthriticum (2) habere. Expecta igitur hospitem cum minime edacem, tum inimicum cœnis sumptuosus.



## EX

VALERIO MAXIMO (1)

EXEMPLA MEMORABILIA.

DE MAGISTRATIBVS.

I. **M**agistratus prisci quantopere suam, Populi que Romani maiestatem retinentes se gesserint, hinc cognosci potest, quod inter cœtera obtinendæ gravitatis indicia, illud quoque magna cum perseverantia custodiebant, ne Græcis unquam, nisi Latine. responsa darent, Quin etiam ipsa linguæ volubilitate, qua plurimum valent, excussa, per interpretem loqui cogebant; non in urbe tantum nostra, sed etiam in Græcia, & Asia: Quo scilicet Latinæ vocis honos per omnes gentes venerabilior diffunderetur.

II. (2) Adeo autem magna charitate patriæ  
I omnes

(2) *Arthritis morbus est, quo laborantes ossium dolore excruciantur.*

(1) *Valerius Maximus imperante Augusto natus est; scripsit vero historiam temporibus Tiberii, eique hoc opus dicavit.*

(2) *Anno Urbis conditæ 603.*



omnes tenebantur, ut arcana consilia P. Conscriptorum multis seculis nemo Senator enunciaverit: Q. Fabius Maximus tantummodo, & is ipse per imprudentiam, de tertio Punico bello indicendo, quod secreto in Curia erat actum, P. Crasso, rus petens, domum revertenti in itinere narravit, memor eum triennio ante Quæstorem factum; ignarusque nondum a Censoribus in Ordinem Senatorium allectum: quo uno modo his, qui iam honores gesserant, aditus in Curiam dabatur. Sed quamvis honestus error Fabii esset, vehementer tamen a Consulibus obiurgatus est. Nunquam enim taciturnitatem, optimum ac tutissimum administrandarum rerum vinculum, labefactari volebant. Ergo cum Asiæ Rex Eumenes, amantissimus nostræ Urbis, bellum a Perse (3) adversus Populum Romanum comparari Senatui nuntiasset; non ante sciri potuit, quid aut ille locutus esset, aut Patres respondissent, quam caput Persen cognitum est. Fidum erat, & altum Reipublicæ pectus Curia, silentiique salubritate munitum, & vallatum undique: cuius limen intrantes, abiecta privata charitate publicam induebant. Itaque non dicam unum, sed neminem audisse crederes, quod tam multorum auribus fuerat commissum.

III. (4) Maxima autem diligentia maiores hunc morem retinuerunt, ne quis se inter Consulem & proximum lictorem, quamvis officii causa una progredieretur, interponeret: filio duntaxat. & ei puero, ante patrem Consulem ambulandi ius erat. Qui mos adeo pertinaciter retentus

(3) Perse*s idem qui Perseus, ultimus Macedonum Rex.*

(4) *An. Urb. Cond. 540.*

tus est, ut Q. Fabius Maximus, quinquies Consul, vir etiam pridem summx auctoritatis, & tunc ultimæ senectutis, a filio Consule invitatus, ut inter se & lictorem procederet, ne hostium Samnitum turba (ad quorum colloquium descendebant) elideretur, id facere noquerit.

## DE FRUGALITATE, ET INNOCENTIA.

### I.

(1) Statuam auratam nec in urbe, nec in ulla parte Italiæ quisquam prius aspexit, quam a M. Acilio Glabrione equestri patri poneretur in æde pietatis: Nam autem ædem P. Cornelio Lentulo, (2) & M. Bræbio Tamphilo Consulibus ipse dedicavit, quia pater compos voti factus, Rege Antiocho apud Thermopylas superato.

II. (3) Veneficii quæstio & moribus, & legibus Romanis ignota, complurimum matronarum patefacto scelere orta est: Quæ cum viros suos clandestinis insidiis veneno perimerent, unius ancillæ indicio protractæ, pars capitali iudicio damnatæ, centum septuaginta numerum expleverunt.

III. Fuit etiam illa simplicitas antiquorum in cibo capiendi, humanitatis simul & continentię certissima index. Nam maximis viris prandere, & cænare in propatulo, verecundiæ non erat: nec sane ullas epulas habebant, quas populi oculis subicere erubescerent: Erant adeo continentię attenti, ut frequentior apud eos pultis usus quam

1 2

pa-

(1) *An. Urb.* 688.

(2) *A. U.* 562.

(3) *A. U.* 622.

panis esset. Ideoque in sacrificiis mola, quæ vocabatur, ex farre & sale constat: exta farre sparguntur: & pullis, quibus auspicia (4) petuntur, puls obicitur: Primitus enim ex libamentis victus sui deos eo efficacius, quo simplicius placabant.

IV. Idem sensit proxima maiorum nostrorum gravitati Spartana civitas: quæ severissimis Lycurgi legibus obtemperans, aliquandiu civium suorum oculos a contemplanda Asia retraxit; ne illecebris eius capti, ad delicatius vitæ genus prolaberentur. Audierant enim lautitiam inde, & immodicos sumptus, & omnia non necessariæ voluptatis genera fluxisse: primosque Ionas unguenti, coronarumque in convivio dandarum, & secundæ mensæ ponendæ consuetudinem, haud parva luxuriæ irritamenta reperisse: Ac minime mirum est, quod homines, labore ac patientia gaudentes, tenacissimos patriæ nervos, externarum deliciarum contagione solvi & hebetari noluerunt: cum aliquanto faciliorem virtutis ad luxuriam, quam luxuriæ ad virtutem transitum viderent. Quod eos non frustra timuisse, dux ipsorum Pausanias patefecit, qui maximis operibus editis, ut primum se Asiæ moribus permisit, fortitu-

(4) *Si obiectam pulvem pulli avide rapiebant, erat auspicium bonum, malum sin secus. Accidit, ut cum bello Punico primo similia caperentur auspicia, pulli, longa inedia macerati, & siccato gutture cibum capere non possent, idque pro malo omine a pullario haberetur, P. Claudius, tum Consul, in mare proiici iussisset, cum dicto: quia esse nolunt, bibant. Verum cum ad pugnam ventum esset, consternati falsa religione militum animi, cedere inimico cum magno dedecore & damno coacti sunt. A. U. 504.*

titudinem suam, effeminato cius cultu, mollire non erubuit.

## DE DISCIPLINA MILITARI.

I. **V**enio nunc ad præcipuum decus, & stabilitum Romani Imperii, salutare perseverantia ad hoc tempus sincerum, & incolume servatum, militaris disciplinæ tenacissimum vinculum; in cuius sinu ac tutela serenus tranquillique beatæ pacis status acquiescit.

II. (1) P. Cornelius Scipio, cui deleta Carthago avitum cognomen dedit, Consul in Hispaniam missus, ut insolentissimos Numantinæ urbis spiritus, superiorum culpa nutritos, contunderet, eodem temporis momento, quo castra intravit, edixit: ut omnia ex his, quæ voluptatis causa comparata essent, auferrentur, & summo-  
verentur.

III. (2) Eam sectam Metellus secutus, cum exercitum in Africa, Iugurthino bello nimia Sp. Albi indulgentia corruptum, Consul accepisset: omnibus imperii nervis ad revocandam pristinæ disciplinam militiæ connisus est. Nec singulas partes apprehendit, sed totam continuo in statum suum redegit. Protinus namque lixas e castris summovit, cibumque coctum venalem proponi vetuit: In agmine neminem militum ministerio fervorum iumentorumque, ut arma sua, & alimenta ipsi ferrent, uti passus est. Castrorum subinde locum mutavit: eadem, tanquam Iugurtha semper adesset, vallis fossæque aptissime cinxit. Quid ergo restituta continentia, quid repetita industria profecit? Crebras scilicet victorias, &  
I 3 multa

(1) *An. ab Urbe condita 619.*

(2) *A. U. 644.*



multa trophæa peperit ex eo hoste, cuius tergum, sub ambitioso Imperatore, Romano militi videre non contigerat.

IV. (3) Eiusdem ordinis est, quod sequitur. Papirius Dictator, cum adversus imperium eius Q. Fabius Rullianus Magister Equitum exercitum in aciem eduxisset. quanquam fuis Samnitibus in castra redierat, tamen neque virtute eius, neque successu, neque nobilitate motus, virgas expediri, eumque nudari iussit. Q. spectaculum admirabile, & Rullianus, & Magister Equitum, & victor, scissa veste, spoliatoque corpore, licitorum verberibus lacerandus: ut in acie exceptorum vulnerum nodosis ictibus cruore renovato, victoriarum, quos modo speciosissimos erat adeptus titulos, respergeret. Precibus deinde suis exercitus occasionem Fabio confugiendi in urbem dedit; ubi frustra Senatus auxilium imploravit. Nihilo minus enim Papirius in exigenda poena perseveravit: itaque coactus est pater eius, post Dictaturam, tertiumque Consulatum, rem ad populum devocare, auxiliumque Tribunorum plebis supplex pro filio petere. Neque hac re severitas Papirii refrenari potuit: ceterum, cum ab universis civibus, & ipsis Tribunis plebis rogaretur, testatus est, non poenam illam se Fabio, sed Populo Romano, & Tribunitiæ concedere potestati.

V. Leniter hoc Patres Conscripti, si Carthaginensium Senatus in militiæ negotiis procurandis violentiam intueri velimus; a quo duces bella pravo consilio gerentes, etiamsi prospera fortuna subsecuta esset, cruci tamen suffigebantur; quod bene gesserant, deorum immortalium adiuto-

itorio: quod male commiserant, ipsorum culpa imputantes.

VI. Clearchus vero, Lacedæmoniorum Dux, egregio dicto disciplinam militiæ continebat, identidem exercitus sui auribus inculcando, a militibus Imperatorem potius, quam hostem metui debere. Quo aperte denuntiabat futurum, ut spiritum poenæ impenderent, quem pugnae acceptum ferre dubitassent. Idque a Duce præcipi non mirabantur, maternarum blanditiarum memores, quæ exituros eos ad proeliandum monebant, ut aut vivi cum armis in conspectum earum venirent, aut mortui in armis referantur. Hoc intra domesticos parietes accepto signo, Spartanæ acies dimicabant.

## DE JURE TRIVMPHANDI.

Disciplina militaris acriter retenta principatum Italiæ Romano Imperio peperit. & multarum urbium, magnorum Regum, validissimarum gentium regimen largita est, fauces Pontici sinus patefecit, Alpium, Taurique montis convulsa claustra tradidit, ortumque e parvula Romuli casa totius terrarum orbis fecit columen. Ex cuius sinu quoniam omnes triumphi manarunt, sequitur ut de triumphandi iure dicere incipiam.

II. (1) Ob levia prælia quidam Imperatores triumphos sibi decerni desiderabant: quibus ut occurreretur, lege cautum est, ne quis triumpharet, nisi qui quinque millia hostium una acie cecidisset. Non enim numero, sed gloria triumphorum excelsius urbis nostræ futurum decus maiores existimabant. Cæterum ne tum præclara lex cupiditate laureæ obliteraretur, legis alterius

I 4

rui

rius adiutorio fulta est, quam L. Marius, & M. Cato Tribuni Plebis tulerunt. Poenam enim Imperatoribus minatur, qui aut hostium occisorum in proelio, aut amissorum civium falsum numerum, literis Senatui ausi essent referre. Jubetque eos, cum primum urbem intraissent, apud Quæstores urbanos iurare, de utroque numero vere ab his Senatui esse scriptum.

III. His illud subnectam. Moris erat ab Imperatore triumphum ducturo, Coss. (2) invitari ad coenam, deinde rogari, ut venire superfedant; ne quis eo die, quo ille triumpharit, maioris in eodem convivio sit imperii.

## DE CENSORIA SEVERITATE.

I. Castrensis disciplinæ tenacissimum vinculum, & militaris rationis diligens observatio, admonent me, ut ad Censuram, pacis magistram, custodemque, transgrediar. Nam ut opes populi Romani in tantam amplitudinem Imperatorum virtutibus exceßerunt; ita probitas & continentia censorio supercilio examinata est. Opus effectu par bellicis laudibus. Quid enim prodest foris esse strenuum, si domi male vivitur? Expugnentur licet urbes, corripiantur gentes, regnis injiciantur manus; nisi foro & curiæ officium ac verecundia sua constiterit; partarum rerum æquatus cœlo cumulus, sedem stabilem non habebit. Ad rem igitur pertinet nosse, atque adeo recordari acta censoriæ potestatis.

II. (1) Quid de Fabricii Luscini censura loquar?  
narra-

(2) Coss. *legendum* Consules, & sic sæpe inferius,

(1) *A. U.* 678.

narravit omnis ætas, & deinceps narrabit, ab eo Cornelium Rufinum, duobus Consulatibus, & Dictatura speciosissime functum, quod decem pondo vasa argentea comparasset; perinde ac malo exemplo luxuriosum, in Ordine Senatorio retentum non esse. Ipsæ, medius fidius, mihi literæ sæculi nostri obtupestcere videntur, cum ad tantam severitatem referendam ministerium accommodare coguntur; ac vereri, ne non nostræ urbis acta commemorare existimentur. Vix enim credibile est intra idem pomerium decem pondo argenti, & invidiosum fuisse censum, & inopiam haberi contemptissimam.

III. (2) Equestris quoque Ordinis bona magna pars, quadringenti iuvenes, censoriam notam patiente animo sustinuerunt, quos M. Valerius & P. Sempronius, quia in Sicilia ad munitionem opus explicandum ire iussi, facere id neglexerat, equis publicis spoliatos, in numerum ærariorum retulerunt.

IV. (3) Sequuntur duò eiusdem generis exempla, eaque adiecisse fatis erit. C. Geta, cum & L. Metello, & Cn. Domitio Censoribus Senatu motus esset, postea Censor factus est.

V. (4) Item M. Valerius Messala censoria nota perfrictus, censoria postmodum potestate imperavit: Quorum ignominia virtutem acuit: a rubore enim eius excitati, omnibus viribus incubuerunt, ut digni civibus viderentur, quibus dari potius, quam objici Censura deberet.

(2) *A. U.* 500.

(3) *B. U.* 638.

(4) *A. U.* 645.



## DE FORTITVDINE.

I. **N**os quia iam initia, procurfusque virtutis patefecimus, actum ipsum persequemur; cuius ponderosissima vis, & efficacissimi lacerti, in fortitudine consistunt. Nec præterit me, conditor urbis nostræ Romule, Principatum tibi hoc in genere laudis assignari oportere. Sed patere, obsecro, uno te præcurri exemplo, cui & ipse aliquantum honoris debes: quia beneficio illius effectum est, ne tam præclare opus tuum Roma dilaberetur.

II. (1) Etruscis in urbem ponte sublicio irrum-  
pentibus, Horatius Corcles extremam eius par-  
tem occupavit: totumque hostium agmen, do-  
nec post tergum suum pons abrumperetur, insati-  
gabili pugna sustinuit. Atq; , ut patriam periculo  
imminenti liberatam vidit; armatus se in Tiberim  
misit: cuius fortitudinem dii immortales admirati,  
incolumitatem sinceram ei præstiterunt. Nam  
neque altitudine deiectus, quassatusve, neque  
pondere armorum pressus, nec ullo vorticis cir-  
cuitu actus; nec telis quidem, quæ undique con-  
gerebantur, læsus, tutum natandi eventum habuit.  
Unus itaque tot civium, tot hostium in se oculos  
convertit, stupentes illos admiratione, hos inter  
lætitiâ & metum hæsitantes: unusque duos a-  
cerrima pugna confertos exercitus, alterum re-  
pellendo, alterum propugnando, distraxit. De-  
nique unus urbi nostræ tantum scuto suo, quan-  
tum Tiberis alveo, munimenti attulit; Quapro-  
pter discedentes Etrusci dicere potuerunt: Ro-  
manos vicimus, ab Horatio victi sumus.

III, Im-

(1) *A. U. 245. cum expulsum Tarquinium Etru-  
sci (qui hodie Tusci dicuntur) vi restituere  
solio conabantur.*

III. Immemorem me propositi mei Cloelia pene facit. Eadem enim tempestate, certe adversus eundem hostem, & in eodem Tiberi inclutum ausa facinus. Inter cæteras enim virgines obses hosti Porseppnæ data, nocturno tempore custodiam egressa, equum conscendit, celerique traiectu fluminis non solum obsidione, sed etiam metu patriam puella solvit, viris lumen virtutis præferendo.

IV. (2) Redeo nunc ad Romulum, qui ab Acrone, Cenipensium Rege, ad dimicandum provocatus, quanquam & numero, & fortitudine militum superiorem se crederet, tutiusque erat, toto cum exercitu, quam solum in aciem descendere, sua potissimum dextra omen victoriæ rapuit: nec incepto eius fortuna defuit. Occiso enim Acrone, suisque hostibus, opima de eo spolia (3) Jovi Feretrio retulit. Hactenus istud: quia publica religione consecrata virtus, nulla privata laudatione indiget.

V. (4) A Romulo proximus Cornelius Cossus eidem deo spolia consecravit, cum Magister Equitum Ducem Fidenarium in acie congressus interfecisset. Magnus initio huiusce generis inchoatæ gloriæ Romulus: Cossus quoque multum acquiritum est, quod Romulum imitari valuit.

VI (5) Ne M. quidem Marcelli memoriam ab his exemplis separare debemus, in quo tantus animi

(2) *Anno ab Urbe condita 4.*

(3) *Opima spolia vocabantur, quæ Imperator a se occiso hostili Imperatori detraxisset. Tria solum eiusmodi apud Romanos fuisse exempla, ut modo sequitur.*

(4) *A. U. 329. Tolumnio erat Duci nomen.*

(5) *A. U. 531. Viridomarus Rex appellabatur.*

animi vigor fuit, ut apud Padum Gallorum Regem, ingenti exercitu stipatum, cum paucis equitibus invaderet: quem protinus obruncatum armis exiit, eaque Jovi Feretrio dicavit.

VII. Eodem virtutis & pugnae genere usi sunt T. Manlius Torquatus (6), & Valerius Corvus (7), & Æmilianns Scipio (8). Hi enim ultro provocatos hostium Duces interemerunt: sed quia sub alienis auspiciis rem gesserant, spolia Jovi Feretrio non posuerunt consecranda. (9) Idem Scipio Æmilianus, cum in Hispania sub Lucullo Duce militaret, atque Intercatia praevalidum oppidum circumfederetur, primus moenia conscendit: Neque erat in eo exercitu quisquam aut nobilitate, aut animi indole, aut futuris actis, cuius saluti magis parci & consuli deberet: sed tunc clarissimus, quisque juvenum, pro amplificanda & tuenda patria, plurimum laboris ac periculi sustinebat, deforme sibi existimans, quos dignitate praestaret, ab his virtute superari. Ideoque Æmilianus hanc militiam, aliis propter difficultatem vitantibus, sibi depoposcit.

VIII. (10) Magnum inter hæc fortitudinis exemplum antiquitas offert. Romani a Gallorum exercitu pulsi, cum se in Capitolium, & in arcem conferrent, inque his collibus morari omnes non pos-

(6) Gigantem Gallum interemit, & torquem et detractum collo suo imposuit. An. Urb. cond. 392.

(7) Alterum Gallum adiuvante corvo occidit. A. U. 402.

(8) Gigantem Hispanum duello vicit, cum adhuc admodum esset juvenis. A. U. 602.

(9) Eodem Anno.

(10) A. U. 363.

possent; necessarium consilium in plana urbis parte seniorum relinquendorum ceperunt, quo facilius iuventus reliquias Imperii tueretur. Ceterum ne illo quidem tam misero, tamque luctuoso tempore civitas nostra virtutis suæ oblita est: Defuncti enim honoribus, apertis ianuis, in curulis sellis, cum insignibus Magistratum, quos gesserant, sacerdotiorumque, quæ erant adepti, confederunt, ut & ipsi in occasu suo splendorem & ornamenta vitæ præteritæ retinerent, & plebem ad fortius sustinendos casus suo vigore provocarent. Venerabilis eorum aspectus primo hostibus fuit, & novitate rei, & magnificentia cultus, & ipso audaciæ genere commotis. Sed quis dubitaret, quin & Galli, & victores, illam admirationem mox in risum, & in omne contumeliæ genus conversuri essent? Non expectavit igitur hanc iniuriæ maturitatem C. Atilius, verum barbam suam permulcenti Gallo scipionem vehementi ictu capiti inflixit, eique propter dolorem ad se occidendum ruenti cupidius corpus obtulit, Capi ergo virtus nescit; patientia dedecus ignorat. Fortunæ succumbere tristius ducit omni facto, nova & speciosa genera interitus excogitat, si quisquam interit, qui sic extinguitur (11).

IX. (12) Qualis demum roboris illi milites? qui vehementi ictu remorum concitatam fugæ Punicam classem, nantes lubrico pelagi, quasi camporum firmitate, pedites in littus retraxerunt?

X.

(11) Narrat Livius, Senatores eiusmodi a Gallis primo intuitu pro simulacris deorum habitos fuisse, neque prius in cognitionem eorum devenisse, quam Attilius unum ex illis, secum liberius agentem, baculo percussisset.

(12) A. U. 535.



X. Eiusdem temporis & notæ miles, qui Can-  
nensi prælio. quo Annibal magis vires Romano-  
rum contudit. quam animos fregit. cum ad re-  
tinenda arma inutiles vulneribus manus haberet,  
spoliare se conantis Numidæ cervicem comple-  
xus. os, naribus & auribus corollis. deforme  
reddidit: inque plene ultionis moribus expira-  
vit. Sepone iniquum pugne eventum, quantum  
interfectore fortior interfectus? Poenus enim in  
victoria obnoxius morienti, solatio fuit: Roma-  
nus in ipso fine vitæ vindex sui extitit.

XI. (12) Tui quoque clarissimi excessus Cato  
Utica monumentum est, in qua ex fortissimis vul-  
neribus tuis plus gloriæ. quam sanguinis mana-  
vit. Siquidem constantissime in gladium incum-  
bendo, magnum hominibus documentum dedisti;  
quanto potior esse debeat probis dignitas sine vi-  
ta, quam vita sine dignitate.

XII. (13) Cæterum ut humanæ virtutis actum  
exequamur: cum Annibal Capuam (14), in qua  
Romanus exercitus erat, obsideret, Vibius Ac-  
ceus, Pelignæ (15) cohortis Præfectus, vexil-  
lum trans Pœnicum Vallum proiecit: se ipsum,  
suos-

(12) A. U. 707. cum J. Cæsar, oppressor Rei-  
publicæ, devicto in pugna Pharsalia Pompeia,  
& a Rege Ægyptiorum Ptolomæo fraudulen-  
ter occiso, Uticam in Africa civitatem, ubi re-  
liqui eorum erant, qui salvam volebant Rem-  
publicam, obsidione cinxit.

(13) A. U. 591.

(14) Capua urbs Campaniæ in Regno Neapoli-  
tano.

(15) Pelignæ Civitas in Latiniis, qui cum a  
Romanis in socios accepti essent, in bello eis  
adiutorio esse debebant.

suosque commilitones ( si eo hostes potiti essent ) execratus : & ad id petendum subsequente cohorte primus impetum fecit : Quod ut Valerius Flaccus, Tribunus tertiæ legionis, aspexit, convertus ad suos, spectatores, inquit, ut video, alienæ virtutis huc venimus : sed absit hoc dedecus a sanguine nostro, ut Romani gloria cedere Latinis velimus. Ego certe aut speciosam optavi mortem, aut felicem audaciæ exitum : Vellus igitur præcurrere paratus sum. His auditis, Pedanus Centurio convulsam signum dextra retinens : Jam hoc, inquit, intra hostile vallum mecum erit : proinde sequantur, qui id capi noliunt, & cum eo in castra Pœnorum irrupit, totamque secum traxit legionem. Ita trium virorum fortis temeritas Annibalem, paulo ante spe sua Capuæ potitorem, ne castrorum quidem suorum potentem esse passa est.

XIII. (16) Ne C. Atilium quidem præterire possumus, qui cum decimæ legionis miles pro C. Cæsaris partibus maritima pugna præliaretur, abscissa dextra, quam Massilientium navi iniecerat, læva puppim apprehendit : nec ante dimicare destitit, quam captam profundo mergeret : Quod factum parum iusta notitia patet. (17) At Cynegyrium Atheniensem, simili pertinacia in confectandis hostibus usum, verbosa laudum suarum cantu Græcia, omnium sæculorum memoriæ literarum præconio, inculcat.

## XIV.

(16) *A. U. 704. Sunt autem Massilienses populi Galliæ, & Civitate maritima Massilia.*

(17) *Multo plus præstitit Cynegyrius quam Attilius, nam perdita utraque manu, dentibus inimicam manum detinere satagebat. Bellum tunc erat Atheniensibus cum Persis ad Marathonem.*

XIV. Hoc loci Leonidas Spartanus Nobilis occurrit: cuius proposito, opere, exitu, nihil fortius. Nam cum ccc. civibus apud Thermopylas toti Asiæ obiectus, gravem illum & mari & terræ Xerxem, nec hominibus tantum terribilem, sed Neptuno quoque compedes, & cœlo tenebras minitantem, pertinacia virtutis ad ultimam desperationem redegit. Cæterum perfidia & scelere incolarum eius regionis, & loci opportunitate, qua plurimum adiuvabatur, spoliatus: occidere dimicans, quam assignatam sibi a patria stationem deferere maluit, Ideoque tam alacri animo suos ad id prælium, quo perituri erant, cohortatus est, ut diceret: Sic prandete commilitones, tanquam apud inferos cœnatori. Mors erat denunciata: Lacedæmonii, perinde ac victoria esset promissa, Ductori intrepide paruerunt.

XV. Excellentissimos Spartane virtutis proventus miserabilis lapsus sequitur. Epaminondas, maxima Thebarum felicitas, idemque Lacedæmonis prima clades, cum vetustam eius urbis gloriam, invictamque ad id tempus publicam virtutem apud Leuctra, & Mantineam secundis præliis contudisset; traiectus hasta, sanguine & spiritu desiciens, recreare se conantes, primum an clypeus suus salvus esset, deinde an penitus fusi hostes forent, interrogavit: Quæ postquam ex animi sententia comperit, Non finis, inquit, commilitones, vitæ meæ, sed melius & auctius initium advenit. Nunc enim vester Epaminondas nascitur, quia sic moritur. Thebas ductu & auspiciis meis caput Græciæ factas video: fortis & animosa civitas Spartana jacet, armis nostris abiecta: Amara dominatione Græcia liberata est. Orbis quoque, non tamen sine liberis morior; quoniam mirificas filias Leuctra, & Mantineam relin-

relinquo. E corpore deinde suo hastam educi iussit, eoque vulnere expiravit. Quod si eum dii immortales victoriis suis perfrui, passi essent, sospes gloriolior patriæ moenia non intrasset.

XVI. Muliebris fortitudinis exemplo æque fortem duarum puellarum casum adiciam. Cum pestifera seditione Syracularum, tota regis Gelonis stirps, evidentissimis exhausta cladibus ad unicam filiam Harmoniam virginem esset redacta, & in eam certatim ab inimicis impetus fieret: nutrix eius, æqualem illi puellam, regio cultu ornata, hostilibus gladiis obiecit. Quæ ne cum ferro quidem trucidaretur, cuius esset conditionis, ederet: proclamavit admirata illius animum Harmonia, & tantæ fidei superesse non sustinuit: Revocatosque interfectores, professa quænam esset, in eadem suam convertit. Ita alteri tectum mendacium, alteri veritas aperta finis vitæ fuit.

## DE PATIENTIA.

I. **E**gregiis virorum pariter ac fæminarum operibus fortitudo se oculis hominum subiecit: Patientiamque in medium procedere hortata est, non sane infirmioribus radicibus stabilitam, aut minus generoso spiritu abundantem; sed ita similitudine iunctam, ut cum ea, vel ex ea nata videri possit.

II. (1) Quid enim iis, quæ supra retuli, facto Mutii convenientius? cum a Porsena Rege Etruscorum urbem nostram gravi ac diutino bello urgeri ægre ferret, castra eius clam ferro cinctus intravit: immolantemque ante altaria conatus est occidere. Cæterum inter molitionem pii pariter

K. . . . . ac

(1) A. U. 245. cum Porsenna Tarquinium solio restituere conaretur.



ac fortis propositi oppressus, nec causam adventus texit, & tormenta quantopere contemneret, mira patientia ostendit. Perosus enim (credo) dexteram suam, quod eius ministerio in cæde Regis uti nequisset, iniectam foculo exuri passus est. Nullum profecto dii immortales admotum aris cultum attentioribus oculis viderunt. Ipsum quoque Por senam oblitum periculi, ultionem suam vertere in admirationem coegit. Nam, Revertere, inquit, ad tuos Muti, & eis refer, te, cum vitam meam petieris, a me vita donatum. Cuius clementiam non adulatus Mutius, tristior Por senæ salute, quam sua letior; urbi se cum æternæ gloriæ cognomine, Scævulam reddidit.

III. (2) Pompeji etiam probabilis virtus: qui dum legationis officio fungeretur, a Gentio Rege interceptus, cum Senatus consilia proderè iuberetur, ardenti lucernæ admotum digitum cremandum præbuit: eaque patientia Regi simul & desperationem tormentis quicquam ex se cognoscendi excussit, & expetendæ populi Romani amicitiae magnam cupiditatem ingeneravit

## DE HUMILI LOCO NATIS, QUI CLARI EVASERVNT.

I. **Q**uod sæpe evenit, ut & humili loco nati ad summam dignitatem consurgant, & generosissimarum imaginum foetus, in aliquod devoluti dedecus acceptam a maioribus lucem in tenebras convertant. Quæ quidem planiora suis exemplis reddentur: ut primum de iis ordiar, quo-

(2) *A. U. 584. Erat autem Gentius Illyridis Rex, cum Perseo ultimo Macedonum Rege fœdere iunctus.*

quorum in meliorem statum facta mutatio, splendendam relatu præbet materiam.

II. Incunabula Tulli Hostilii agreste tugurium cepit: eiusdem adolescentia in pecore pascendo fuit occupata: validior ætas Imperium Romanum rexit, & duplicavit (1): senectus excellentissimis ornamentis decorata, in altissimo maiestatis fastigio fulsit.

III. (2) M. vero Porcii Catonis incrementa publicis votis expetenda fuerunt: qui nomen suum Tusculi ignobile, Romæ nobilissimum reddidit. Ornata sunt enim ab eo literarum Latinarum monumenta, adiuta disciplina militaris, aucta maiestas Senatus, prorogata familia, in qua maximum decus posterior est ortus Cato.

IV. Sed ut Romanis externa iungamus; Socrates non solum hominum consensu, verum etiam Apollinis oraculo sapientissimus iudicatus, Phænarete matre obstetrice, & Sophronisco patre marmorario genitus, ad clarissimum lumen gloriæ excessit, neque immerito. Nam cum eruditissimorum virorum ingenia in disputatione cæca vagarentur, mensurasque Solis & Lunæ, & cæterorum siderum loquacibus magis, quam certis argumentis explicare conarentur, totius etiam mundi ambitum complecti auderent; primus ab his indoctis erroribus abductum animum, intima conditionis humanæ, ac in secessu pectoris repositos affectus scrutari coëgit: si virtus per se ipsam æstimetur, vitæ magister optimus.

V. Quam matrem Euripides, aut quem patrem Demosthenes habuerit, ipsorum quoque sæ-

K 2 culo

(1) *Albanos enim victos Romam transtulit An. U. 82.*

(2) *Circa A. U. 549.*

culo ignotum fuit: alterius autem matrem ole-  
ra, alterius patrem cultellos venditasse, omnium  
pene doctorum literæ loquuntur: Sed quid aut  
illius tragica, aut huius oratoria vi clarius?

## QVI A PRÆCLARIS PARENTIBVS DEGENERARVNT.

I. Sequitur duplicis promissi pars ad opertis illu-  
strium virorum imaginibus reddenda: quo-  
niam quidem sunt referenda, quæ ab earum splen-  
dore degeneraverunt, teterrimis ignaviæ ac ne-  
quitix sordibus imbuta nobilia portenta.

II. (1) Age Q. Fabii Max. Allobrogici & ci-  
vis, & Imperatoris clarissimi filius Q. Fabius Max.  
quam perditam luxuria vitam egit? cuius ut cæ-  
tera flagitia obliterentur, tamen abunde illo de-  
decore mores nudari possunt, quod ei Q. Pom-  
peius Prætor urbanus paternis bonis interdixit:  
neque in tanta civitate, qui illud decretum repre-  
henderet, inventus est: Dolenter enim homines  
ferebant, pecuniam, quæ Fabiæ gentis splendo-  
ri servire debebat, flagitiis disjici. - Quem ergo  
nimia patris indulgentia hæredem reliquerat, pu-  
blica severitas exhæredavit.

III. (2) Possedit favorem plebis Clodius Pul-  
cher, adhærensque Fulviæ stolæ pugio, mili-  
tare decus muliebri imperio subiectum habuit:  
quorum filius Pulcher enervem, & frigidam iu-  
ventam egit.

## DE ANIMI MODERATIONE.

I. Transgrediar ad saluberrimam partem, animi  
moderationem, quæ mentes nostras im-  
potenti temeritatis incurfu transversas ferri non  
patitur. Quo evenit, ut reprehensionis morsu sit  
vacua,

(1) *A. U. 662.*

(2) *Circa A. U. 700.*

vacua, & laudis quæstu opulentissima: itaque effectus suos in claris viris recognoscat.

II. (1) Age, L. Quinctius Cincinnatus qualem Consulem egit? cum honorem eius Patres Conscripti continuare vellent, non solum propter illius egregia opera. sed etiam quod populus eodem Tribunus in proximum annum creare conabatur, quorum neutrum iure fieri poterat: utrumque discussit, Senatus simul studium inhibendo, & Tribunus verecundiæ suæ exemplum sequi cogendo. Ita unus in causa fuit. ut amplissimus ordo, populusque tutus esset ab iniusti facti reprehensione.

III. (2) Fabius vero Maximus, cum a se quinq; quies, & a patre, avo, proavo, maioribusque suis sæpenumero Consulatum gestum animadvertet: Comitibus, quibus filius eius summo consensu Consul creabatur, quam potuit constanter cum populo egit, ut vacationem aliquando huius honoris Fabiæ genti daret: non quod filii virtutibus diffideret (erat enim illustris) sed ne maximum imperium in una familia continuaretur. Quid hac moderatione valentius, aut efficacius; quæ etiam patrios affectus, qui potentissimi habentur, superavit?

IV. (3) Numidicus autem Metellus populari factione patria pulsus in Asiam secessit: in qua, cum ei forte ludos Trallibus spectanti literæ redditæ essent, quibus scriptum erat, maximo Senatus & Populi consensu reditum illi in Urbem datum: non e theatro prius abiit, quam spectaculum ederetur: non lætitiâ suam proxime sedentibus ulla ex parte patefecit, sed summum

K 3 gau-

(1) *A. U.* 293.

(2) *A. U.* 461.

(3) *A. U.* 654.



gaudium intra se continuit. Eundem constat pari vultu & exulem fuisse, & restitutum. Adeo moderationis beneficio, medius semper inter secundas & adversas res animi firmitate versatus est.

V. Non minoris admirationis illud: Statippus Tegeates, hortantibus amicis, ut gravem in administratione Reipubl. æmulum, sed alioqui probum & ornatum virum, qualibet ratione vel tolleret, vel summo veret, negavit se facturum, ne quem in tutela patriæ bonus civis locum obtineret, malus & improbus occuparet; seque potius vehementi adversario urgeri, quam patriam egregio advocato carere præoptavit.

## DE ABSTINENTIA.

I. **M**agna cura, præcipuoque studio referendum est, quantopere libidinis, & avaritiæ furori similes impetus ab illustrium virorum pectoribus, consilio ac ratione summoti sunt. Quia demum ii penates, ea civitas, id regnum æterno in gradu facile steterit; ubi minimum Veneris, pecuniæque cupido sibi vendicaverit. Nam quo istæ generis humanæ certissimæ pestes penetraverint, ibi iniuria dominatur, infamia flagrat. Quibus longius relictis, contrarios tam diris vitiis mores commemoremus.

II. (1) Age, si quis hoc sæculo vir illustris pel- libus hædinis pro stragulis utatur. tribusque servis comitatus Hispaniam regat, & quingentorum assium sumptu transmarinam provinciam petat, eodem cibo, eodemque vino, quo nautæ, uti contentus sit, nonne mirabilis existimetur? Atqui ista patientissime superior (2) Cato toleravit, quia

(1) *A. U. 558.*

(2) *Duo fuerant Catones maxime memorandi, superior hic seu maior, & minor, seu Uticensis, a loco, in quo vivere desit.*

quia illum grata frugalitatis consuetudo, in hoc genere vitæ. cum summa dulcedine continebat.

III. (3) Exultat animus maximorum virorum memoriam percurrens. Scipio Æmilianus, post duos inclytos Consulatus, totidemque suæ præcipuæ gloriæ triumphos, septem servis sequentibus officio legationis functus est: Et puto Carthaginis ac Numantiæ spoliis comparare plures potuerat; nisi operum suorum ad se laudem, manubias ad patriam redundare maluisset. Itaque cum per socios, & exterarum gentes iter faceret, non mancipia eius, sed victoriæ numerabantur: nec quantum auri & argenti, sed quantum amplitudinis pondus setum ferret, æstimabatur.

IV. (4) Continentia vero etiam in universæ plebis animis sæpenumero cognita est, sed abunde erit, longe inter se distantium seculorum, duo ex his exempla retulisse. Pyrrhus impetus sui terrore soluto, ac iam Epiroticis armis languentibus, benevolentiam populi Romani mercari, quia virtutem debilitare nequiverat, supiens, pene totum regiarum opum apparatus in urbem nostram transtulerat. Cæterum cum & magni pretii, & varii generis a legatis eius, tam virorum quam feminarum apta usui munera circa domos ferrentur, nulla cuiquam dono ianua patuit. Tarentinæque (5) petulantiae animosus magis, efficax defensor, haud scio maiore cum gloria huius urbis moribus, quam armis repulsus sit.

K 4 DE

(3) A. U. 623.

(4) A. U. 473.

(5) Tarentum urbs in extrema Italici parte sita, cum Romanis bellando Pyrrhum hunc; Epirotarum Regem in auxilium vocaverat.

## DE PAUPERTATE LAUDATA.

## I.

(1) **A**ttilium. qui ad eum accersendum a Senatu missi erant ad imperium populi Romani suscipiendum, semina spargentem viderunt: sed illæ rustico opere attritæ manus salutem publicam stabilierunt: ingentes hostium copias perfunderunt. Quæque modo arantium bouum iugum rexerant, triumphalis currus habenas retinuerunt: nec fuit iis rubori eburneo scipione deposito, agrestem stivam aratri repetere. Potest pauperes consolari Attilius, sed multo magis docere locupletes, quam non sit necessaria solidæ laudis cupidini nimis anxia divitiarum comparatio.

II. (2) Æque magna latifundia L. Quinctii Cincinnati fuerunt: septem enim iugera agri possedit: ex hisque tria, quæ pro amico ad ærarium obsignaverat, multæ nomine amisit. Pœnam quoque pro filio Cæsone, quod ad causam dicendam non occurrisset, huius agelli reditu solvit. Et tamen ei quatuor iugera aranti, non solum dignitas patris familiæ constitit, sed etiam Dictatura (3) delata est. Anguste se habitare nunc putat, cuius domus tantum patet, quantum Cincinnati rura patuerunt.

III. (4) Regio imperio propter nimiam Tarquinii superbiam finito, Consulatus initium Valerius Po-

(1) *A. U. 496.*

(2) *A. U. 292,*

(3) *Diffatores regia authoritate Rempublicam administrabant: at ultra sex menses eam protrahere nefas fuerat.*

(4) *A. U. 244.*

Publicola cum Junio Bruto auspicatus est. Idemque postea tres Consulatus acceptissimos populo Romano gessit: & plurimorum ac maximorum operum prætextu, titulum imaginum suarum amplificavit: cum interim factorum illud columnen patrimonio ne ad exequiarum quidem impensam sufficiente decessit: ideoque publica pecunia ductæ sunt. Non attinet ulteriore disputatione tanti viri paupertatem scrutari: abunde enim patet quid vivus possederit, cui mortuo lectus funebris & rogos defuit.

## DE HUMANITATE ET CLEMENTIA.

### I.

(1) **A**ge, M. Marcelli clementia, quam clarum, quamque memorabile exemplum haberi debet? qui captis a se Syracusis in arce earum constitit; ut urbis modo opulentissime, tunc afflictæ, fortunam ex alto cerneret. Cæterum casum eius lugubrem intuens, sletum cohibere non potuit; quem si quis ignarus vir aspexisset, alterius victoriam esse credidisset. Itaque Syracusana civitas in maxima clade tua aliquid admistum gratulationis habuisti: quia si tibi incolumen stare fas non erat, leniter sub tam mansueti victore cecidisti.

(2) Africanus quoque posterioris humanitas speciose lateque patuit. Expugnata enim Carthagine, circa Siciliæ civitates literas misit, ut ornamenta templorum suorum a Pœnis rapta, per  
K 5 legat-

(1) A. U. 541. Syracusæ olim erant Siciliæ Metropolis.

(2) A. U. 607.



legatos recuperarent, inque pristinis sedibus reponenda curarent. Beneficium diis pariter atque hominibus acceptum.

## DE GRATITVDINE.

### I.

(I) **M**agnum grati populi specimen in Q. Fabio Maximo enituit: Nam cum quinque Consulatibus salutariter Reipublicæ administratis decessisset, certatim æs contulit; quo maior ac speciosior eius funeris pompa duceretur. Eleuet aliquis præmia virtutis, cum animadvertat, fortes viros felicius sepeliri, quam vivere ignavos.

II. (2) Liberalis populus Romanus magnitudine muneris, quod Attalo Regi Asiam dedit dono: Sed Attalus etiam testamenti æquitate gratus, qui eandem Asiam populo Romano legavit. Itaque nec huius munificentia, nec illius tam memor beneficii animus tot verbis laudari potest, quot amplissimæ civitates vel amice datæ, vel pie redditæ sunt.

## DE PIETATE IN PARENTES.

I. **S**anguinis ingenui mulierem Prætor apud tribunal suum capitali crimine damnatam, triumpho viro in carcere necandam tradidit. Quo receptam, is, qui custodiæ præerat, misericordia motus, non protinus strangulavit. Aditum quoque ad eam filix, sed diligenter excussæ, ne quid cibi inferret, dedit: existimans futurum, ut media

(I) *A. U. 464.*

(2) *Circa A. U. 620.*

dia consumeretur. Cum autem iam dies plures intercederent, secum ipse quærens, quidnam esset, quod tandiu sustentaretur; curiosius observata filia, animadvertit illam exerto ubere famem matris lactis sui subsidio lenientem. Quæ tam admirabilis spectaculi novitas ab ipso ad Triumvirum, a Triumviro ad Prætozem, a Prætoze ad concilium iudicum perlata, remissionem pœnæ mulieri impetravit. Quo non penetrat, aut quid non excogitat pietas, quæ in carcere servandæ genitricis novam rationem invenit? Quid enim tam inusitatum, quid tam inauditum, quam matrem natæ uberibus alitam? Putaret aliquis hoc contra rerum naturam factum; nisi diligere parentes prima naturæ lex esset.

II. Ne te quidem Cimon (1) silentio involvam, qui patri tuo sepulturam voluntariis vinculis emere non dubitasti. Nam etsi maximo tibi postea & civi, & duci evadere contigit; plus tamen aliquanto laudis in carcere, quam in Curia ascutus es. Cæteræ enim virtutes admirationis tantummodo multum, pietas vero etiam amoris plurimum meretur.

## DE PIETATE ERGA PATRIAM.

### I.

(1) Cum in media parte fori, vasto ac repentino hiatu terra subsideret, responsumque esset; re illum tantummodo compleri posse quæ

(1) *Miltiadis Atheniensis filius, de Republica optime meriti, ut videre est apud Cornelium Nepotem, per summum concivium suorum scelus in carceres detrusi.*

(1) A. U. 391.

qua populus Romanus plurimum valeret: Curtius & animi & generis nobilissimus adolescens, interpretatus urbem nostram virtute, armisque præcipue excellere; militaribus insignibus ornatus, equum conscendit, eumque vehementer admotis calcaribus præcipitem in illud profundum egit. Super quem universi cives honoris gratia certatim fruges iniecerunt, continuoque terra pristinum habitum recuperavit. Magna postea decora in foro Romano fulserunt: nullum tamen hodie, quod pietate Curtii erga patriam clarius obversatur exemplum: cui principatum gloriæ obtinenti, consimile factum subnectam.

II. (2) Decius, qui Consulatum in familiam suam primus intulit, cum Latino bello Romanam aciem inclinatham, & pene iam prostratam videret; caput suum pro salute Reipublicæ devovit: Ac protinus concitato equo, in medium hostium agmen, patriæ salutem, sibi mortem petens, irrupit: factaque ingenti strage, plurimis telis obrutus, super corruit. Ex cuius vulneribus & sanguine insperata victoria emerfit.

III. Sed & externa eiusdem propositi exempla attingam. Rex Atheniensium Codrus, cum ingenti hostium exercitu Attica regio debilitata, ferro ignique vastaretur, diffidentia humani auxilii ad Apollinis Delphici oraculum confugit; perque legatos sciscitatus est; quonam modo illud tam grave bellum discuti posset. Respondit deus, Ita finem ei fore, si ipse hostili manu occidisset. Quod quidem non solum totis Athenis; sed in castris etiam contrariis percubuit. Eoque factum est, ut ediceretur, ne quis Codri corpus vulneraret. Id postquam cognovit, depositis insignibus imperii,

perii, familiarem cultum induit, ac pabulantium hostium globo sese obiecit; unumque ex his falce percussum, in cædem suam compulsi: Cuius interitu ne Athenæ occiderent, effectum est.

## QVI SEVERI ADVERSVS LIBEROS.

### I.

(1) **P**ai Romulo gloria L. Brutus, quia ille urbem, hic libertatem Roman. condidit; filios suos, Tarquinii dominationem a se expulsam reducentes, summum Imperium obtinens, comprehensos, proque tribunali virgis cæses, & ad palum religatos securi percuti iussit.

II. (2) Huius æmulatus exemplum Cassius. filium, qui Tribunus Plebis Agrariam (3) legem primus tulerat, multisque aliis rebus populariter animos hominum amore sui devinctos tenebat; postquam illam potestatem deposuit, adhibito propinquorum & amicorum consilio, affectati regni crimine domi damnavit: verberibusque affectum, necari iussit: ac peculium eius Cereri consecravit.

III. (4) T. autem Manlius Torquatus, præter egregia multa raræ dignitatis, iuris quoque civilis, & sacrorum pontificalium peritissimus, in consimili factò ne consilio quidem necessariorum indigere se credidit. Nam cum ad Senatum Macedo-

(1) *A. U. 244.*

(2) *A. U. 268.*

[3] *Lex Agraria iubebat agrum Romanum æqualiter inter omnes dividi.*

[4] *Incertum quinam ille Manlius fuerit, Et quo id Anno contigerit.*



cedonia de filio eius D. Silano, qui eam provinciam obtinuerat, querelas per legatos detulisset; a Patribus Conscriptis petiit, ne quid ante de ea re statuerent, quam ipse Macedonum, filique sui causam inspexisset: Summo deinde cum amplissimi ordinis, tum etiam eorum, qui questum venerant, consensu cognitione suscepta, domi confedit; solusque utrique parti per totum biduum vacavit, ac tertio plenissime die, diligentissimeque auditis testibus, ita pronuntiavit: Cum Silanum filium meum pecunias a sociis accepisse mihi probatum sit, & Republica eum & domo mea indignum iudico, protinusque e conspectu meo abire iubeo. Tam tristi patris sententia perculsus Silanus, lucem ulterius intueri non sustinuit, suspendioque se proxima nocte consumpsit. Peregerat iam Torquatus severi & religiosi iudicis partes, satisfactum erat Reipublicæ, habebat ultionem Macedonia, potuit tam verecundo obitu filii patris inflecti rigor, at ille neque adolescentis exequiis interfuit, & cum maxime funus eius duceretur, consulere se volentibus vacuas aures accommodavit.

IV. (5) Nec minus animose A. Fulvius, vir Senatorii Ordinis, euntem in aciem filium retraxit, quam Scavrus e prælio fugientem increpuit. Namque iuvenem & ingenio & literis & forma inter æquales nitentem, pravo consilio amicitiam Catilinæ secutum, inque castra eius temerario impetu ruentem, medio itinere abstractum supplicio mortis affecit: præfatus, non se Catilinæ illum adversus patriam, sed patriæ adversus Catilinam genuisse. Licuit, donec civilis belli rabies præteriret, inclusum arcere: verum illud cauti patris narraretur opus, hoc severi refertur.

QVI

## QVI FILIORVM OBITVM FORTI ANIMO TVLERVNT.

### I.

(1) **H**oratius Pulvillus, cum in Capitolio Jovi Opt. Max. ædem Pontifex dedicaret, interque nuncupationem solemnium verborum postem tenens, mortuum esse filium suum audisset: neque manum a poste movit, ne tanti templi dedicationem interrumperet: Neque vultum a publica religione ad privatum dolorem deflexit; ne patris magis, quam Pontificis partes egisse videretur. Tolle, inquit, cadaver.

II. (2) Clarum exemplum: nec minus tamen illustre quod sequitur. Æmilius Paullus, nunc felicissimi, nunc miserrimi patris clarissima repræsentatio, ex quatuor filiis formæ insignis, egregiæ indolis, duos iure adoptionis in Corneliam, Fabiamque gentem translatos, sibi ipse denegavit: duos ei fortuna abstulit. Quorum alter triumphum patris funere suo quartum ante diem præcessit: alter in triumphali curru conspectus, post diem tertium expiravit. Itaque qui ad donandos usque liberos abundaverat, in orbitate subito destitutus est. Quem casum quo robore animi sustinuerit, oratione; quam de rebus a se gestis apud populum habuit, hanc adjiciendo clausulam, nulli ambiguum reliquit: Cum in maximo proventu felicitatis nostræ, Quirites, time-rem, ne quid mali fortuna moliretur; Jovem Opt. Maximum, Junonemque Reginam, & Minervam precatus sum, ut si adversi quid populo Romano immineret, totum in meam domum conver-tere-

[1] *A. U.* 246.

[2] *A. U.* 586.

teretur. Quapropter bene se res habet; annuendo enim votis meis id egerunt, ut vos potius meum casum doleatis, quam ego vestro ingemiscerem.

## QVÆ LIBERE DICTA AVT FACTA.

I. **L**ibertatem autem vehementis spiritus dictis pariter ac factis testatam, ut non invitaverim; ita ultro venientem non exclusim. Quæ inter virtutem vitiumque posita, si salubri modo se temperaverit laudem: si quo non debuit, profuderit, reprehensionem meretur. Atque vulgi sic auribus gravior, quam sapientissimi cuiusque animo probabilior est. Utpote frequentius aliena venia, quam sua providentia tuta. Sed quia humanæ vitæ partes persequi propositum est; nostra fide, propria æstimatione referatur.

II. (1) Priverno capto, interfectisque, qui id oppidum ad rebellandum incitaverant. Senatus indignatione accensus consilium agitabat, quidnam sibi de reliquis quoque Privernatibus faciendum esset. Ancipiti igitur casu salus eorum fluctuabat, eodem tempore & victoribus & iratis spectato. Cæterum cum auxilium unicum in precibus restare animadverterent, ingeniti Italici sanguinis oblivisci non potuerunt. Princeps enim eorum in Curia interrogatus, quam poenam mereretur, respondit: Quam merentur, qui se dignos libertate iudicant. Verbis arma sumserat; exasperatosque Patrium Conscriptorum animos inflammaverat. Sed Plautius Consul, favens Privernatium causæ, regressum animoso eius di-

cto

cto obtulit: quæsitque, qualem cum eis Romani pacem habituri essent impunitate donata. At is constantissimo vultu, Si bonam dederitis, inquit, perpetuam: si malam, non diuturnam. Qua voce perfectum est, ut victis non solum venia, sed etiam ius & beneficium nostræ civitatis daretur.

III. (2) Sic in Senatu Privernas loqui ausus est. L. vero Philippus Consul adversus eundem ordinem libertatē exercere non dubitavit. Nam segnitiam pro Rostris exprobrans, alio sibi Senatu opus esse dixit: tantumque a pœnitentia dicti abfuit; ut etiam L. Crassus, summæ dignitatis & eloquentiæ viro, id in Curia graviter ferenti, manum injici iuberet. Ille reiecto lictore, Non es, inquit, mihi Philippe Consul, quia nec ego quidem tibi Senator sum.

IV. (3) Quapropter minus mirari debemus, quod amplissima Cn. Pompeji auctoritas toties cum libertate luctata est: nec finē magna laude, quoniam omnis generis hominum licentiæ ludibrio esset; quieta fronte tulit. Cn. Piso, cum Maniliū Crispum reum ageret, eumque evidenter nocentem gratia Pompeji videret eripi; juvenili impetu ac studio accusationis provectus, multa & gravia crimina præpotenti defensori obiecit. Interrogatus deinde ab eo, cur se quoque non accusaret: Da, inquit, prædes Reip. te, si postulatus fueris, civile bellum non excitaturum; etiam de tuo prius, quam de Manilii capite in consilium iudices mittam. Ita eodem iudicio duos sustinuit reos: accusatione Maniliū, libertatē Pompeium: & eorum alterum lege peregit, alterum professione, qua solum poterat.

L

V. In-

[2] A. U. 672.

[3] A. U. 696.



V. Inferit se tantis viris mulier alienigeni sanguinis: quæ a Philippo Rege temulento immerenter damnata, Provocarem ad Philippum, inquit, sed sobrium. Excussit crapulam oscitanti, ac præsentî animo ebrium resipiscere, caussaque diligentius inspecta, iustiorẽ sententiam ferre coëgit. Igitur æquitatem, quam impetrare non potuerat, extorsit: potius præsidium a libertate, quam ab innocentia mutuata.

### DE SEVERITATE.

I. **A**rmet se duritia pectus necesse est, dum horridæ ac tritis severitatis acta narrantur; ut humaniore cogitatione seposita, rebus auditu asperis vacet. Ita enim descriptæ & inexorabiles vindictæ, & varia poenarum genera in medium procurreunt, utilia quidem legum munimenta, sed minime in placido & quieto paginarum numero reponenda.

II. (1) M. Manlius, unde Gallos depulerat, inde ipse præcipitatus est; quia fortiter defensam libertatem nefarie opprimere conatus fuerat. Cuius iustæ ultionis nimirum hæc præfatio fuit: Manlius eras mihi, cum præcipientes agebas Senones: postquam mutari coepisti, unus factus es ex Senonibus. Huius supplicio æternæ memoriæ nota inserta est: Propter illum enim lege sanciri placuit, ne quis Patricius in arce, aut Capitolio habitaret, quia domum eo loci habuerat, ubi nunc ædem Monetæ videmus. (2) Par indignatio civitatis adversus Sp. Cassium erupit: cui plus suspicio concupitæ dominationis nocuit, quam tres magnifici Consulatus, ac duo speciosissimi triumphî profuerunt. Senatus enim, populusque Roman. non contentus capitali eum supplicio

[2] *A. U.* 268. [1] *A. U.* 370

plicio afficere: interempto domum superiecit, ut penatium quoque strage puniretur. In solo autem ædem Telluris fecit. Itaque quod prius domicilium impotentis viri fuerat, nunc religiosæ severitatis monumentum est. (3) Eadem ausum Sp. Mælium consimili exitu patria multavit. Area vero domus eius, quo iusti supplicii notitia ad posterum perveniret, Æquimelii appellationem traxit.

III. (4) Sic se in viris puniendis severitas exercuit. Sed ne in fæminis quidem supplicio afficiendis segruiorem se egit. Horatius unus prælio trium Curiatorum, conditione pugnx omnium Albanorum victor; cum ex illa clarissima acie domum repetens sororem suam virginem Curiatii sponsi mortem profusus, quam illa ætas debebat, flentem vidisset; gladio, quo patriæ rem bene gesserat, interemit: Parum pudicas ratus lacrymas, quæ præpropere amoris dabantur. Quem hoc nomine reum apud populum actum, pater defendit. Ita paullo propensior animus puellæ ad memoriam futuri viri; & fratrem ferocem vindicem, & vindictæ tam rigidum assensorem patrem habuit.

## DE GRAVITER DICTIS AUT FACTIS.

### I.

(1) **C.** Popillius a Senatu legatus ad Antiochum missus, ut bello se, quo Ptolemæum laceſſebat, abſtineret: cum ad eum venisset, atque is prompto animo & amicitissimo vultu dextram ei porrexisset; invicem ei suam porrigere noluit, sed tabellas Senatusconsultum continentes tradidit: Quas ut legit Antiochus, dixit se cum amicis collocuturum. Indignatus

L 2

Po-

[3] A. U. 214. [4] A. U. 87. [1] A. U. 585.

Popillius, quod aliquam moram interposuisset; virga solum, quo insistebat, denotavit: At prius, inquit, quam hoc circulo excedas, da responsum, quod Senatui referam. Non legatum locutum, sed ipsam Curiam ante oculos positam crederes. continuo enim Rex affirmavit fore, ne amplius de se Ptolemæus quereretur. Ac tum demum Popillius manum eius tanquam socii apprehendit. Quam efficax est animi sermonisque abscessa gravitas! Eodem momento Syriæ regnum terruit, Ægypti textit.

II. (2). P. autem Rutilii verba prius an facta æstimem, nescio: nam utrisque æque admirabile inest robur. Cum amici cuiusdam iniustæ rogationi resisteret, atque is per summam indignationem dixisset: Quid ergo, inquit mihi opus est amicitia tua, si quod rogo, non facis? respondit, Imo quid mihi tua, si propter te aliquid inhoneste facturus sum? Huic voci consentanea illa opera, quod magis ordinum dissensione, quam ulla culpa sua reus factus, nec obsoletam vestem induit, nec insignia Senatoris deposuit, nec supplices ad genua iudicum manus tetendit; nec dixit quicquam splendore præteritorum annorum humilior. Effecitque, ut periculum illud non impedimentum gravitatis eius esset, sed experimentum. Atque etiam cum ei reditum in patriam Sullana victoria præstaret, in exilio, ne quid adversum leges faceret, remansit. Quapropter Felicis cognomen iustius quis moribus gravissimi viri, quam impotentis armis assignaverit. Quod quidem Sulla rapuit, Rutilius meruit.

III. Sed illos quidem natura in hæc gravitatis vestigia deduxit. Socrates autem Græcæ doctrinæ clarissimum columen, cum Athenis causam dictu-

rus

rus esset, defensionemque ei Lyfias a se compositam, qua in iudicio uteretur, recitasset, demissam & supplicem, imminenti procellæ accommodatam, Aufer, inquit, quæso istam: nam ego si adduci possem, ut eam in ultima Scythiæ solitudine perorarem, tum me ipse mortem multandum concederem. Spiritum contempsit, ne careret gravitate: maluitque Socrates extingui, quam Lyfias superesse.

IV. Nec parum grave Spartani cuiusdam dictum: siquidem nobilitate & sanctitate præstans, & in petitione magistratus victus, maximæ sibi lætitiæ esse prædicavit, quod aliquos patria sua se meliores viros haberet. Quo sermone repulsam honori adæquavit.

## DE JUSTITIA.

### I.

(1) Timochares Ambraciensis Fabricio Consuli pollicitus est, se Pyrrhum veneno per filium suum, qui potionibus eius præerat, necaturum. Ea res cum ad Senatum esset delata, missis legatis Pyrrhum monuit, ut adversus huius generis insidias cautius se gereret: memor urbem a filio Martis conditam: & armis bella, non venenis gerere debere. Timocharis autem nomen suppressit, utroque modo æquitatem amplexus: quia nec hostem malo exemplo tollere, neque eum, qui benemereri paratus fuerat, prodere voluit.

II. (2) Nec aliter se L. Crassus in eodem iustitiæ experimento gessit. C. Carbonis nomen infesto animo utpote inimicissimi sibi detulerat: sed tamen scrinium eius a servo allatum ad se, complura continens, quibus facile opprimi posset:

L 3

ut

[1] A. U. 475. [2] A. U. 634.



ut erat signatum, cum servo catenato ad eum remisit. Quo pacto igitur inter amicos vixisse tunc iustitiam credimus, cum inter accusatores quoque & reos tantum virium obtinuisse videamus?

III. (3) Jam L. Sulla non se tam incolumem, quam Sulpitium Rufum perditum voluit, tribunio furore eius sine fine vexatus. Cæterum cum eum proscriptum, & in villa latentem a servo proditum comperisset; manumissum parricidam, ut fides edicti sui extaret, præcipitari protinus e saxo Tarpeio cum illo scelere parto pileo (4) iussit. Victor alioquin insolens, hoc imperio iustissimus,

IV. Verum ne alienigenæ iustitiæ obliti videamur, Pittacus (5) Myrtenæus, cuius aut meritis tantum cives debuerunt, aut moribus crediderunt, ut suis & suffragiis tyrannidem deferrent; tandiu illud imperium sustinuit, quamdiu bellum de Sigæo (6) cum Atheniensibus gerendum fuit. Postquam autem pax victoria parta est, continuo reclamantibus Mitylenæis deposuit; ne dominus civium ultra quam Reipublicæ necessitas exegerat, permaneret. Atque etiam, cum recuperati agri dimidia pars consensu omnium offerretur; avertit animum ab eo munere; deforme iudicans, virtutis gloriam magnitudine prædæ minuere.

DE

[3] *A. U. 665.*

[4] *Mancipiis pileo uti nefas erat, nisi ab herede libertate donarentur.*

[5] *Mitylene urbs in insula Lesbos, in mari Ægeosæ Archipelago.*

[6] *Sigæum urbs Asiæ Minoris in Troade prope antiquam Troiam.*

DE SAPIENTER DICTIS AVT  
FACTIS.

I. **N**unc id genus felicitatis explicabo, quod totum in habitu animi est: nec votis petitur, sed in pectoribus sapientia præditis natum, dictis, factisque prudentibus enitescit.

II. Scipio Africanus turpe esse aiebat, in remilitari dicere, non putaram, videlicet quia explorato & excusso consilio, quæ ferro aguntur, administrari oportere arbitrabatur: summa ratione. Inemendabilis est error, qui violentia Martis committitur. Idem negabat aliter cum hoste configi debere, quam aut si occasio obvenisset, aut necessitas incidisset: æque prudenter. Nam & prospere gerendæ rei facultatem omittere, maxima dementia est: & in angustias atque pugnandi compulsus, abstinere se prælio, pestiferum ignaviæ adfert exitum: Eorumque, qui ista committunt, alter beneficio fortunæ uti, alter iniuriæ nescit resistere.

III. (r) Q. quoque Metelli cum gravis, tum etiam alta in Senatu sententia: qui devicta Carthagine, nescire se, illa victoria bonine plus an mali Reipublicæ attulisset, asseveravit. Quoniam ut pacem restituendo profuisset; ita Annibalem submovendo, nonnihil nocuisset. Eius enim transitu in Italiam, dormientem iam populi Romani virtutem excitatam: metuique debere, ne acri æmulo liberata in eundem somnum revolveretur. In æquo igitur malorum posuit, uri testa, vastari agros, exauriri ærarium; & prisce roboris nervos hebetari.

IV. Nec parum prudenter Anaxagoras interro-

L 4 ganti

ganti cuidam, quisnam esset beatus: Nemo, inquit, ex his, quos tu felices existimas: sed eum in illo numero reperies, qui a te ex miseris constare creditur. Non erit ille divitiis & honoribus abundans: sed aut exigui ruris, aut non ambitiosæ doctrinæ fidelis ac pertinax cultor, in secessu quam in fronte beator.

V. Quam porro subtiliter (2). Anacharsis leges araneorum telis comparabat; Nam ut illas infirmiora animalia retinere, valentiora transmittere; ita his humiles & pauperes confringi, divites & præpotentes non alligari videmus.

## DE STUDIO ET INDVSTRIA.

I. Quid cesso vires industriæ commemorare? cuius alacri spiritu militiæ stipendia roborantur, forensis gloria accenditur, fido sinu cuncta studia recepta nutriuntur: quicquid animo, quicquid manu, quicquid lingua admirabile est, ad cumulum laudis perducitur. Quæ cum perfectissima sit virtus, eam tamen duramento sui confirmat.

II. (1) Cato sextum & octogesimum annum agens, dum in Republica tuenda iuveni animo perstat; ab inimicis capitali crimine accusatus, suam causam egit. Neque aut memoriam eius quisquam tardiozem; aut firmitatem lateris ulla ex parte quassatam, aut os hæsitazione impeditum animadvertit. Quia omnia ista in statu suo æquali ac perpetua industria continebat. Quinetiam

[2] *Anacharsis erat præstantissimus Athenis Philosophus natione Scythæ.*

[1] *Cato Censorius dictus, ob Censuram severe gestam, A. U. 604.*

etiam in ipso diutissimæ actæ vitæ fine disertissimi oratoris Galbæ accusationi defensionem suam pro Hispania apposuit.

III. Idem Græcis literis erudiri concupivit: quam fero, inde æstimemus, quod etiam Latinas pene iam senex didicit. Cumque eloquentia magnam gloriam iam partam haberet; id egit, ut iuris civilis quoque esset peritissimus.

IV (2) Cuius mirifica proles, propior ætati nostræ Cato, ita doctrinæ cupiditate flagravat; ut ne in Curia quidem, dum Senatus cogitur, temperaret sibi, quo minus libros Græcos lectionaret: Qua quidem industria ostendit, aliis temporibus deesse, alios temporibus superesse.

V. Socratem etiam constat ætate provectum fidibus tractandis operam dare cœpisse: fatius iudicantem, eius artis usum fero, quam nunquam percipere. Et quantula Socrati accessio ista futuræ scientiæ erat? sed pertinax hominis, industria, tantis doctrinæ suæ divitiis etiam Musicæ rationis utilissimum elementum accedere voluit. Ergo dum ad discendum semper se pauperem credidit, ad docendum fecit se locupletissimum.

VI. Te quoque Cleanthe tam laboriose haurientem, & tam pertinaciter tradentem sapientiam, numen ipsius industriæ suspexit: cum adolescentem quæstu extrahendæ aquæ nocturno tempore inopiam tuam sustentantem, diurno Chryssippi præceptis percipiendis vacantem, eundemque ad undecentesimum annum attenta cura erudentem auditores tuos videret: Duplici enim labore unius sæculi spatium occupasti, incertum reddendo, discipulusne an præceptor esses laudabilior?

L 5

VII.

(2) Cato Uticensis dictus, eo, quod oppressa a Julio Cæsare Republica Uticæ in Africa vitam finiverit.



VII. Jam Solon quanta industria flagrauerit, & versibus complexus est, quibus significat, se quotidie aliquid addiscentem senescere, & supremo vitæ die confirmavit. quum assidentibus amicis, & quadam de re sermonem inter se conferentibus, satis iam pressum caput erigeret: Interrogatusque quapropter id fecisset, respondit: Ut cum istud, quicquid est, de quo iam disputatis, percepero, moriar. Migrasset profecto ex hominibus inertia, si eo animo vitam ingrederemur, quo eam Solon egressus est.

VIII. Quam porro industrius Themistocles, qui maximarum rerum cura districtus, omnium tamen civium suorum nomina memoria comprehendit: Per summamque iniquitatem patria pulsus, & ad Xerxem, quem paulo ante devicerat, confugere coactus, prius quam in conspectum eius veniret, Persico sermoni se assuefecit; ut labore parva commendatione, regiis auribus familiarem & assuetum sonum adhiberet.

IX. Cuius utriusque industriæ laudem duo Reges partiti sunt; Cyrus omnium militum suorum nomina; Mithridates duarum & viginti gentium, quæ sub regno eius erant, linguas ediscendo. Ille, ut sine monitore exercitum salutaret: hic, ut eos, quibus imperabat, sine interprete alloqui posset.

## DE EFFECTIBVS ARTIVM RARIS.

I. **E**ffectus etiam artium recogniti possunt aliquid afferre voluptatis: protinusque, & quam utiliter excogitatae sunt, patebit: & memoratu dignæ res lucido in loco reponentur, & labor in iis edendis suo fructu non carebit.

II.

II. (1) Sulpicii Galli maximum in omni genere literarum recipiendo studium plurimum Rei publicæ profuit. Nam cum L. Paulli bellum adversum Regem Persen gerentis, Legatus esset, ac serena nocte subito luna defecisset: eoque veluti diro quodam monstro perterritus exercitus noster, manus cum hoste conferendi fiduciam amississet; de cœli ratione, & siderum natura peritissime disputando, alacrem eum in aciem misit. Itaque illi inclytæ Paullianæ victoriæ liberales artes Galli aditum dederunt: quia nisi ille metum nostrorum militum vicisset, Imperator Romanus vincere hostes non potuisset.

III. Sed ut alienigena scrutemur, cum obscurato repente sole inusitatis perfusæ tenebris Athenæ sollicitudine agerentur, interitum sibi cœlesti denuntiatione portendi credentes; Pericles processit in medium, & quæ a præceptore suo Anaxagora pertinentia ad solis & lunæ cursum acciperat, disseruit: nec ulterius trepidare cives suos vano metu passus est.

## OPTIMIS ARTIVM MAGISTRIS CONCEDENDVM EST.

I. Sæpe autem artis unumquemque & actorem, & disputatorem optimum esse ne dubitemus, paucis exemplis admoneamus.

II. Q. Scævola, legum clarissimus & certissimus vates, quotiescunque de iure prædicatoria consultebatur, ad Furium, & Cæsellium, quia huic scientiæ dediti erant, consultores rejiciebat. Quo quidem factò moderationem magis suam commendabat, quam auctoritatem minuebat: ab his  
id

id negotium aptius explicari posse confitendo, qui quotidiano eius usu callebant. Sapientissimi igitur artis suæ professores sunt, a quibus & propria studia verecunde, & aliena callide æstimantur.

III. Platonis quoque eruditissimum pectus hæc cogitatio attigit: qui conductores sacræ arcis de modò & forma eius secum sermonem conferre conatos, ad Euclidem Geometram ire iussit, scientiæ eius cedens, imo professioni.

IV. Mirifice ille (1) artifex, qui in opere suo moneri se a futuro de crepida, & ansulis passus: de crurè etiam disputare incipientem, supra plantam ascendere vetuit.



BERNARDI  
GVILIELMINI (1)  
CLER. REG. SCHOL. PIAR.  
SERMONES TERNI.

SERMO PRIMVS.

**F**AUSTE, mihi a teneris genitor quem credidit  
annis  
Formandum studiis & moribus, hæc quoque  
dicta

Ac-

(1) *Apelles pictor præstantissimus.*

[1] *Natione Galli. qui Romæ in Collegio Nobilium, dicto Nazareno, per plures annos summa cum laude literas humaniores docuit. Benedicto Papæ XIV. ob carminum venustatem fuit acceptissimus.*

Accipe quondam a te poscentis plura magistri,  
 Munere nunc solum veri fungentis amici.  
 Tempora prætereunt: nonus iam labitur annus,  
 Auges quo modicum numerum dignissimus unus  
 Nostrorum juvenum. Jam cunctæ Palladis (2) artes,  
 Jam rerum secreta tibi patuere resecta  
 Hinc Peripatetica (3), sed clarius inde lucerna  
 Democriti (4). Tandem quod votis sæpe petisti,  
 Liberioris iter vitæ patulosque (5) penates  
 Ingredieris, dominusque tui rerumque tuarum.  
 Nil tibi præteritis de moribus objicio, nil  
 De studiis: etenim præter magnam ingenii vim,  
 Patria quam virtus dedit & tibi fidus amicum  
 Nascenti, assiduum facilisque volensque laborem  
 Palladia nulli cedens in laude tulisti.  
 Adde, quod ingenti Divorum munere fictus  
 Es meliore luto; vidi urbanumque probumque:  
 Vidi, iam fatear, vultuque habituque modetum  
 Corporis: auctor erat puræ Deus incola mentis  
 Ha-

[2] *Literæ humaniores, uti est Poësis & Rhetorica cum Historia & Geographia. &c.*

[3] *Philosophia Aristotelis, quæ iis temporibus maxima habebatur.*

[4] *Democritus erat unus ex iis Philosophis, qui de omnibus dabantes, nihil se certo scire existimabant. Cum vero Cartesius Sæc. XVI. eandem in parte resuscitasset sententiam, præcipiens dubitare de rebus philosophicis, antequam in eorum plenam deveniamus cognitionem (ne cæco impetu fallaces antiquorum sequeremur opiniones) hinc Auctor nomine Democriti Cartesianam intelligit Philosophiam.*

[5] *Ubi licebit ingredi & egredi pro lubitu, non prout in Coll.*



Harum virtutum, sed cultor sedulus (5) ille;  
 Ille, tuo lateri qui affixus qualibet hora  
 Hæsit nunc tristi, læta nunc fronte monendo  
 Te quid erat dignum vitatu, quidve petitu.

Sed nunc liber abis & nostra lege solutus  
 In mare præruptum: facili sine cortice nare  
 Incipies: age, FAUSTE, manu bene nitere u-  
 traque,

Nitere, FAUSTE, utroque pede, omnes exere  
 vires:

Namque altus gurgēs, quem tranas, sunt vada  
 multa,

Inque volutata circum furit æstus arena.

Si rapit absorptum dubiæ semel impetus undæ,  
 Nequicquam (7) clamabis; eo nam litore rarus  
 Vir bonus appellit, digitos supponere mento  
 Qui possit gelidoque ori, quod plurimus imber  
 Jam subeat; comitum ridebit cetera turba,  
 Et te forte mori tacitum quis coget. Aquæ fons  
 Regis in æde fuit, fontis sed pervius usus  
 Omnibus: accedunt æstumque sitimque molestem  
 Fosse levaturi complures, quos nec honestas,  
 Nec ratio, sed aquæ coniunxerat una cupido.  
 Ut grex, quem multo vexavit Sirius (8) igne,  
 Fontem obsederunt facto velut agmine, turbam  
 Præter & urgentem, caput uni pondus adauxit,  
 Labitur & præceps. Risum per longa volutant  
 Atria crudeles focii, bibit auribus ille,  
 Naribus ille miser bibit & clamore dehiscit  
 Horrifico. Pransum Regem tunc somnus habebat.

Ecce

[6] *Præfatus est Magister.*

[7] *In vanum.*

[8] *Stella, cui dominatum æstatis attribuit Astrologi, qua exorta æstivos calores causant putant.*

Ecce autem minitans resupino mystace & hasta  
 Helvetius (9) latus braccas, croceusque ruberque  
 Apparet, fugiunt riores, solus in unda  
 Qui superârat, opem poscit. Quis crederet? olli (10),  
 Sponte, inquit licetor, tacitusque illabere fundo,  
 Aut cogam: domini iubet alta silentia somnus.  
 Mergitur infelix, victoque ut ab hoste redisset,  
 Tranquilla ad valvas accensus fronte refedit.  
 Rides? At caveas aliquo ne tempore de te  
 Paucis historiam mutatis fama loquatur,  
 Exemploque tuo fieri posse omnia credas.

*Urget præcipitem momento temporis uno  
 Saepe bonum comes improbus, exultatque ruina.*

Quos igitur fugias homines sermone docebo  
 Te facili atque brevi. Delectant otia multos,  
 Qui sola tentant operosi plurima lingua,  
 Sive ubi sollicito potatur calda (11) ministro,  
 Sive ubi densum humeris cogunt spectacula  
 vulgus,

Omnia magnarum norunt secreta domorum,  
 Norunt, quem renuit trepidans Babylonia regem,  
 Quid Moschi, quid Thraces agant: tamen igno-  
 rant se,

Quamque domus fragili sua sit tибicine fulta.

*Gar-*

[9] *Principes pro custodia sui Helvetiis utuntur  
 maxime, existimantes eos cæteris esse fidelio-  
 res. Latus braccas. quia Helvetii latis brac-  
 cis utuntur, non prout Galli, Germanive, qui  
 nonnisi strictas adhibent. Croceusque ruber-  
 que. Vestes enim Helveticæ non unius panni  
 sed diversorum solent esse colorum. Notandum  
 autem latus braccas esse constructionem Græ-  
 cam, pro eo quod dici deberet latis braccis.*

[10] *Pro illi. Antiquum est.*

[11]. *Ubi bibitur Cafè vel herba Thé.*

*Garrulitas ridenda, sed est metuenda, minores,  
Quæ ferit & magnos nullo discrimine lingua.  
Quisquis nunquam habitat secum, sed semper ubi-  
que est,*

Fœnum habet in cornu (12), longe fuge, FAU-  
STE: *dicacis*

*Fama nocet, nullum secretum creditur illi,  
Qui plenus rimis ex omni parte fatiscit.  
Sed non tota mali summa est in vortice linguæ:  
Sunt alii, quibus officiunt magis ocia, quique  
In peiora ruunt. Vinum, Venus, alea, morum  
Et pestes aliæ testes, quæ conficiunt rem  
Quamlibet ingentem quatuor, vel quinque (13)  
Kalendis.*

*Sed quæ res periit, potis est fortuna referre,  
Jus habet in corpus nullum. Si decedit ævi  
Flos, teriturque vigor vel tota nocte choreas  
Quum ducunt, lætunique melos lugente pudore.  
Solo, vel dubiis (14) cœnis, vel fornice (15) nigro...  
O ramosa lues, Musæ reticenda pudicæ!  
Si vigor his, inquam, tentari cœperit, herbas  
Frustra contundet (16) Glaphyrus, frustra que pa-  
pyrum*

Ambiguum inficiet longa ratione (17) Galenus.  
Nec

[12] *Jumentis, quæ efferata in obvios impetum  
faciunt, fœnum in cornu alligatur, ut eo signo  
præmoniti homines sibi ab illis caveant.*

[13] *Prima dies cuiusvis mensis dicitur Kalen-  
dæ, unde hæc vox pro Mense sumitur.*

[14] *Ubi nescias, an ab aliquo non depellaris.*

[15] *In domo inhonesta.*

[16] *Apothecarius.*

[17] *Medicus. Ambigua autem papyrus dicitur,  
in quas suas rationes, seu Recipe describunt  
Me-*

Nec data cera Deos, nec picta tabella movebit,  
Qui sæpe indomitam poena hac fixere iuventam.

Novi ego præclara ditique ex stirpe creatum  
Egregium forma juvenem cunctisque beatum  
Naturæ donis: pater hunc, licet unicus esset,  
Et matre invita dederat formare severo  
Nobis imperio: namque ingens spiritus olli  
Extulerat vanas & avita superbia cristas.  
Impatiens fræni duras traduxit apud nos  
Tres, quatuorve hiemes, ut equus, qui carcere  
clausus

Plura loco ante fugam vestigia figit eodem,  
Et robusta premit, mordetque repagula. Tandem  
Erupt: finem exspectas metamque laboris?  
Ex thermis Pauli (18) quinto post mense mihi fit  
Obvius, apprenditque manum, dicitque sanctem,  
Qua caret ipse: peto nomen; namque ossa dextra,  
Et turpes macie vultus, oculique madentes  
Imbre putri, vox & tussi interrupta irequenter  
Ignotum mî reddiderant. Multo ora pudore  
Suffusus, vestris nunquam ô de sedibus, inquit,  
Gressum amovissem. *Petimus noritura, datique*  
*Largiter amentes fruimur, latique venenum*  
*Haustu avido bibimus.* Nec plura locutus abivit  
Gressu (19) incerto, obiitque diem vix mense per-  
acto.

Hoc tibi de folio recitatum crede Sybillæ (20)  
Exemplum. Miseri taceo nomenque genusque;  
M Nil

*Medici, quia ne ipsi quidem norunt, utrum  
profutura sint ægris vel ne, quæ ab ipsis com-  
mendantur medicamina.*

(18) *Ex balneis, quæ ædificaverat L. Æmilius  
Paulus, cuius nunc nonnisi rudera supersunt.*

(19) *Titubans.*

(20) *Sybillæ erant Prophetissæ.*



Nil prodesse tibi, sed multum cetera possunt.

Si noctu vigilare lubet, patet Alphefibœi (21)  
Musarumque domus: si forte pericula mavis  
Evitare, parant tenebræ quæ plura per urbem  
Noctivagis, pluteumque tuum librosque recentes,  
Quorum non parva est tibi copia, consule solus.  
Consule & antiquos, nec profecisse putato  
Te quidquam, nisi quæ sunt iacta minoribus annis  
Semina virtutum recolas, durusque labores  
Maturam in frugem deducere, quæ nisi canis  
Non datur: omnis enim juvenum sapientiæ flos  
est

Herbaque (22), quam totam ficcus depascitur  
annus.

Plura forent dictis addenda, sed imminet um-  
bra

Jam maior, currusque vocat, qui te feret Al-  
bam (23),

Placat ubi genios in aprico rure soluta  
Roma foro & studiis autumnò læta reducto.

Innuît impatiens en virga mulio, eundum est;

FAU-

(21) *Sunt plura Romæ literatorum sodalitia, inter quæ illud primum obtinet locum, quod nomine Pastorum Arcadum insignitur, qui certis diebus in locum designatum convenire solent, ibique doctas recitare lucubrationes. Nomen autem Alphefibœi non proprium est, sed Arcadicum. Moris enim est apud illos, pastoralia adsciscere sibi nomina, qualia sunt: Tytyrus, Melibæus, Cerydon, Daphnis, Odenillus &c.*

(22) *Adolescentia significat fructus futuros: reliqua tempora demetendis fructibus, aut percipiendis sunt accommodata. Cat. Maj.*

(23) *Alba est civitas non multum distans a Roma, ubi Romani pro diverticulis confluunt.*

FAUSTE, vale: te forte sequar vice (24) functus  
& ipse

Post aliquot (25) soles. Jucundæ in collibus Albæ,

Aut in (26) Aricino dicam tibi cetera clivo.

Interea recoles, quæ dixi stans pede in uno (27)

Pauca hodie; sed multa satis servare volenti.

## SERMO ALTER.

*Respondet Jo. B. Guilielmino gentili suo, Castellano Vennensi, qui se ad reditum in patriam sollicitaverat. Exponit causas, cur sibi non redeundum putet.*

GUILIELMINE, aliis qui æquum ius (1)  
dicis, iniquum

Mi dicis, remeare iubens ad patria tecta.

Pœnituit rediisse semel. Tibi scire volenti

Causas simpliciter narrabo, pericula primum

Enumerando viæ, dein multa obstacula, quæ mi

Opponit natale solum, prohibetque reverti.

Septembri medio digressus ab Urbe malignum

(2) ob

Aerâ nil prima dormivi nocte, secunda

M 2

Tur-

(24) Vice functus idem est, quod officio functus,  
scilicet fuitis scholarum exercitiis.

(25) Post aliquot dies.

(26) Aricium est castellum non longe distans ab  
Albâ.

(27) Breviter.

(1) Castellanorum interest lites dijudicare.

(2) Digressus ab Urbe sub finem æstatis ad dimidium usque autumnum putatur mortiferum dormire spatium quadraginta aut quinquaginta millia passuum. Optima sunt remedia vigilia, ignis, suffitus, diæta,

Turbârunt somnum longissima iurgia propter  
Turдум, quem tulerat secum hospes, caupo ne-  
gabat,

Tertia erant nobis gens circumfusa Canopi (3)  
Multa, statura humilis, facie nigra, corpore toto  
Fœda, & si credis famæ, divina futuri.  
Scrutari at loculos melius, quam sidera nôrunt,  
Nemo dormisset monstra inter talia tutus.

At mihi nullus erit finis, si dicere noctes  
Insomnesque gravesque velim plenasque timore.  
Nam ternus mihi mensis itu redituque cucurrit,  
Resque novo semper gravis est decumbere lecto.  
Nox tamen una aliis fuit anteferenda, iacebam  
Qua sacco paleis & ficca fronde referto  
Alpibus in mediis (4); quod nempe iacere pu-  
tarem

Me primum egregio in thalamo securus ab omni  
Vermiculo & contagio; luem nam sæpe cubile  
Affricat incautis, cogitque exolvere pœnas  
Sontis alius At hoc penitus non esse sinebat  
Felicem, quod vel leviter quum membra move-  
rem,

Obstreperent ficcæ frondes, somnumque fragore  
Præcipiti excuterent, sua vulnera forsitan ultæ.  
Cui sunt deliciae tales, incommoda per Te  
Conjice quot tulerit. Missis maiora minutis  
Persequar. In pelagum tranquillum mane Libur-  
no (5)

Solvimus exiguam puppim, Thetidemque seca-  
mus.

Sol

(3) Natio ab Ægypto oriunda, Tartarorum mo-  
re vaga, omnia secum portans, Cygani.

(4) Alpes montes sunt, quibus Gallia ab Italia  
secernitur.

(5) Liburnum Civitas Italiae in Etruria.

Sol medium faciebat iter, quum vertere pro-  
ram

Ad litus (6) Lucense Charon (7) iubet, æquore  
quamvis

Immoto: nautis namque est præfaga mali mens.

Flare autem sensim Notus incipit. Instat anhelis  
Navita remigibus; nam longe dissita nobis

Est Via Regia (8). Aquis innascitur æstus, &  
undæ

Horribili strepitu resonantia litora pulsant.

Quo propius terris iactamur, eo minus oram

Cernimus, & quoties dorsum superamus aquarum,

Stentorea (9) nautæ conclamant voce vocantes

Auxilium, & manibus geminantes signa. Coloni

Litoris accurrunt, contosque uncosque ferentes

Ferratasque sudes, quæ cœcum intrare canalem

Cymbam adigant dubiam, mediumque tenere;

per utrum

Nam latus irruimus certo gens debita letho.

Ergo duas nudorum hominum collabimur inter

Alas: hæc muro stat dextero & illa sinistro,

Distantem nimis hæc retrahens, nimis illa pro-  
pinquam

Depulsans cymbam, lumbis tenus utraque collo &

Summerfa interdum. Nifu ingentique labore

Ingressi tandem curva deducimur acta (10)

M 3 Inco-

(6) Luca est Metropolis Reipublicæ Lucensis in  
Italia.

(7) Nauclerus.

(8) Oppidulum in ditione Lucensi, cuius canalem  
intrant minora navigia.

(9) Stentor vir fuit supra modum clamorosus; un-  
de Stentorea vox sumitur pro clamore præ-  
grandi.

(10) Acta idem quod littus.



Incolumes, sed aqua madidi gelidique timore.

Pellimus igne gelu. Interea qui forte sedebat  
In Laribus senior, queritur ridetque. Quid hoc est  
Monstri, aio? gaudet, dolet uno & tempore.

At ille,

Punctus ait Podagra doleo, sed iam prope sanus  
Gaudeo; namque instat ieiuno quarta dies mi,  
Et finis podagræ, esuries cui sola medetur,  
Nos est mane senex comitatus passibus æquis  
Ad cymbam, iussit multum & salvere abeuntes,  
Quando laborabis podagra, ieiunia serva;  
Hinc etenim pedibus mordax subducitur humor.

Sed nostrum repetamus iter, pelagoque sequa-  
mur.

A modico liber maiori occurro periculo.

Nam grandem Ligurum conscendo in litore pi-  
num

Massiliam (11) petiturus. Unelia (12) nocte se-  
cunda

Nos videt immotos (13), nisi quod verrunt duo  
remi.

Noctē fere media flare incipit Eurus, & Euro  
Vela damus læti, modico sed tempore; namque  
Sævior increscens turbat cælumque salumque.  
Amplius haud vidi nisi ruptos nubibus ignes,  
Nil nisi rugitumque maris gemitumque rudentum  
Audivi, & clamores terrificos nautarum.

Quantum extra navim sævirent omnia, frustra  
Dicere coner. Ab his intellige, quæ miseri intra  
Pertulimus. Modica nostris cum rebus ad octo

Sisti-

(11) *Massilia Civitas maritima Galliae.*

(12) *Civitas Liguriæ sub Rege Sardiniae, Prin-  
cipatus cognominis caput.*

(13) *Ventus enim deerat, qui navim impelle-  
ret.*

Sistimus in cella. Pendens e fune lucerna  
 Horribili impingit motu ad laquearia, lucemque  
 Eripit ex oculis. Paries me hic dejecit, illum  
 Mi ad frontem paries alius collidit, & uno  
 Volvimur ambo solo: multi glomeramur in unum  
 Rursus nunc sursum iactati, nuncque deorsum.  
 Hinc onus impellit, plena illinc mercibus arca  
 Dejicit in morem testudinis omnia ubique  
 Obvia; miscetur pede pes densusque viro vir,  
 Et scamna & lauces & vasa & athena. Redimus  
 In chaos antiquum, simul & confundimur. Argent  
 Sparsa maris spuma crebraque aspergine membra,  
 Infilat os imber falsus naresque oculosque:  
 Nautarum plangor sociorum & flebile murmur  
 Terrorem ingeminant, quatiuntque immaniter  
 aures.

Denique mortis adest quocunque impellor, imago.  
 Proque patet tumulo mihi plurimus æquore gur-  
 ges.

At cui sæpe datum est tumidos compescere flu-  
 ctus,

Atque suos JOSEPH tuto deducere portu  
 Naufragio abreptos, mihi terque quaterque vo-  
 catus,

Adfuit, & nota sese pietate parentem  
 Monstravit. Siquidem cum nocte procella resedit,  
 Et salvos portum Telonis (14) vidit inire  
 Nos aurora. Adeo volat Euro concita navis;  
 Nempe plagis Lignum. Telonem quattuor ho-  
 ris (15).

H 4. At

(14) *Portus Gallie amplissimus, ac toto orbe  
 celeberrimus.*

(15) *Eminentum scilicet spatium 24. circiter leuca-  
 rum, ut dicunt, nempe 140. millia passuum ho-  
 ris quatuor, aut non multo secus.*

At laudabo procul semper mare, classica, nautas.  
 Est aqua namque mihi contraria. Ab æquore liber  
 Naufragium passus sum pene minoribus undis.  
 Primum intentavit furibunda Druentia (16), fugit  
 Quæ liquidas Alpes, latoque immergit in alveo  
 Sæpe ratem improvisa ruens & turbida cœno.  
 Alterum in Helvetia lacus Altorfensis, in ampla  
 Quem trabe cum bobus tranavimus. At nisi velum  
 Accelerasset iter, hominesque bovesque profundo  
 Trabs inversa lacu merfisset; tanta repente  
 A fundo latices tempestas miscuit imo.

Jure averfor aquas igitur, discoque periculum  
 Exemplo nostri quondam evitare catelli.  
 Is primum egressus patrio de stramine fontem  
 Esse solum ratus, ingreditur; sed cedere sensit  
 Ut liquidum plantis metuens immergier, auras  
 Latratu implevit; porrecto fuste reduxi  
 Ad ripam. Excussis villoso ab tergore guttis  
 Allatravit aquæ, dentesque ostendit acutos,  
 Grandior & fontes & flumina credidit hostes,  
 Et procul obiurgavit atrox quemcunque fluentem.

Nunc ad iter venio terrestre. Cadavera vidi  
 Præteriens Alpes glacie concreta, minaces  
 In me oculos veluti tendentia, quod nimis audax,  
 Postridie illorum mortem, iuga dira subirem  
 Haud ventos metuens niviumque volumina & iras.  
 Nam denso adversos ferientes turbine vultus  
 Conclufere animas miserorum in faucibus imis.  
 Silvam alibi ingresso, quercum hanc, auriga co-  
 lore

Mutato, vide, ait: grassator multus heri tres  
 Ferro hic stravit; adhuc madidæ sunt sanguine  
 glebæ.

At

(16) *Fluvius Provinciæ Romanorum, Gallice la Durance.*

At me primo aditu in silvam, stultissime rerum,  
Ista mones? Nullum nemus unquam obscurius isto,  
Horridius nullum vidi. Brevis est Arduenna,  
Terminus Hercyniæ (17) non sic protenditur;  
hora

Infandum nemus hoc quanquam prætervehor una.

Sed quibus in silva tres non occurrimus, unus  
In patulo occurri sævis latronibus agro.  
Non procul a Dola gradienti in equo mihi bini  
Obveniunt pedites, hic canus, subniger ille.  
Torvus uterque oculisq; minax. Tum, quo via ducit  
Hæc? aiunt. Dolam (18). Nobis tecto capite?  
inquit

Junior, affiliunt & utrinque. Pericula fortes  
Thersitas (19) faciunt quandoque. Cito omnia tensa  
Fræna manu immittens serio calcaribus armos.  
Dejicit hunc equus atque illum, panditque viam vi,  
Et velut admonitus communis utrique salutis  
Ocior alitibus celeri volat ocior Euro,  
Meque probris fures fremituque sequuntur inani.

Sed ne forte putes *Aenææ* me, vel *Ulyssis* (20)

M 5 Velle

(17) *Arduenna in Gallia, Hercynia in Germania ingentes sylvæ.*

(18) *Respondit Auctor.*

(19) *Narrat Homerus in Iliade Thersiten claudum & imbellem viribus ab Ulyssæ ob nimiam garrulitatem plagis affectum fuisse.*

(20) *Ulysses Ithacæ (quæ est insula in Archipelago) Rex, post decennalem Troiæ obsidionem variis altero decennio casibus terra marique iactatus est: antequam in patriam reverteretur. Aeneas Troianus, cum cladem, quæ reliquos concives affecerat, cum paucis evasisset, plura item sustinuit incommoda, antequam littora Italiæ attingisset. Huius molestias enarrat Virgilius in Aeneide, illius Homerus in Iliade.*



Velle pares casus totidemque referre labores,  
Cetera prætereo, maiora & vera loquutus.  
Dic mihi nunc, cur non post vincla, ergastula,  
remos;

Hoc quoque supplicio fontes damnantur, ut errent  
Per maria & terras? Fraterna cæde cruentum  
Primum errare hominem iussit, longeque vagari  
Justitiæ exemplar primævæ Conditor orbis. (21)  
Cur non in vestro est scripta hæc quoque Codi-  
ce poena?

Quidquid id est. præstat in sede morarier una.

Quæ a vobis bona, forte malis peiora, recepi,  
Jam loquar: iccirco ne ingratum crede: recordor  
Quæ mihi Tu, reliqui quæ sanguine iuncti & amici  
Officia exhibuistis. At ut Sophos ille monet; Ne  
Quid nimis. An modicas mihi cœnas ipse parasti?  
An modicas alii? Consuetum vivere parvo  
Vestræ accumbentem plus æquo tempore mensæ  
Tædebat, mihi nec quandoquam humanissimus hospes  
Tædia pellebat, nec doctus sermo, nec ode  
Mista frequens. Ita fastidimus cuncta coacti.

Nec satis hoc. Gustare novas post fercula plura  
Multi svadebant epulas, nec grandia multi  
Pocula spernebant, nec multa, iterumque iterumque  
Miq; meisq; propinantes. Quid vina Polycni (22)  
Sequanicæq; (23) dapes saturo potoque decenter?  
*Plus sapiunt, quam nos, animalia muta; comedit*  
*Quum*

(21) *Vagus Es profugus eris super terram. Genes. 14.*

(22) *Vinum Polycnum seu Polyniacum Galliæ præstantissimum.*

(23) *Sequana fluvius Parisios Metropolim Regni Galliæ præterfluit: Unde Sequanicæ dapes pro luxu accipiuntur, cum Galli in epulis modum excedere amant.*

*Quum fatis, Et potavit equus, potumque cibumque  
Præbe, haud illecebris, haud virga sumere coges.*

Adde istuc: hodie coenavi lautus apud Te:  
Cras, inquit conviva alius, coenabis apud me.  
Inde alii Lunæque diem Martisque Jovisque  
Ordine distribuunt. Ego denique semper opimo  
Semper in omni epulo converſor Apicius (24)  
alter

Invitatori si forte venire recuso

Nec diverticulo fatis apto callidus utor,  
Dicor inurbanus, Clochis præpono Rinaldos (25):  
Atque ita me urbanus neco. Sanus enim nequit  
nullus

Esse diu conviva, frui nec munere vitæ.

Præterea inculant multis materque sororque  
Tam sæpe absentem; Cur, aiunt, ergo redisti,  
Si matremque domumque fugis, nec cura tuarum  
Ulla tibi est? Tantum a nobis hoc tempore distas,  
Quantum distabas trans longinquissimus Alpes.  
Solicita abscondunt vestes exire paranti  
Nec reddunt, nisi me rediturum ad prandia secum  
Pollicear, dextraque data contester. At cheu!  
Illabor miser in Scyllam vitando Charybdim (26),  
Namque domum rediens aliquo comitatus amico  
Convivas alios me non prudente (27) vocatos  
Invenio. Totas urbani moris habenas  
Hic laxare opus est, comitesque præire bibendo:  
Parcus enim hospitibus gravis est, & sobrius hospes.

At

(24) *Comessator Et patator ex antiquis famosissimus.*

(25) *Clochus splendidus Et alacer, Rinaldus morosus Et inurbanus, hospitum exceptores.*

(26) *Gurgites in mari mediterraneo ad littora  
Africae, ubi naves approximantes rapiuntur Et  
demerguntur.*

(27) *Me inscio.*



Nil nisi de vestris rescribito rebus, ut hamo hoc  
In patriam retrahas: etenim piscabere frustra.  
Esse volunt inter nos Alpes fata. Valete &  
Esse mei memores, ut vestri sum memor usque  
Sum memor atque viæ infinitorumque laborum.

### SERMO TERTIVS.

*Artemidorum indocilis animi arguit, idque ingens  
esse malum demonstrat. Loquacitatem & scur-  
rilitatem reprehendit. Superbiam maximo li-  
teris discendis impedimento esse ostendit. Doci-  
le ingenium perspicaci præponit.*

Uterius tecum non dissimulabo; nocerem  
Namque tibi rebusque tuis nimis. ARTEMI-  
DORE,

Si mea te longo patientia tempore ferret.  
Dementes sumus ambo; ego qui te recta docere  
Nitor; tu qui me scis plura, meamque cathedram  
Cum his rudibus circumstas. At rudis hic, rudis ille.  
Quos rudior spernis, faciunt quandoque Miner-  
va. (1)

Digna, tuum vidi nil unquam mercule (2) dignum,  
ARTEMIDORE, manus post longum tempus  
inanes (3)

Sunt, vacuumque tibi caput; & quod me magis  
angit,

Stabit semper idem tibi cum manibus caput isdem  
Nam

*dicta, quod huius urbis portas puro quondam  
auro contextas fuisse constat. Geor. Bruin de  
Urbibus.*

(1) *Dea studiorum.*

(2) *Pro me hercule.*

(3) *Non liber, non charta, non pluma unquam  
in manibus.*



Nam non es docilis. Vitium autem hoc in iuvene  
ingens

Et lethale malum est, quod idonea vivere (4)  
maçtat,

Fruges pessundat præsentis spemque futuri.  
Nostra patet pridem tibi ianna, abito, vel audi  
Demissis tandem cristis animoque superbo,  
Quæ sanam valeant furioso reddere mentem.

Virus ubi sceleris tellus exterrita primi  
Sensit, mutari sensit quoque semina frugum in  
Noxia (5): nec præter lolium, tribulos, paliuros,  
Sponte tulit quidquam. Magni stetit herba salubris,  
Nec sine collecta est duro seges ulla labore.

Ipsa hoc imbutum peperit te terra veneno.  
Semina noscendi si unquam tibi certa fuissent, (6)  
Degeneraverunt non tam, ARTEMIDORE pa-  
rentum

Culpa, quam gestas quo turgida pectora, fastu.  
En prope lustra tibi quatuor fluxere, sciendi  
Quæ monumenta mihi monstras, quæ signa politi  
Ingenii? Num sermonem (7), qui plurimus ore  
Exit ubique tibi concedenti omnia linguæ,  
Nil limæ, nulla ratione puerne senexne,  
Vel plebs vel procures adtent, vel scæmina vel vir?  
Hoc

(4) Maçtat illa, quæ sunt apta ad vivendum.

(5) Patres aliqui, & præcipue Ven. Beda, cen-  
suerunt, ante peccatum Adæ nullum animal fu-  
isse venenatum, nullam herbam noxiam.

(6) Contendunt nonnulli Philosophi, habere nos  
ideas rerum innatas & semina scientiarum,  
quæ studio aluntur, & maturescunt. Discere  
enim nihil aliud est, quam recordari. 1. Tusc.  
& de Senect.

(7) Num pro monumento politi ingenii monstras  
sermonem?

Hoc si scire tuum est, vincit te psittacus. Ille  
Non etenim cudit nova verba, fideliter hæret  
Syntaxi, nescitque suum, vocitatque magistrum,  
Et quæ se docuit, recitat, metuitque quid ultra  
Addere: nam nobis loqueretur America (8) verba.  
Ceterum ei nullum est hominum discrimen; uti tu,  
Tam populo coram, tam magno principe garrit.

Scis homines simulare, tonos scis reddere vocum,  
Cumque modis gestus, incessum. Non reor unum  
Esse hominem, quum te video, sed sistere coram  
Me puto blæforum monstroforumque catervam.  
Nunc mihi foeminea resonas, nunc voce virili,  
Nunc nullam profers toto sermone caninam  
Literam (9), eam profers duplicem nunc est ubi  
simplex:

Nunc planum fingis mentum, nunc, fingis acutum.  
Es modo gibbosus, modo cocles, vel modo clau-  
dus (10),

Quid non es? Maculas naturæ colligis omnes  
Ut scarabeus, inest quod forte bonumque relinquis.  
Hic quoque brutum aliud te vincit. Simia nam non  
Sola refert hominum vitia, aut informia membra.  
Quod sanum objicitur, quod rectum, imitatur; in  
armis

Stat, ducit choreas, præsentis ore salutat  
Composito urbane, reveretur corpore flexo,  
Atque

(8) Quibus barbari Americani loquuntur, quæ  
nos non intelligimus

(9) Literam r, quam non pronuntiant blæsi, Et  
qui eos mimice repræsentant.

(10) Similis illi scurræ, qui mores aliorum tam  
inepto gestu exprimit, ut cum alios irrideat,  
ipse omnibus sit ridiculus. Arist. Est proprium  
stultitiæ aliorum vitia cernere, suorum obli-  
visci. 3. Tusc.

Atque graves simulat se gestu expromere sensus.

Si quem oratorem, si quem ta forte poëtam  
 Audisti, friget cum versu oratio, stultam  
 Nil vitat criticen. Humilis Maro, Tullius uber  
 Plus æquo, tenebris offusus Horatius. Ergo  
 Carmina percipies hæc nostra facillima. Rapum  
 Est tibi pro cerebro & ventosa cucurbita, proque  
 Consilio priscis Dea quædam (11) culta Latinis,  
 Cui multo elleboro liquidaque litatur oriza.

Sed quid ego aiebam? mea me sententia fallit.  
 Est dignum risu, quod de te huc diximus usque.  
 Quod superest, iram quocunque in pectore pleno  
 Phlegmate (12) commoveat. Non tu vesanus es,  
 illa aut

Simplicitate animi, qua lævo fidere natos  
 Ridemus ferimusque. & quando negocia cessant,  
 Illorum alloquiis gaudemus, poscere amamus  
 Respondere bonos præpostera quæque. Mamilla  
 Sed tibi sub læva quiddam salit (13); haud tibi a-  
 cumen

Mentis abest, imo nimis est subtile: penetrat  
 Nam crassam raro tam elata superbia frontem (14).

Dicis ut absurdum, atque a vero turpiter erras,  
 Si quis vel ridet, vel corripit impatiens; os  
 Purpura suffundit subito tibi multa. Pudorem,  
 Qui longe est omnes pulcherrimus ante colores;  
 Crederet esse, fores cui non sat notus; at ira est,  
 Est furor; absurdum nam absurdis pluribus urges,  
 Ulla nec est hominis tibi, nec reverentia veri.  
 Turpius est quidquam, quid iniquius? Ultro do-  
 ceris,

„ E

(11) *Moria sive stultitia.*

(12) *Phlegmatici enim prout ad omnia, sic ad iram sunt tardissimi.*

(13) *Habes cor.*

(14) *Stulti non superbiunt.*

. *Et nescire pudens prave, quam discere ma-  
vis.* (15)

Te coram vices sociis viresque loquendi  
Defunt: dicit enim quisquis quodcumque, refel-  
lis; (16)

Aut mussas, donec quod habes, opponere contra  
Posceris: opponis subito pugnantia secum;  
Si quid & essaris rectum usquam, protinus utris  
More tumes pleni. Tibi enim solum est cacoëthes  
Te ostentare, ocnlos cunctorum & vertere in u-  
num.

Vertimus, ARTEMIDORE, sed ut vertisse so-  
lemus.

Quum monstrant hominem bino cum corpore &  
uno

Vertice, vel quatuor manibus, vel duplice naso.  
Denique te ut monstrum aspicimus, cui humana  
figura est

Exterius formosa, atque omnibus integra mem-  
bris.

Sed pars illa Deo similis, mens conscia veri,  
Quæ facit una hominem, pars in te perdidit illa,  
ARTEMIDORE, decus, meliorem perdidit in te  
Dotem animi; curva est, enormis, proxima brutis:

Finge animo durum ingenium, rude, depile,  
nullum,

Sit tamen id docile; una plus ediscet in hora,  
Integro quam tu, sapiens stultissime, lustrum (17).  
Aures præbebit, quod non capiet, sibi rursus  
Comiter urgebit repeti, summittet honestam  
Frontem, servabit domum alta silentia: nullum est  
N . . . . . Cla-

(15) Horat. in Art. Poet.

(16) Cum omnis arrogantia odiosa est, tum illa  
ingenii multo molestissima. Cic. in Verr.

(17) Lustrum est spatium quinque annorum.



Clarius indicium Juvenis gnarique bonique  
 At finge illud idem magnum, perlucidum, acutum,  
 Sed fræni impatiens stimuliq; malum artibus  
   omen,

Moribus & peius dico, ARTEMIDORE. Fue-  
   runt

Indocti omnes indociles, vitiisque notati,

Si libet ergo hodie pactum statuemus utrinq; ;  
 Aut mihi parebis nil præter justa iubenti,  
 Aut ad te verbum dicam non amplius ullum.

## FINIS PARTIS SECVNDÆ.





## INDEX

EORVM, QVÆ IN SECVNDA PARTE  
CONTINENTVR.

### EX LIVIO.

Vita Romuli	pag. I.
Numæ Pompili	4
Tullii Hostilii	6
Anci Martii	9
Tarquinii Prisci	10
Servii Tullii	12
Lucii Tarquinii	14
Junii Bruti	16
Menenii Agrippæ	18
Marcii Coriolani	23

### EX MVRETO.

Narratio de rebus gestis Polonorum	23
------------------------------------	----

### EPISTOLÆ EJVSDM.

Ad Riparium	34
Joannis Zamoyscii ad Muretum	39
Mureti ad Zamoyscium	ibid.
Ad Stephanum Regem Poloniæ	41
Ad Paulum Sacratum	ibidem

### EPISTOLÆ PETRI BEMBI.

Ad Ferdinandum Hispaniæ Regem	46
Ad Hippolytum Cardinalem	47
Ad Joachimum March. Brandenburg.	48
Ad Maximilianum Imperatorem	ibid.
Ad	Ad

## INDEX

Ad Angelum Cosmum	49
Ad Maletestam Balionem	ibid.
Ad Antonium Abbatem	50
Ad Claudiam Regis Galliæ Filiam	51
Ad Fabritium Carretum	52
Ad Sigismundum Regem Poloniæ	54

### EPISTOLÆ C. PLINII CÆCILII.

Ad Caninium Ruffum	56
Ad Cornelium Tacitum	58
Ad Minutium Fundanum	59
Ad Soffium Senecionem	61
Ad Euricium	63
Ad Avitum	65
Ad Mauricum	66
Ad Cornelium Tacitum	68
Ad Caninium	70
Ad Trajanum Imperatorem	73

### EX M. T. CICERONE.

Lælius. five de Amicitia	76
--------------------------	----

### EJVSDDEM EPISTOLÆ FAMILIARES.

Ad Dolabellam Consulem	118
Ad Plancum prima	121
Secunda	122
Tertia	123
Planci ad Ciceronem	125
Ad Plancum 4ta	ibid.
Ad Lepidum	126
Ad Terentium Varronem	127
Ad Dolabellam	128
Ad Papirium Pætum	ibid.

### EX VALERIO MAXIMO.

De Magistratibus	129
De	De

# INDEX

De Frugalitate & Innocentia	136
De Disciplina militari	133
De Jure triumphandi	135
Ce Censoria Severitate	136
De Fortitudine	138
De Patientia	145
De humili loco natis qui clari evaserunt	141
Qui a præclaris parentibus degenerarunt	148
De Animi moderatione	ibidem
De Abstinencia	150
De Paupertate laudata	152
De Humanitate & Clementia	153
De Gratitudine	154
De Pietate in Parentes	ibidem
De Pietate erga Patriam	155
Qui severi adversus liberos	157
Qui filiorum obitum forti animo tulerunt	159
Quæ libere dicta aut facta	160
De Severitate	162
De graviter dictis aut factis	163
De Justitia	165
De sapienter dictis aut factis	167
De Studio & Industria	168
De Effectibus Artium raris	170
Quod optimis Artium Magistris concedend.	171

## SERMONES BERNARDI GVILIELMINI.

Sermo primus	172
Sermo secundus	179
Sermo tertius	189







# ERRATA.


Pag. vers.

- |       |     |  |
|-------|-----|--|
| 4.    | 24. | Angur <i>lege</i> Augur,               |
| 7.    | 18. | infit <i>lege</i> inquit               |
| 21.   | 31. | frustantur <i>lege</i> frustrantur.    |
| 27.   | 13. | ceissit <i>lege</i> cessit             |
| 45.   | 22. | signicabant <i>lege</i> significabant. |
| 67.   | 26. | aëtoritate <i>lege</i> auctotitate     |
| 69.   | 2.  | hane <i>lege</i> nonne.                |
| 89.   | 4.  | generorum <i>lege</i> generosorum.     |
| 96.   | 34. | Calamitosi <i>lege</i> Calamitosi      |
| 101.  | 4.  | Terrius <i>lege</i> Tertius            |
| 122.  | 25. | juneunda <i>lege</i> jucunda           |
| ibid. | 27. | Constiutam <i>lege</i> Constitutam.    |


















































Biblioteka Jagiellońska



stdr0023911

